



PARLAMENTO
DE GALICIA



BOLETÍN OFICIAL DO PARLAMENTO DE GALICIA

X lexislatura
Número 539
30 de setembro de 2019

Fascículo 1



SUMARIO

1. Procedementos parlamentarios

1.1. Procedementos de natureza normativa

1.1.2. Propostas de normas

1.1.2.1. Proxectos e proposicións de lei

Resolución da Presidencia, do 30 de setembro de 2019, polo que se amplía o prazo de presentación de emendas ao articulado ao Proxecto de lei de medidas de garantía do abastecemento nos episodios de seca e nas situacións de risco sanitario [10/PL-000017 (doc. núm. 52558)] [177219](#)

Resolución da Presidencia, do 30 de setembro de 2019, polo que se amplía o prazo de presentación de emendas ao articulado ao Proxecto de regulación do aproveitamento lúdico das augas termais de Galicia [10/PL-000018 (doc. núm. 53521)] [177219](#)

1.3. Procedementos de control e impulso

1.3.2. Comunicaci3ns da Xunta de Galicia

1.3.2.1. Debate de política xeral

1.3.2.1.2. Resoluci3ns aprobadas

Resoluci3ns subseguintes ao debate anual de política xeral sobre a situaci3n política da Comunidade Autónoma de Galicia do 25 de setembro de 2019 [177220](#)

1.4. Procedementos de informaci3n

1.4.4. Preguntas

1.4.4.3. Preguntas para resposta por escrito

55692 (10/PRE-017682)

Grupo Parlamentario dos Socialistas de Galicia

Vilán Lorenzo, Patricia e Porritt Lueiro, María Teresa

Sobre os prazos previstos polo Goberno galego para a daci3n en conta do grao de seguimento do seu plan normativo para o ano 2018 e a aprobaci3n do calendario correspondente para 2019, así como as raz3ns do incumprimento dos seus plans na materia [177247](#)

55699 (10/PRE-017683)

Grupo Parlamentario dos Socialistas de Galicia

Rodríguez Rumbo, Matilde Begoña e 3 máis

Sobre as previsi3ns do Goberno galego respecto da convocatoria da Federaci3n Galega de Municipios e Provincias e da Federaci3n Galega de Salvamento e Socorrismo Acuático co fin de buscar soluci3ns viables ao problema que est3n a ter os concellos para contrataren socorristas para as praias ou piscinas e a diminuci3n cada ano do número de persoas interesadas en realizaren cursos de capacitaci3n [177249](#)

55707 (10/PRE-017685)

Grupo Parlamentario dos Socialistas de Galicia



Rodríguez Rumbo, Matilde Begoña e Pérez Seco, José Manuel

Sobre a valoración do Goberno galego respecto dos datos referidos á evolución que presenta en Galicia o Índice de produción industrial no mes de xullo de 2019, en relación co mesmo mes de 2018 e o conxunto do Estado

[177251](#)

I 55710 (10/PRE-017686)

Grupo Parlamentario dos Socialistas de Galicia

Rodríguez Rumbo, Matilde Begoña e Pérez Seco, José Manuel

Sobre a valoración do Goberno galego respecto dos datos referidos á evolución que presentan a creación e a disolución de sociedades mercantís en Galicia no mes de xullo de 2019, en relación co mesmo mes de 2018 e o conxunto do Estado

[177252](#)

I 55716 (10/PRE-017687)

Grupo Parlamentario dos Socialistas de Galicia

Pérez Seco, José Manuel e 2 máis

Sobre as razóns da demora no desenvolvemento do proceso de concentración parcelaria dos núcleos 1 e 2 da zona norte do concello de Agolada, as medidas que vai adoptar e as previsións do Goberno galego ao respecto, así como as súas intencións en relación co seu inicio no núcleo 3

[177254](#)

I 55721 (10/PRE-017688)

Grupo Parlamentario dos Socialistas de Galicia

Rodríguez Dacosta, María del Carmen e 2 máis

Sobre os datos referidos á creación e á cobertura da praza de director técnico do Consorcio Provincial de Bombeiros de Ourense

[177257](#)

I 55725 (10/PRE-017689)

Grupo Parlamentario dos Socialistas de Galicia

Rodríguez Dacosta, María del Carmen e 3 máis

Sobre as datas de concesión das licenzas de actividade e de apertura do Museo do Viño de Galicia en Santo André de Camporredondo, no concello de Ribadavia

[177259](#)

I 55793 (10/PRE-017690)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre as previsións do Goberno galego respecto da cobertura, no concello de Meis, das baixas e vacacións do persoal facultativo e, en particular, da praza de pediatra vacante por baixa da titular

[177261](#)

I 55810 (10/PRE-017691)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre as actuacións levadas a cabo polo Goberno galego e as demandas realizadas ao Goberno central en relación co apresamento polas autoridades irlandesas do arrastreiro *Río Mau*, con base no porto de Vigo

[177264](#)

I 55811 (10/PRE-017692)

Grupo Parlamentario Mixto



Vázquez Verao, Paula

Sobre as razóns da Academia Galega de Seguridade Pública para seguir publicando na súa páxina web a oferta do ciclo formativo de grao medio de Técnico de Emerxencias e Protección Civil, cando está xa cancelado, e sobre o prazo previsto para a súa recuperación [177268](#)

I 55818 (10/PRE-017693)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre as razóns do Goberno galego para paralizar a proposta de ampliación da Rede Natura 2000 en Galicia, sometida á información pública no ano 2012, as previsións ao respecto para a X lexislatura, así como a revisión do plan director e a aprobación dos plans de xestión específicos para cada un dos lugares inseridos nela [177270](#)

I 55828 (10/PRE-017694)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre a xestión do Goberno galego en materia ferroviaria [177276](#)

I 55834 (10/PRE-017695)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre as razóns do Goberno galego para avalar os proxectos de creación dos parques eólicos de Campelo, Bustelo e Monte Toural, nos concellos de Carballo, Coristanco, Santa Comba e Tordoia, a valoración que fai do seu impacto, así como a actuación que vai levar a cabo respecto da súa tramitación e do proxecto da liña de alta tensión asociada [177280](#)

I 55845 (10/PRE-017696)

Grupo Parlamentario dos Socialistas de Galicia

Blanco Rodríguez, Noela e 2 máis

Sobre a valoración do Goberno galego respecto da declaración da Festa da Vendima de Leiro como festa de interese turístico de Galicia, así como os datos referidos á tramitación do expediente para ese fin [177286](#)

I 55846 (10/PRE-017697)

Grupo Parlamentario dos Socialistas de Galicia

Torrado Quintela, Julio

Sobre as xestións levadas a cabo polo Goberno galego para a procura dun local social para a asociación de persoas xubiladas de Vilagarcía de Arousa e as previsións ao respecto [177288](#)

I 55851 (10/PRE-017698)

Grupo Parlamentario dos Socialistas de Galicia

Vilán Lorenzo, Patricia e 3 máis

Sobre a opinión e as actuacións previstas polo Goberno galego respecto da situación organizativa advertida polo persoal técnico do equipo número 2 da área de menores do Servizo de Familia, Infancia e Dinamización Demográfica da Consellería de Política Social na provincia de Pontevedra [177290](#)



I 55854 (10/PRE-017699)**Grupo Parlamentario dos Socialistas de Galicia****Vilán Lorenzo, Patricia e 2 máis**

Sobre as razóns da demora do Instituto Galego de Vivenda e Solo no inicio da tramitación do borrador de regulamento urbanístico presentado polo Concello de Ponte Caldelas para a ordenación dos terreos comprendidos na Central de Transportes, no polígono industrial da Reigosa [177292](#)

I 55858 (10/PRE-017700)**Grupo Parlamentario dos Socialistas de Galicia****Blanco Rodríguez, Noela e 2 máis**

Sobre as medidas adoptadas e previstas pola Xunta de Galicia en relación coas demoras que se veñen producindo no pagamento pola empresa concesionaria dos salarios do persoal de seguridade privada dos hospitais comarcais de Verín e Valdeorras [177294](#)

I 55863 (10/PRE-017701)**Grupo Parlamentario dos Socialistas de Galicia****Torrado Quintela, Julio e Blanco Rodríguez, Noela**

Sobre a opinión do Goberno galego respecto da atención sanitaria prestada á veciñanza do concello de Meis durante os meses de verán e as súas previsións referidas á revisión da política de recursos humanos para mellorar a planificación das substitucións de persoal [177296](#)

I 55908 (10/PRE-017702)**Grupo Parlamentario dos Socialistas de Galicia****Rodríguez Rumbo, Matilde Begoña e 2 máis**

Sobre o coñecemento do Goberno galego do contido do acordo asinado polo grupo Ferroatlántica SAU coa firma Ithaka Partners, S.L., para a venda das fábricas de Cee e Dumbría, xunto coas centrais hidroeléctricas do río Xallas, así como a súa opinión respecto da necesidade de autorización administrativa previa para o seu asinamento e o cumprimento íntegro das condicións establecidas na concesión [177298](#)

I 55913 (10/PRE-017703)**Grupo Parlamentario do Bloque Nacionalista Galego****Rodil Fernández, Olalla e 5 máis**

Sobre o estado das obras de construción do novo centro de saúde do concello do Saviñao, as razóns da súa paralización e as medidas adoptadas ou previstas polo Goberno galego ao respecto [177300](#)

I 55927 (10/PRE-017704)**Grupo Parlamentario do Bloque Nacionalista Galego****Rodil Fernández, Olalla e 5 máis**

Sobre os datos referidos á situación na que se atopa a implantación da coeducación nos centros de ensino públicos de Galicia e a valoración do Goberno galego ao respecto [177303](#)

I 55961 (10/PRE-017706)**Grupo Parlamentario dos Socialistas de Galicia****Burgo López, María de la Concepción e 2 máis**

Sobre os datos referidos á execución do convenio de colaboración asinado pola Axencia de Turismo de Galicia coa Catedral de Santiago de Compostela para a edición dun libro compilatorio sobre a Domus Iacobi [177306](#)

I 55963 (10/PRE-017707)

Grupo Parlamentario Mixto

Vázquez Verao, Paula

Sobre os datos referidos á dotación de persoal e atención sanitaria que se está a prestar no PAC e Centro de Saúde de Palas de Rei, así como a opinión do Sergas ao respecto [177308](#)

I 55967 (10/PRE-017708)

Grupo Parlamentario dos Socialistas de Galicia

Porritt Lueiro, María Teresa e 3 máis

Sobre o proceso de tramitación do proxecto de construción dunha depuradora de mariscos no porto de Castiñeiras, no concello de Ribeira, e o seu impacto na área afectada [177310](#)

I 55973 (10/PRE-017709)

Grupo Parlamentario Mixto

Rodríguez Estévez, David e 3 máis

Sobre a información da Consellería de Medio Ambiente, Territorio e Vivenda referida ao impacto das obras de acondicionamento dunha pista *bike park* levadas a cabo nas instalacións do Parque da Natureza do Lago Castiñeiras, en Cotorredondo (Pontevedra), e a dispoñibilidade polos seus promotores dos permisos necesarios para a súa execución, así como para a realización das diferentes probas de BTT [177318](#)

I 55993 (10/PRE-017710)

Grupo Parlamentario dos Socialistas de Galicia

Torrado Quintela, Julio e Blanco Rodríguez, Noela

Sobre a valoración do Goberno galego respecto da xestión da atención primaria no verán de 2019 na comarca do Salnés, así como a contratación na actualidade de todo o persoal facultativo de atención primaria e puntos de atención continuada necesario para dar servizo no sistema sanitario público [177318](#)

I 56026 (10/PRE-017711)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre as actuacións previstas polo Goberno galego en relación co futuro da empresa Unitono en Ourense, co mantemento da súa actividade e dos postos de traballo, así como sobre as actuacións levadas a cabo para o cumprimento dos acordos parlamentarios ao respecto e a valoración que fai da operación de compra da empresa por un fondo chinés [177321](#)

I 56035 (10/PRE-017712)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre os datos referidos á elaboración, ao contido e ao desenvolvemento da nova macroenquisa en materia de violencia de xénero, a data prevista polo Goberno galego para a publicación dos seus resultados e os estudos que vai encargar ao respecto [177327](#)



I 56041 (10/PRE-017713)**Grupo Parlamentario dos Socialistas de Galicia****Pérez Seco, José Manuel e 2 máis**

Sobre o prazo previsto polo Goberno galego para a mellora das rutas alternativas no Camiño de Santiago e as reclamacións ou denuncias recibidas ao respecto [177331](#)

I 56043 (10/PRE-017714)**Grupo Parlamentario dos Socialistas de Galicia****Pérez Seco, José Manuel e 3 máis**

Sobre a dispoñibilidade do Goberno galego dun censo actualizado do número de xabarís que hai en Galicia e, se é o caso, os datos ao respecto [177333](#)

I 56051 (10/PRE-017715)**Grupo Parlamentario dos Socialistas de Galicia****Pierres López, María Luisa e 4 máis**

Sobre a opinión do Goberno galego referida ao cumprimento, na cobertura informativa dada pola CRTVG da morte en Valga de tres mulleres vítimas da violencia machista, das recomendacións do seu consello de administración respecto do tratamento destes casos nos medios de comunicación públicos [177335](#)

I 56083 (10/PRE-017716)**Grupo Parlamentario dos Socialistas de Galicia****Burgo López, María de la Concepción e Álvarez Martínez, Luis Manuel**

Sobre a resposta remitida pola Consellería de Educación, Universidade e Formación Profesional a unha deputada en relación coa solicitude de información referida ao expediente da solicitude de creación dunha universidade privada impulsada por Afundación, de Abanca [177338](#)

I 56089 - 56144 (10/PRE-017717)**Grupo Parlamentario dos Socialistas de Galicia****Burgo López, María de la Concepción e 2 máis**

Sobre as razóns da opacidade e falta de transparencia na tramitación do recoñecemento da Universidade Internacional da Empresa, universidade privada promovida por Abanca [177340](#)

I 56100 (10/PRE-017718)**Grupo Parlamentario do Bloque Nacionalista Galego****Bará Torres, Xosé Luís e 5 máis**

Sobre a valoración do Goberno galego en relación coa situación do sector da construción naval e da industria auxiliar na ría de Vigo, as xestións levadas a cabo para evitar a desaparición do estaleiro Vulcano e a consideración da posibilidade dunha intervención pública para garantir a continuidade do estaleiro e a subrogación do seu persoal [177343](#)

I 56139 (10/PRE-017719)**Grupo Parlamentario do Bloque Nacionalista Galego****Presas Bergantiños, Noa e 5 máis**

Sobre os datos referidos ao anunciado acordo do Goberno galego co Goberno arxentino para a construción de case a metade da súa frota nos estaleiros galegos [177347](#)



I 56146 (10/PRE-017720)**Grupo Parlamentario do Bloque Nacionalista Galego****Presas Bergantiños, Noa e 5 máis**

Sobre as actuacións previstas polo Goberno galego en relación coa débeda económica do Estado con Galicia

[177351](#)**I 56154 (10/PRE-017721)****Grupo Parlamentario Grupo Común da Esquerda****Solla Fernández, Eva**

Sobre o prazo previsto polo Goberno galego para a retirada do amianto no CEIP Wenceslao Fernández Flórez, de Cambre, a dispoñibilidade dun protocolo específico para a súa eliminación nos centros escolares e os prazos estimados para o seu remate

[177354](#)**I 56166 (10/PRE-017722)****Grupo Parlamentario dos Socialistas de Galicia****Álvarez Martínez, Luis Manuel e 2 máis**

Sobre as intencións do Goberno galego respecto do establecemento dunha limitación de velocidade que garanta a seguridade dos peóns entre os puntos quilométricos 22 e 23 da estrada AC-552, no tramo comprendido entre A Telleira e O Cancelo do Medio, así como a execución das actuacións necesarias para o seu efectivo cumprimento

[177356](#)

2. Elección e composición do Parlamento, réxime e goberno interior, organización e funcionamento

2.2. Composición do Parlamento e dos seus órganos

2.2.5. Composición das comisións

I Resolución da Presidencia, 30 de setembro de 2019, pola que se admite a trámite o escrito do portavoz do G. P. dos Socialistas de Galicia polo que comunica cambios na representación do seu grupo nas comisións parlamentarias (doc. núm. 56516)

[177245](#)

4. Informacións e correccións de erros

4.2. Correccións de erros

I Corrección de erros na execución dos acordos da Mesa do Parlamento do día 17 de setembro de 2019

[177246](#)

1. Procedementos parlamentarios

1.1. Procedementos de natureza normativa

1.1.2. Propostas de normas

1.1.2.1. Proxectos e proposicións de lei

Resolución da Presidencia, do 30 de setembro de 2019, polo que se amplía o prazo de presentación de emendas ao articulado ao Proxecto de lei de medidas de garantía do abastecemento nos episodios de seca e nas situacións de risco sanitario [10/PL-000017 (doc. núm. 52558)]

No Rexistro Xeral do Parlamento de Galicia tivo entrada, co número 56518, o escrito do G. P. Grupo Común da Esquerda, polo que solicita a ampliación do prazo para a presentación de emendas ao articulado ao Proxecto de lei de medidas de garantía do abastecemento nos episodios de seca e nas situacións de risco sanitario [10/PL-000017 (doc. núm. 52558)].

A Presidencia, tendo en conta a inmediatez da conclusión do prazo —o día 4 de outubro de 2019—, en uso da delegación temporal de competencias de xestión ordinaria da Mesa do Parlamento na Presidencia da Cámara (Acordo da Mesa do Parlamento do 31 de outubro de 2016, publicado no *Boletín Oficial do Parlamento de Galicia* núm. 9, do 8 de novembro de 2016), resolve:

1º. Admitir a trámite o documento número de rexistro de entrada 56518, presentado polo G.P. Grupo Común da Esquerda

2º. Ampliar, por terceira vez, o prazo de presentación de emendas ao articulado ao Proxecto de lei de medidas de garantía do abastecemento nos episodios de seca e nas situacións de risco sanitario [10/PL-000017 (doc. núm. 52558)], ata o día 4 de outubro ás 18.30 horas.

3º. Dar conta deste acordo á Mesa e á Xunta de Portavoces.

4º. Notificar este acordo aos grupos parlamentarios.

5º. Publicar este acordo no *Boletín Oficial do Parlamento de Galicia*.

Santiago de Compostela, 30 de setembro de 2019
Miguel Ángel Santalices Vieira
Presidente

Resolución da Presidencia, do 30 de setembro de 2019, polo que se amplía o prazo de presentación de emendas ao articulado ao Proxecto de regulación do aproveitamento lúdico das augas termais de Galicia [10/PL-000018 (doc. núm. 53521)]

No Rexistro Xeral do Parlamento de Galicia tivo entrada, co número 56519, o escrito do G. P. Grupo Común da Esquerda polo que solicita a ampliación do prazo para a presentación de emendas ao articulado ao Proxecto de regulación do aproveitamento lúdico das augas termais de Galicia [10/PL-000018 (doc. núm. 53521)].



A Presidencia, tendo en conta a inmediatez da conclusión do prazo —o día 4 de outubro de 2019—, en uso da delegación temporal de competencias de xestión ordinaria da Mesa do Parlamento na Presidencia da Cámara (Acordo da Mesa do Parlamento do 31 de outubro de 2016, publicado no *Boletín Oficial do Parlamento de Galicia* núm. 9, do 8 de novembro de 2016), resolve:

1º. Admitir a trámite o documento número de rexistro de entrada 56519, presentado polo G.P. Grupo Común da Esquerda.

2º. Ampliar, por terceira vez, o prazo de presentación de emendas ao articulado ao Proxecto de regulación do aproveitamento lúdico das augas termais de Galicia [10/PL-000018 (doc. núm. 53521)], ata o día 4 de outubro ás 18.30 horas.

3º. Dar conta deste acordo á Mesa e á Xunta de Portavoces.

4º. Notificar este acordo aos grupos parlamentarios.

5º.) Publicar este acordo no *Boletín Oficial do Parlamento de Galicia*.

Santiago de Compostela, 30 de setembro de 2019
Miguel Ángel Santalices Vieira
Presidente

1.3. Procedementos de control e impulso

1.3.2. Comunicacions da Xunta de Galicia

1.3.2.1. Debate de política xeral

1.3.2.1.2. Resolucions aprobadas

Resolucions subseguintes ao debate anual de política xeral sobre a situación política da Comunidade Autónoma de Galicia do 25 de setembro de 2019

O Pleno do Parlamento de Galicia, na sesión do día 25 de setembro de 2019, aprobou, no punto único da orde do día (Debate anual de política xeral: doc. núm. 55751, 10/DEBA-000003), as seguintes resolucions:

1ª resolución

«O Parlamento de Galicia insta a Xunta de Galicia a desenvolver, en colaboración co Goberno do Estado, un plan de mobilidade sustentable:

—Cun renovado FEVE que unise Ferrol e Ribadeo como tren de proximidade.

—Tren de proximidade entre Ferrol e A Coruña.

—Tren que vertebre o eixe A Coruña-Lugo-Ourense-Santiago como o que hai entre a cidade herculina e Vigo.»

Aprobada por unanimidade de 74 deputados e deputadas.



(Resolución resultante da transacción entre o G. P. dos Socialistas de Galicia e o G. P. Mixto verbo da proposta de resolución núm. 8 do G. P. Mixto)

2ª resolución

«O Parlamento de Galicia insta a Xunta de Galicia a reforzar, cun substancial aumento de persoal e medios, a reflectir de xeito concreto nos orzamentos de 2020, os instrumentos autonómicos para a mobilización de terras, incluíndo a intermediación para a compravenda de explotacións enteiras, que poida actuar para a mobilización produtiva dos montes veciñais en man común abandonados (sempre co beneplácito das/os comuneiras/os titulares), que teña en conta o apoio específico a aqueles proxectos solventes que necesitan terras e non as teñan e que poida xestionar predios privados abandonados.»

Aprobada por 67 votos a favor, ningún en contra e 6 abstencións.

(Resolución resultante da transacción entre o G. P. dos Socialistas de Galicia e o G. P. Mixto verbo da proposta de resolución núm. 33 do G. P. dos Socialistas de Galicia)

3ª resolución

«O Parlamento de Galicia insta a Xunta de Galicia a garantir que calquera incorporación de novas universidades ao Sistema universitario de Galicia evite efectos negativos ás existentes e produza complementariedade e non reiteración coa oferta de titulacións destas.»

Aprobada por 54 votos a favor, 20 en contra e ningunha abstención.

(Resolución resultante da transacción entre o G. P. dos Socialistas de Galicia e o G. P. Popular de Galicia verbo da proposta de resolución núm. 5 do G. P. dos Socialistas de Galicia)

4ª resolución

«O Parlamento de Galicia insta a Xunta de Galicia a, en coordinación coas deputacións provinciais e os concellos de Galicia, continuar traballando na creación do Rexistro de Instalacións Deportivas de Galicia e a formulación do Plan xeral de instalacións e equipamentos deportivos de Galicia para que sexa aprobado canto antes.»

Aprobada por unanimidade de 74 deputados e deputadas.

(Resolución resultante da transacción entre o G. P. dos Socialistas de Galicia e o G. P. Popular de Galicia verbo da Proposta de Resolución número 31 do G. P. dos Socialistas de Galicia.)

5ª resolución

«O Parlamento de Galicia insta a Xunta de Galicia a continuar apoiando os traballos da Mesa de política pesqueira ante o *brexit* constituída en Galicia, con participación de todos os axentes implicados co obxecto de analizar e facer fronte ás consecuencias derivadas para este sector do *brexit*,



especialmente en termos operativos e loxísticos, así como a apoiar a demanda recollida no ditame que o Comité das Rexións aprobou de forma unánime por proposta de Galicia para que a Unión Europea habilite, de ser preciso, un fondo específico de axudas urxentes con dotación orzamentaria suficiente para paliar os efectos do *brexit* sobre a economía dos sector marítimo-pesqueiro e da cadea mar-industria das rexións europeas, especialmente de Galicia.»

Aprobada por unanimidade de 74 deputados e deputadas.

(Resolución resultante da transacción entre o G. P. dos Socialistas de Galicia, o G. P. Mixto e o G. P. Popular de Galicia verbo da Proposta de Resolución número 29 do G. P. dos Socialistas de Galicia e 39 do G. P. Mixto)

6ª resolución

«O Parlamento de Galicia insta a Xunta de Galicia a:

Mobilizar no Banco de Terras 170.000 hectáreas necesarias para dotar as explotacións agrogandeiras de base territorial e para a incorporación de mozas e mozos emprendedores que reactiven a economía rural primando tamén o aspecto transformador dos produtos agrogandeiros.

Demandar do Goberno do Estado medidas urxentes que garantan unha remuneración xusta polo litro de leite que cubra os custos de produción.»

Aprobada por 64 votos a favor, 10 en contra e ningunha abstención.

(Resolución resultante da transacción entre o G. P. do Bloque Nacionalista Galego e o G. P. Popular de Galicia verbo da Proposta de Resolución número 17 do G. P. Bloque Nacionalista Galego)

7ª resolución

«O Parlamento de Galicia insta a Xunta de Galicia a demandar do Goberno de España que se cumpran os prazos comprometidos de xeito que o AVE de conexión coa Meseta e o resto de capitais españolas estea en probas antes de que remate este ano e que en 2020 estea funcionando con todas as garantías de seguridade e poidan mercarse os billetes; así como a solicitar do Goberno central unha planificación dos investimentos necesarios para a renovación das conexións ferroviarias de Galicia aproveitando a chegada do novo ramal do Corredor Atlántico que conectará o noroeste peninsular, particularmente o treito ferroviario Ponferrada-Monforte, a conexión Monforte-Ourense-Vigo, a conexión A Coruña-Lugo-Monforte, a conexión A Coruña-Ferrol, Ferrol-Ribadeo, a saída sur de Vigo e conexión con Porto e as conexións coas principais plataformas loxísticas e cos portos de interese xeral do Estado; así como a mellora dos servizos de viaxeiros nestas liñas e a mellora da política tarifaria a través do abaratamento do prezo dos billetes e flexibilización do sistema de bonos.»

Aprobada por unanimidade de 74 deputados e deputadas.

(Resolución resultante da transacción entre o G. P. do Bloque Nacionalista Galego e o G. P. Popular de Galicia verbo da Proposta de Resolución número 25 do G. P. Bloque Nacionalista Galego)



8ª resolución

«O Parlamento de Galicia insta a Xunta de Galicia a combater con todos os medios a sinistralidade e a violencia viaria poñendo en marcha as seguintes actuacións:

1. Crear unha mesa institucional e social para a elaboración do Plan de seguranza viaria de Galicia 2021-2025 que sexa un gran acordo de país arredor desta materia, coa participación das administracións, das organizacións sindicais, das entidades sociais e de todos os sectores relacionados coa mobilidade.
2. Destinar todos os recursos orzamentarios necesarios para continuar desenvolvendo actuacións específicas na rede viaria de competencia autonómica dirixidas a eliminar os puntos negros e os treitos de concentración de accidentes, mellorar a seguranza nas travesías urbanas e, nomeadamente, protexer as persoas que se desprazan a pé e en bicicleta.
3. Impulsar as actuacións previstas en materia de mobilidade, nomeadamente a construción de variantes e circunvalacións de núcleos urbanos.
4. Xestión polo Goberno galego das competencias relacionadas co tráfico e a seguranza viaria.»

Aprobada por unanimidade de 73 deputados e deputadas.

(Resolución resultante da transacción entre o G. P. do Bloque Nacionalista Galego e o G. P. Popular de Galicia verbo da Proposta de Resolución número 27 do G. P. Bloque Nacionalista Galego)

9ª resolución

«O Parlamento de Galicia insta a Xunta de Galicia a que demande do Goberno central a convocatoria urxente do Consello de Política Fiscal e Financeira para aprobar un mecanismo de transferencia inmediata dos 700 millóns de euros retidos polo Ministerio de Facenda e que debe a Galicia, ao tempo que se inicie o procedemento para o establecemento dun mecanismo automático de actualización do sistema e de liquidación das entregas á conta, non dependente da vontade do Goberno central. Este debe ser o primeiro paso da modificación urxente do vixente sistema de financiamento autonómico, reclamando un novo sistema que garanta a suficiencia financeira de Galicia, un maior grao de autonomía financeira, maior capacidade normativa sobre os tributos cedidos e o cumprimento do principio de lealdade institucional.»

Aprobada por 55 votos a favor, ningún en contra e 19 abstencións.

(Resolución resultante da transacción entre o G. P. Grupo Común da Esquerda e o G. P. Popular de Galicia verbo da proposta de resolución número 4 do G. P. Grupo Común da Esquerda)

10ª resolución

«O Parlamento de Galicia insta a Xunta de Galicia a desenvolver un novo Plan de fomento das exportacións, sobre todo en mercados alleos á UE, para reducir a dependencia excesiva deste mer-



cado e a dependencia tamén excesiva dos sectores téxtil e automobilístico. Con actuacións ante as pemes co obxectivo de incrementar o número de empresas exportadoras, sobre todo nos sectores presentes na transición ecolóxica e na industria agroalimentaria e pesqueira.»

Aprobada por 58 votos a favor, 10 en contra e 6 abstencións.

(Resolución resultante da transacción entre o G. P. Mixto e o G. P. Popular de Galicia verbo da Proposta de Resolución número 31 do G. P. Mixto)

11ª resolución

«O Parlamento de Galicia insta a Xunta de Galicia a programar ao longo do vindeiro ano 2020 un abandono progresivo do uso de herbicidas no control da vexetación das marxes das estradas autonómicas, primando sempre a seguranza viaria dos usuarios. Do mesmo xeito, a solicitar ao Ministerio de Fomento que realice unha programación análoga para o abandono deste tipo de produtos.»

Aprobada pola unanimidade de 74 deputados e deputadas.

(Resolución resultante da transacción entre o G. P. Mixto e o G. P. Popular de Galicia verbo da Proposta de Resolución número 23 do G. P. Mixto)

12ª resolución

«O Parlamento de Galicia insta a Xunta de Galicia a desenvolver un Plan galego de rehabilitación enerxética dos edificios centrado en tres eixes:

- Vivendas vulnerables ou con alto grao de deterioración.
- Edifícios privados de residentes non vulnerables.
- Edifícios de nova construción. Edifícios de consumo case nulo (nZEB).»

Aprobada por 58 votos a favor, 10 en contra e 6 abstencións.

(Resolución resultante da transacción entre o G. P. Mixto e o G. P. Popular de Galicia verbo da Proposta de Resolución número 33 do G. P. Mixto)

13ª resolución

«O Parlamento de Galicia insta a Xunta de Galicia a instar do Goberno do Estado a aprobación inmediata do estatuto das industrias electrointensivas tendo en conta todas as alegacións presentadas polos traballadores, as empresas e a Xunta de Galicia e o cambio da regulación do sector eléctrico para baixar o recibo aos fogares e ás empresas.»

Aprobada por 64 votos a favor, ningún en contra e 10 abstencións.

(Resolución resultante da transacción entre o G. P. Mixto e o G. P. Popular de Galicia verbo da Proposta de Resolución número 35 do G. P. Mixto)



14ª resolución

«O Parlamento de Galicia insta a Xunta de Galicia a traballar xunto coas entidades sociais e a Federación Galega de Municipios e Provincias para acadar un consenso que leve á actualización e ampliación da Axenda Social Única durante o primeiro semestre de 2020, de tal maneira que se concreten indicadores claros en cada unha das áreas: pobreza infantil, emprego, vivenda, dependencia e inclusión social, de acordo cos obxectivos da Axenda 2030 para o desenvolvemento sustentable.»

Aprobada por 60 votos a favor, 4 en contra e 10 abstencións.

(Resolución resultante da transacción entre o G. P. dos Socialistas de Galicia e o G. P. Popular de Galicia verbo da Proposta de Resolución número 13 do G. P. Popular de Galicia)

15ª resolución

«O Parlamento de Galicia insta a Xunta de Galicia a desenvolver un novo paquete de impulso fiscal ao rural nos tributos que dependen de Galicia co obxectivo de incentivar os arrendamentos pactados a través do Banco de Terras, a mobilización de parcelas que se integran nun polígono agroforestal, a participación de proxectos de investidores no rural ou o uso de instrumentos de xestión conxunta da terra; ao tempo que dá cumprimento íntegro ás propostas do ditame da Comisión de estudo sobre política forestal relativas á recuperación de terras agroforestais, nomeadamente dando pulo ao programa de recuperación de aldeas modelo e aos proxectos de recuperación de grandes áreas que comezaron no 2017, así como a desenvolver un plan efectivo de instauración de zonas de pastoreo como aproveitamento forestal.

O Parlamento de Galicia insta a Xunta de Galicia a reforzar, cun substancial aumento de persoal e medios, a reflectir de xeito concreto nos orzamentos de 2020, os instrumentos autonómicos para a mobilización de terras, incluíndo a intermediación para a compravenda de explotacións enteiras, que poida actuar para a mobilización produtiva dos montes veciñais en man común abandonados, que teña en conta o apoio específico a aqueles proxectos solventes que necesitan terras e non as teñan e que poida xestionar predios privados abandonados.»

Aprobada por 64 votos a favor, 4 en contra e 6 abstencións.

(Resolución resultante da transacción entre o G. P. dos Socialistas de Galicia e o G. P. Popular de Galicia verbo da Proposta de Resolución número 11 do G. P. Popular de Galicia)

16ª resolución

«O Parlamento de Galicia insta a Xunta de Galicia a estender á totalidade dos xulgados galegos o modelo de salas de vistas integramente dixitais, dotadas co equipamento necesario para permitir a celebración da vista nun contexto de expediente dixital electrónico; ao tempo que aborda, tamén, a dotación tecnolóxica nas salas de declaración tipo Gesell (salas habilitadas para tomarlles declaracións aos menores) que se demandan nas principais sedes xudiciais; ao tempo que a dirixirse ao Goberno do Estado para que dote Galicia das unidades xudiciais que precisa e reforce os órganos



xudiciais nas xurisdicións necesitadas de apoio, para o que deberá considerar prioritaria a proposta de novos xulgados para Galicia que realice a Comisión Mixta formada por Xunta e Tribunal Superior de Xustiza de Galicia, fundamentalmente para a creación de prazas dun novo maxistrado nas Salas da Audiencia Provincial de Lugo e de Pontevedra en Vigo e dun novo Xulgado do Social en Lugo.»

Aprobada por 70 votos a favor, 4 en contra e ningunha abstención.

(Resolución resultante da transacción entre o G. P. dos Socialistas de Galicia e o G. P. Popular de Galicia verbo da Proposta de Resolución número 32 do G. P. Popular de Galicia)

17ª resolución

«O Parlamento de Galicia insta a Xunta de Galicia a impulsar unha atención especial e redobra aos aspectos sociais do eido marítimo-pesqueiro, con atención senlleira á consecución dunha remuda xeracional na pesca, executando na súa totalidade as partidas orzamentarias destinadas a garantir esta remuda xeracional. En particular, demandarase da Unión Europea o apoio económico para aquelas melloras a bordo que teñan que ver con avances en habitabilidade, seguranza (especialmente sistemas para manter as embarcacións a flote no caso de accidentes ou sistemas individuais de localización) e conectividade, empregando estes fondos europeos coa máxima eficiencia nas distintas liñas de axudas, evitando que ao remate do programa se teñan que devolver fondos á Unión Europea. Ademais, renovarase e adecuarase o apoio social no caso de accidentes mediante a prestación de axudas específicas e disporanse medidas conducentes a evitar as perdas de ingresos por posibles disfuncións no sistema de control de biotoxinas.»

Aprobada por 64 votos a favor, 10 en contra e ningunha abstención.

(Resolución resultante da transacción entre o G. P. dos Socialistas de Galicia e o G. P. Popular de Galicia verbo da Proposta de Resolución número 23 do G. P. Popular de Galicia)

18ª resolución

«O Parlamento de Galicia insta a Xunta de Galicia a reforzar as medidas de prevención contra os lumes forestais a través da actualización da planificación de distrito referente aos incendios, incorporando os novos plans municipais nun prazo de dous anos, así como a promover actuacións en perímetros de alto risco naquelas zonas onde este risco, combinado co estado de abandono, as fagan urxentes, cumprindo así a totalidade das recomendacións do informe do Grupo de Expertos de apoio á Comisión do Parlamento de Galicia sobre incendios forestais, antes de que remate esta lexislatura, para aplicarlas na campaña 2020-2021.»

Aprobada por 58 votos a favor, 10 en contra e 6 abstencións.

(Resolución resultante da transacción entre o G. P. dos Socialistas de Galicia e o G. P. Popular de Galicia verbo da Proposta de Resolución número 31 do G. P. Popular de Galicia)

19ª resolución



«O Parlamento de Galicia reitera a súa solidariedade co pobo de Venezuela, ante a grave crise económica, política e social que derivaron na peor crise humanitaria da súa historia, e en especial coas persoas galegas residentes nese país, ás que apoiamos na defensa dos seus dereitos fundamentais, que se ven conculcados de xeito cotián. Así mesmo, insta a Xunta de Galicia para que reclame ao Goberno do Estado que actúe no ámbito das súas competencias de xeito directo ou ante o Goberno de Venezuela, segundo proceda, para facer posible a súa garantía. Así mesmo, no ámbito das súas competencias, a Xunta de Galicia porá en marcha un programa de atención específico para a atención ás persoas galegas residentes en Venezuela, singularmente facilitando as mellores condicións para a instalación en Galicia no momento do seu retorno.»

Aprobada por 58 votos a favor, 16 en contra e ningunha abstención.

(Resolución resultante da transacción entre o G. P. dos Socialistas de Galicia e o G. P. Popular de Galicia verbo da Proposta de Resolución número 33 do G. P. Popular de Galicia)

20ª resolución

«O Parlamento de Galicia insta a Xunta de Galicia a seguir traballando pola consecución real e efectiva da igualdade, impulsando a elaboración do VIII Plan Estratéxico de Galicia para a Igualdade 2021-2024, e a través da posta en marcha de medidas de carácter transversal e interseccionais encamiñadas a conseguir unha maior sensibilización social, con especial atención á prevención mediante a aplicación de protocolos de detección nas áreas de educación e sanidade, aplicación da perspectiva de xénero na elaboración e definición das políticas públicas, fomento dunha cultura igualitaria e inclusiva, consecución e apoio da igualdade real no deporte, uso de redes sociais para a divulgación de campañas e fomento de programas ou medidas que promouen a igualdade, con especial atención entre a xuventude e o eido educativo, implicación dos medios de comunicación para a erradicación de todo tipo de linguaxe non inclusiva, publicidades ou comentarios de carácter sexista e promovendo así mesmo a empregabilidade feminina en sectores que contan cunha importante demanda de profesionais, impulsando programas formativos que faciliten a incorporación de mulleres a ámbitos profesionais masculinizados, fundamentalmente na industria.

Especial atención merecen as mulleres do rural, e a Xunta de Galicia propiciará accións para o recoñecemento e visibilización das mulleres que viven no rural, favorecendo o seu apoderamento ante calquera situación e en calquera ámbito, e seguirá impulsando políticas activas, arbitrando medidas para compaxinar a vida laboral no campo coa actividade familiar e para mellorar as cotas femininas nas organizacións agrarias e gandeiras, como medio para lograr un trato equilibrado e igualitario no sector.

Igualmente, procederá á aprobación e aplicación do I Plan de Igualdade da Administración Xeral da Xunta de Galicia, actualmente en fase de elaboración.»

Aprobada por 58 votos a favor, ningunha en contra e 16 abstencións.

(Resolución resultante da transacción entre o G. P. Popular de Galicia e o G. P. Mixto verbo da Proposta de Resolución número 38 do G. P. Popular de Galicia e a 28 do G. P. Mixto)



21ª resolución

«O Parlamento de Galicia insta a Xunta de Galicia a non permitir a utilización de cultivos enerxéticos para a produción de biomasa, ao cumprimento da Lei de montes de Galicia, da Lei de incendios forestais de Galicia e da Lei de conservación da natureza, para limitar a plantación de eucaliptos en zonas de protección medioambiental, terreos agrícolas ou faixas de protección, erradicando esta especie nas zonas ocupadas, a implementar medidas para a promoción de bosques autóctonos ou madeiras nobres autóctonas que poidan servir para a fabricación de tableiros de madeira, a deixar a 0 o incremento que inclúe o borrador da superficie de eucaliptos do 8,12 %, isto é, de 25.000 hectáreas, así como o incremento de masas mixtas, a garantir a recuperación de terreos forestados ilegalmente, e a garantirse unha xestión sustentable do monte, dende o punto de vista social, ambiental e económico, así como blindar a paisaxe de mosaico tan característica do noso país.»

Aprobada por 61 votos a favor, ningún en contra e 13 abstencións.

(Proposta de resolución núm. 24 do G. P. Mixto)

22ª resolución

«O Parlamento de Galicia insta a Xunta de Galicia a facilitar o acceso á terra para a produción de alimento e garantir unha superficie agraria útil (SAU) suficiente para as granxas galegas, e a aposta polos usos gandeiros, sobre todo en extensivo e de pasto, e agrícolas recuperando e aumentando terreos aptos para estes usos.»

Aprobada pola unanimidade de 74 deputados e deputadas.

(Proposta de resolución núm. 25 do G. P. Mixto).

23ª resolución

«O Parlamento de Galicia insta a Xunta de Galicia a instar do Goberno do Estado o remate das conexións dos portos principais coa rede Europea de transporte de mercadorías.»

Aprobada pola unanimidade de 74 deputados e deputadas.

(Proposta de resolución núm. 32 do G. P. Mixto).

24ª resolución

«O Parlamento de Galicia insta a Xunta de Galicia a que adopte, con carácter urxente, medidas concretas para paliar os efectos sobre a actividade económica, o emprego e os dereitos dos galegos e galegas residentes no Reino Unido diante dunha posible saída da Unión Europea sen acordo.

Entre as medidas que se deberán abordar están todas aquelas encamiñadas a facilitar o retorno e a ocupación dos traballadores e traballadoras galegos que teñan que abandonar o Reino Unido como consecuencia do *brexit*, o asesoramento especializado para as persoas que se vexan afectadas



nos seus dereitos de residencia ou cidadanía, o apoio aos sectores económicos que se vexan máis afectados para a procura de novos mercados e as xestións necesarias perante o Goberno do Estado e a Comisión Europea para garantir a continuidade da actividade da frota galega nas augas territoriais do Reino Unido.»

Aprobada pola unanimidade de 74 deputados e deputadas.

(Proposta de resolución núm. 5 do G. P. Grupo Común da Esquerda).

25ª resolución

«O Parlamento de Galicia insta a Xunta de Galicia a urxir do Goberno central que transfira de inmediato á Comunidade Autónoma de Galicia os 700 millóns de euros comprometidos para 2019 e que aínda debe, polos conceptos de actualización das entregas á conta do exercicio do ano 2019 (330 millóns de euros), devolución da mensualidade do IVE do exercicio de 2017 (200 millóns de euros) e incentivos por cumprir todos os parámetros de estabilidade orzamentaria en 2017 e 2018 (170 millóns de euros), xunto co financiamento dos compromisos adquiridos con Galicia noutras materias como as infraestruturas ou a atención á dependencia.»

Aprobada por 51 votos a favor, ningún en contra e 23 abstencións.

(Proposta de resolución núm. 1 do G. P. Popular de Galicia).

26ª resolución

«O Parlamento de Galicia insta a Xunta de Galicia a promover unha dotación de servizos máis ampla en todos os concellos do rural galego a través de medidas como: o desenvolvemento de novas medidas para a mellora de cobertura de telefonía móbil; a garantía, en colaboración coa FEGAMP, do acceso a servizos financeiros; o incremento de recursos de igualdade; o favorecemento de recursos de conciliación para a atención á infancia e a persoas maiores ou a extensión do autobús de coidados porta a porta aos 200 concellos de menos de 5.000 habitantes; todo isto ao tempo que reclama do Goberno central a aprobación definitiva da Estratexia nacional fronte ao reto demográfico.»

Aprobada por 54 votos a favor, 20 en contra e ningunha abstención.

(Proposta de resolución núm. 2 do G. P. Popular de Galicia).

27ª resolución

«O Parlamento de Galicia condena de forma rotunda todo tipo de violencia contra a muller, declarando ademais a necesidade de que a loita contra a violencia de xénero teña un tratamento específico e diferenciado por responder a condicións sociais distintas do resto das violencias, en particular a existencia dun substrato machista na sociedade contra o que cómpre loitar mediante políticas públicas con perspectiva feminista. Nese sentido, o Parlamento de Galicia condena explicitamente os posicionamentos negacionistas que pretende desvirtuar a dura realidade das vítimas da violencia de xénero así como os intentos de patrimonialización partidista dos avances na loita



contra ela, e aposta por combatela dende o consenso, polo que insta a Xunta de Galicia a seguir avanzando ata desenvolver completamente o Pacto de Estado contra a Violencia de Xénero aprobado con amplo consenso polas Cortes Xerais, e comprométese a rematar nesta lexislatura un Pacto galego sobre a violencia de xénero.»

Aprobada por 41 votos a favor, 4 en contra e 29 abstencións.

(Proposta de resolución núm. 12 do G. P. Popular de Galicia).

28ª resolución

«O Parlamento insta a Xunta de Galicia a aprobar un Plan de eficiencia enerxética 2020-2024 dirixido ás familias, con axudas para redución do consumo enerxético, entre as que se inclúa a creación dun programa de axudas co obxectivo de renovar os electrodomésticos dos fogares cara a máquinas máis eficientes, contribuíndo á redución da factura eléctrica, o consumo de enerxía e das emisións de CO2.»

Aprobada por 51 votos a favor, 4 en contra e 19 abstencións.

(Proposta de resolución núm. 16 do G. P. Popular de Galicia).

29ª resolución

«O Parlamento de Galicia insta a Xunta de Galicia a cumprir cos obxectivos, o cronograma de implantación e a execución dos 102 millóns de euros previstos para desenvolver o Plan galego de atención primaria 2019-2021; ao desenvolvemento do Plan galego de hospitalización a domicilio para a súa extensión a toda a superficie de Galicia os 365 días do ano; e á presentación, antes do remate de 2019, dun Plan estratéxico de saúde mental e, antes de finais da lexislatura, dun Plan oncolóxico.»

Aprobada por 41 votos a favor, 20 en contra e 13 abstencións.

(Proposta de resolución núm. 10 do G. P. Popular de Galicia).

30ª resolución

«O Parlamento de Galicia insta a Xunta de Galicia a exixir do Goberno de España que reconduza as súas relacións coa Xunta de Galicia baixo o principio da lealdade institucional de xeito que non se tomen decisións unilaterais que afecten de xeito negativo o exercicio das competencias de cadaquén.»

Aprobada por 41 votos a favor, 26 en contra e 6 abstencións.

(Proposta de resolución núm. 28 do G. P. Popular de Galicia).

31ª resolución

«O Parlamento de Galicia insta a Xunta de Galicia a impulsar a colaboración de todas as institucións para reivindicar o centenario da Xeración Nós e a continuar impulsando medidas que fomenten a



transmisión da lingua galega no seo das familias, así como ao desenvolvemento do Plan de dinamización da lingua galega na mocidade de Galicia para fomentar a creación de espazos de socialización en galego.»

Aprobada por 41 votos a favor, 10 en contra e 23 abstencións.

(Proposta de resolución núm. 24 do G. P. Popular de Galicia).

32ª resolución

«O Parlamento de Galicia insta a Xunta de Galicia a desenvolver o marco normativo e os sistemas necesarios para o establecemento dun sistema integrado, coordinado e homoxéneo de xestión de dexestións gandeiras en Galicia, que incorpore: a regulación da autoaplicación de dexestións por parte das explotacións; a implantación de centros de xestión de dexestións gandeiras; a acreditación e control de todas as operacións de xestión de dexestións gandeiras que supoñan a súa aplicación como fertilizantes ou emendas agrícolas; o aproveitamento dos sistemas de información xeográfica na xestión das axudas á PAC e a valorización das fraccións que constitúan residuos de natureza orgánica.»

Aprobada por 44 votos a favor, 10 en contra e 19 abstencións.

(Proposta de resolución núm. 20 do G. P. Popular de Galicia).

33ª resolución

«O Parlamento de Galicia insta a Xunta de Galicia a que inicie a planificación de novos ámbitos de solo residencial destinados á construción de vivendas protexidas nas cidades galegas nas que se prevé unha demanda deles nos próximos anos.»

Aprobada por 45 votos a favor, 16 en contra e 13 abstencións.

(Proposta de resolución núm. 26 do G. P. Popular de Galicia).

34ª resolución

«O Parlamento de Galicia insta a Xunta de Galicia a trasladar ao Goberno de España e aos grupos políticos representados no Congreso e no Senado o apoio deste Parlamento para impulsar, dentro do marco constitucional e por consenso, unha reforma da Lei orgánica do réxime electoral xeral encamiñada a dotar de maior estabilidade as institucións a través de mecanismos que garantan o acceso aos gobernos daquelas candidaturas que acaden un maior apoio popular nos distintos procesos electivos, así como para que os españois residentes no exterior poidan exercer o seu dereito a voto coas mesmas garantías que os residentes no territorio español, eliminando a solicitude (rogo) do voto, combinando todas as posibilidades de participación electoral que sexan posibles e simplificando o procedemento en beneficio da eficiencia e a axilidade.»

Aprobada por 41 votos a favor, 33 en contra e ningunha abstención.



(Proposta de resolución núm. 39 do G. P. Popular de Galicia).

35ª resolución

«O Parlamento de Galicia insta a Xunta de Galicia a demandar do Goberno de España que se cumpran os prazos comprometidos de xeito que o AVE de conexión coa Meseta e resto de capitais españolas estea en probas antes de que remate este ano e que en 2020 estea funcionando con todas as garantías de seguridade e poidan mercarse os billetes; así como a solicitar do Goberno central unha planificación dos investimentos necesarios para a renovación das conexións ferroviarias de mercancías de Galicia aproveitando a chegada do novo ramal do Corredor Atlántico que conectará o noroeste peninsular, particularmente o treito ferroviario Ponferrada-Monforte, a conexión Monforte-Ourense-Vigo, a conexión A Coruña-Lugo-Monforte, a conexión A Coruña-Ferrol, a saída sur de Vigo e conexión con Porto e as conexións coas principais plataformas loxísticas e cos portos de interese xeral do Estado.»

Aprobada por 60 votos a favor, 4 en contra e 10 abstencións.

(Proposta de resolución núm. 34 do G. P. Popular de Galicia).

36ª resolución

«O Parlamento de Galicia declara o seu apoio aos sectores industriais de Galicia como peza fundamental da nosa economía e ao emprego que xeran, para o que insta a Xunta de Galicia a completar o desenvolvemento da Axenda Industria 4.0 e do Plan Galicia Innova 2020, así como a dirixirse ao Goberno central para que acometa as medidas necesarias para preservar o emprego e potenciar sectores produtivos como o da automoción, o naval, o forestal, a minaría ou a produción de enerxía en todas as súas variantes, nomeadamente con medidas que garantan a continuidade do emprego nas centrais térmicas das Pontes e Meirama, así como na factoría de Alcoa en San Cibrao, de Parter na Coruña, MEGASA, Ferroatlántica e a totalidade de empresas electrointensivas de Galicia.»

Aprobada por 54 votos a favor, 14 en contra e 6 abstencións.

(Proposta de resolución núm. 30 do G. P. Popular de Galicia).

37ª resolución

«O Parlamento de Galicia condena o uso da violencia terrorista como vehículo para alcanzar calquera obxectivo político, así como todos aqueles pronunciamentos que desde os ámbitos institucionais, políticos ou sociais intenten lexitimar, xustificar, relativizar ou minimizar o terrorismo. Así mesmo, o Parlamento de Galicia traslada a súa felicitación e agradecemento ás Forzas e Corpos de Seguridade do Estado polas actuacións que ao longo do presente ano permitiron a desarticulación de grupos terroristas vinculados ao xihadismo e ao secesionismo galego e catalán.»

Aprobada por 53 votos a favor, 10 en contra e 10 abstencións.



(Proposta de resolución núm. 40 do G. P. Popular de Galicia).

38ª resolución

«O Parlamento de Galicia insta a Xunta de Galicia a desenvolver o Plan Estratéxico do Xacobeo 2021, impulsando unha programación de calidade durante os anos 2019 e 2020, e deixando ao remate da lexislatura un gran proxecto sustentable e participativo, preparado para desenvolverse con éxito durante o ano 2021 e que busque a descentralización dos beneficios do Xacobeo a través do impulso de accións singulares nas grandes cidades, dunha liña que promova a chegada de peregrinos a través dos peiraos galegos executando unha liña de melloras neles e demandando ao Goberno central, no ámbito da súa achega para o Xacobeo 2021, o financiamento do Plan de BIC nos Camiños de Santiago.»

Aprobada por 54 votos a favor, 20 en contra e ningunha abstención.

(Proposta de resolución núm. 4 do G. P. Popular de Galicia).

39ª resolución

«O Parlamento de Galicia insta a Xunta de Galicia a poñer en marcha a recentemente aprobada Estratexia da Cultura Galega, desenvolvendo as súas 100 primeiras medidas no primeiro semestre do ano próximo, colaborando cos todos os axentes implicados e da man dos sectores e industrias culturais, ao tempo que convoca novas liñas de axudas para dixitalizar o fondo patrimonial galego, custodiado por institucións non dependentes da Administración autonómica, para incorporalo á Memoria Dixital de Galicia e facilitar a súa preservación e o seu acceso universal a través da canle de difusión Galiciana.»

Aprobada por 54 votos a favor, 20 en contra e ningunha abstención.

(Proposta de resolución núm. 25 do G. P. Popular de Galicia).

40ª resolución

«O Parlamento de Galicia insta a Xunta de Galicia a deseñar un programa que potencie o turismo interno, especialmente en temporada baixa, desenvolvendo un sistema de estadias que axuden a manter a estrutura produtiva e turística do país durante todo o ano, fomentando o orgullo e o coñecemento do propio e impulsando o emprego.»

Aprobada por 45 votos a favor, 16 en contra e 13 abstencións.

(Proposta de resolución núm. 21 do G. P. Popular de Galicia).

41ª resolución

«O Parlamento de Galicia expresa o seu compromiso co avance do proceso de construción europea e insta a Xunta de Galicia a demandar o reforzo da participación rexional nas institucións europeas



así como a utilizar a súa propia participación para avanzar nos obxectivos de paliar as consecuencias da saída do Reino Unido da Unión Europea e de enfocar a evolución do proxecto europeo sobre un impulso das políticas comúns fiscais e de cohesión.»

Aprobada por 45 votos a favor, 16 en contra e 13 abstencións.

(Proposta de resolución núm. 29 do G. P. Popular de Galicia).

42ª resolución

«O Parlamento de Galicia insta a Xunta de Galicia para que solicite ao Goberno de España que, como complemento á execución das políticas de fomento do retorno emprendidas polo Goberno galego, tome as medidas necesarias para favorecer a integración familiar e persoal das persoas retornadas, particularmente a axilización da homologación de títulos académicos das persoas retornadas e dos membros da súa familia e a redución dos trámites e axilización da concesión dos permisos de residencia e traballos dos cónxuxes e descendentes, sen nacionalidade española, dos galegos retornados.»

Aprobada por 47 votos a favor, 14 en contra e 13 abstencións.

(Proposta de resolución núm. 27 do G. P. Popular de Galicia).

43ª resolución

«O Parlamento de Galicia insta a Xunta de Galicia a mellorar as condicións de traballo das persoas empregadas públicas do sector público autonómico a través de medidas como a aprobación dunha normativa singular de acceso á función pública para as persoas con discapacidade, a extensión da flexibilidade horaria (a vítimas de violencia de xénero ou persoas que atendan familiares con discapacidade) ou a mellora dos contornos de traballo con proxectos de aforro, eficiencia enerxética e mellora arquitectónica dos edificios administrativos xunto co incremento do número de prazas de escola infantil neles.»

Aprobada por 47 votos a favor, 14 en contra e 13 abstencións.

(Proposta de resolución núm. 37 do G. P. Popular de Galicia).

44ª resolución

«O Parlamento de Galicia insta a Xunta de Galicia a ampliar a Tarxeta Benvida para as familias que teñan un terceiro fillo e para as familias que vivan en concellos de menos de 5.000 habitantes, así como a garantir a gratuidade da educación infantil de 0 a 3 anos para todas as familias a partir do segundo fillo, e a negociar co Goberno central unha proposta de cofinanciamento para acadar esta gratuidade desde o primeiro fillo.»

Aprobada por 41 votos a favor, 14 en contra e 19 abstencións.

(Proposta de resolución núm. 3 do G. P. Popular de Galicia).



45ª resolución

«O Parlamento de Galicia insta a Xunta de Galicia a seguir reforzando a atención ás persoas maiores no seu contorno, prioritariamente a aquelas que viven soas, a través dun protocolo de atención específico, do servizo de axuda no fogar, da teleasistencia avanzada e doutras prestacións e servizos, ao tempo que insta o Goberno central a que se comprometa coa Lei de dependencia e incrementalmente a súa cota de financiamento destes fondos, desde o 24 % actual ata arredor do 50 %.»

Aprobada por 41 votos a favor, 14 en contra e 19 abstencións.

(Proposta de resolución núm. 6 do G. P. Popular de Galicia).

46ª resolución

«O Parlamento de Galicia insta a Xunta de Galicia a declarar o estado de emerxencia climática en Galicia, co obxectivo primordial de comprometer as políticas do Goberno galego en facer fronte á emerxencia e acadar a neutralidade climática antes do ano 2050, para o que cómpre activar coa máxima urxencia as medidas da Estratexia Galega de Cambio Climático e Enerxía e fomentar a adhesión de todos os concellos de Galicia ao Pacto dos Alcaldes para o Clima e a Enerxía ofrecéndolles asesoramento personalizado para mellorar a súa eficiencia enerxética e a súa resiliencia fronte ao cambio climático. Ao tempo, o Parlamento insta a Xunta de Galicia a que a atención a esta emerxencia climática se acompañe coas necesidades do emprego e a industria en Galicia, solicitando do Goberno de España un proceso de transición enerxética máis ordenado e xusto, con investimento innovador en tecnoloxías de redución de emisións e con accións compensatorias para as comarcas nas que os obxectivos climáticos para 2050 supoñan impactos significativos para a súa economía e emprego.»

Aprobada por 41 votos a favor, 14 en contra e 19 abstencións.

(Proposta de resolución núm. 7 do G. P. Popular de Galicia).

47ª resolución

«O Parlamento de Galicia insta a Xunta de Galicia a aprobar no primeiro semestre de 2020 o Plan Estratéxico de Galicia 2021-2030, cos retos e as liñas estratéxicas para a Galicia da vindeira década, logo dun proceso participativo e tras o seu debate na Cámara.»

Aprobada por 41 votos a favor, 14 en contra e 19 abstencións.

(Proposta de resolución núm. 8 do G. P. Popular de Galicia).

48ª resolución

«O Parlamento de Galicia insta a Xunta de Galicia a solicitar ao próximo Goberno de España a aprobación na primeira parte da próxima lexislatura de mecanismos que garantan a viabilidade do financiamento da sanidade pública, así como a mellora da rede nacional e as sinerxías no



estudo das novas enfermidades e desafíos sanitarios, así como que dea cumprimento ás medidas acordadas no Consello Interterritorial de Saúde de abril de 2018 e que elimine do ordenamento legal as restricións impostas ás comunidades autónomas mediante as limitacións ás taxas de reposición de prazas no Sistema Nacional de Saúde cando estas afecten postos de traballo de carácter estable, asunto que este Parlamento xa reclamou por unanimidade en marzo de 2017.»

Aprobada por 41 votos a favor, 14 en contra e 19 abstencións.

(Proposta de resolución núm. 18 do G. P. Popular de Galicia).

49ª resolución

«O Parlamento de Galicia insta o Goberno galego a continuar coa modernización e racionalización das titulacións universitarias atendendo a evolución de perfís profesionais no horizonte de 2030 e, para facilitar o acceso e a permanencia dos estudantes nos estudos universitarios, a crear de xeito progresivo graos abertos polos que o alumnado pode elixir durante ano e medio materias de varias carreiras antes de decidirse definitivamente por unha delas.»

Aprobada por 41 votos a favor, 14 en contra e 19 abstencións.

(Proposta de resolución núm. 22 do G. P. Popular de Galicia).

50ª resolución

«O Parlamento de Galicia insta a Xunta de Galicia a complementar os programas e as estratexias que están a permitir a mellora do ensino galego desde a aposta polos idiomas, as tecnoloxías e a innovación educativa, coa aprobación dun novo plan contra o acoso escolar dentro da Estratexia Galega de Convivencia-Educonvives, e dun plan de orientación profesional nos centros educativos galegos; así como coa progresiva dotación dun segundo orientador nos centros con máis alumnado.»

Aprobada por 41 votos a favor, 20 en contra e 13 abstencións.

(Proposta de resolución núm. 5 do G. P. Popular de Galicia).

51ª resolución

«O Parlamento de Galicia insta a Xunta de Galicia a avanzar no aproveitamento do potencial innovador de Galicia a través dunha nova estratexia de innovación para as pemes para estender o uso da innovación e da creatividade como recurso competitivo do tecido produtivo, así como dunha estratexia de intelixencia artificial, da creación da rede de nodos de especialización tecnolóxica e do desenvolvemento da Estratexia Dixital Galicia 2030 a través do impulso da dixitalización de fogares e estradas.»

Aprobada por 41 votos a favor, 20 en contra e 13 abstencións.



(Proposta de resolución núm. 9 do G. P. Popular de Galicia).

52ª resolución

«O Parlamento de Galicia insta a Xunta de Galicia a avanzar na definición dun sistema de colaboración cos concellos e deputacións de Galicia que facilite a xestión do ciclo integral da auga (abastecemento, saneamento e depuración) en condicións de eficiencia e calidade ambiental, con especial atención á axeitada explotación das infraestruturas hidráulicas.»

Aprobada por 41 votos a favor, 20 en contra e 13 abstencións.

(Proposta de resolución núm. 14 do G. P. Popular de Galicia).

53ª resolución

«O Parlamento de Galicia insta a Xunta de Galicia a afrontar o deseño e definición dunha Estratexia Galega de FP 2020-30 para mellorar as competencias profesionais e emprendedoras en Galicia, que inclúa medidas normativas e actuacións formativas e de relación coas empresas; así como un pulo da cooperación público-privada, da FP Dual e da innovación.»

Aprobada por 41 votos a favor, 20 en contra e 13 abstencións.

(Proposta de resolución núm. 15 do G. P. Popular de Galicia).

54ª resolución

«O Parlamento de Galicia insta a Xunta de Galicia a seguir reforzando os recursos da sanidade pública, mantendo o compromiso pola estabilización do persoal e as súas condicións laborais, as convocatorias anuais de ofertas públicas de emprego, o desenvolvemento da carreira profesional e as medidas de conciliación; e a continuar coa mellora das infraestruturas sanitarias, tanto dos hospitais e centros de saúde como dos seus equipamentos.»

Aprobada por 41 votos a favor, 20 en contra e 13 abstencións.

(Proposta de resolución núm. 17 do G. P. Popular de Galicia).

55ª resolución

«O Parlamento galego insta a Xunta de Galicia a continuar facilitando a mobilidade en Galicia: no transporte público, a través das medidas do Plan de Transporte Público de Galicia, que recolle melloras no servizo como o transporte compartido, transporte a demanda, paradas seguras para colectivos de risco ou a extensión da tarxeta Xente Nova aos menores de 21 anos, ao tempo que abordando conxuntamente co sector do taxi medidas de dinamización que faciliten unha adaptación e modernización do sector que promova e apoie cuestións como a progresiva substitución do parque por vehículos híbridos ou eléctricos ou un cambio normativo que favoreza unha maior flexibilidade para o establecemento de tarifas máis competitivas; no transporte privado, a través da



ampliación das bonificacións nas peaxes das autoestradas autonómicas estendéndoas ás familias numerosas e solicitando do Goberno do Estado a aplicación de descontos análogos nas autoestradas galegas dependentes del.»

Aprobada por 41 votos a favor, 20 en contra e 13 abstencións.

(Proposta de resolución núm. 19 do G. P. Popular de Galicia).

56ª resolución

«O Parlamento de Galicia insta a Xunta de Galicia a desenvolver unha atención especial dedicada á detección da presenza, influencia biolóxica e impacto sobre especies pesqueiras, marisqueiras e acuícolas dos plásticos e microplásticos, levando a cabo accións de minoración da súa presenza no medio mariño e campañas de concienciación destinadas á prevención do seu vertido, especialmente entre os máis novos. Amais, continuarase coa liña de saneamento integral das rías e espazos costeiros, de forma que se amplíe a mellora da calidade das augas nestas áreas.»

Aprobada por 41 votos a favor, 20 en contra e 13 abstencións.

(Proposta de resolución núm. 35 do G. P. Popular de Galicia).

57ª resolución

«O Parlamento de Galicia insta a Xunta de Galicia a demandar ao Estado as actuacións encamiñadas a consensuar e facilitar a coordinación entre as distintas administracións —local, provincial, autonómica e estatal— das diferentes accións a levar a cabo en materia de memoria histórica, no marco das competencias que lle correspondan a cada unha delas.»

Aprobada por 41 votos a favor, 20 en contra e 13 abstencións.

(Proposta de resolución núm. 36 do G. P. Popular de Galicia).

Santiago de Compostela, 27 de setembro de 2019

Miguel Ángel Santalices Vieira

Presidente

1.4. Procedementos de información

1.4.4. Preguntas

1.4.4.3. Preguntas para resposta por escrito

A Mesa do Parlamento, na súa sesión do día 26 de setembro de 2019, adoptou os seguintes acordos:

Admisión a trámite e publicación

- 55692 (10/PRE-017682)

Grupo Parlamentario dos Socialistas de Galicia



Vilán Lorenzo, Patricia e Porritt Lueiro, María Teresa

Sobre os prazos previstos polo Goberno galego para a dación en conta do grao de seguimento do seu plan normativo para o ano 2018 e a aprobación do calendario correspondente para 2019, así como as razóns do incumprimento dos seus plans na materia

- 55699 (10/PRE-017683)

Grupo Parlamentario dos Socialistas de Galicia

Rodríguez Rumbo, Matilde Begoña e 3 máis

Sobre as previsións do Goberno galego respecto da convocatoria da Federación Galega de Municipios e Provincias e da Federación Galega de Salvamento e Socorrismo Acuático co fin de buscar solucións viables ao problema que están a ter os concellos para contrataren socorristas para as praias ou piscinas e a diminución cada ano do número de persoas interesadas en realizaren cursos de capacitación

- 55707 (10/PRE-017685)

Grupo Parlamentario dos Socialistas de Galicia

Rodríguez Rumbo, Matilde Begoña e Pérez Seco, José Manuel

Sobre a valoración do Goberno galego respecto dos datos referidos á evolución que presenta en Galicia o Índice de produción industrial no mes de xullo de 2019, en relación co mesmo mes de 2018 e o conxunto do Estado

- 55710 (10/PRE-017686)

Grupo Parlamentario dos Socialistas de Galicia

Rodríguez Rumbo, Matilde Begoña e Pérez Seco, José Manuel

Sobre a valoración do Goberno galego respecto dos datos referidos á evolución que presentan a creación e a disolución de sociedades mercantís en Galicia no mes de xullo de 2019, en relación co mesmo mes de 2018 e o conxunto do Estado

- 55716 (10/PRE-017687)

Grupo Parlamentario dos Socialistas de Galicia

Pérez Seco, José Manuel e 2 máis

Sobre as razóns da demora no desenvolvemento do proceso de concentración parcelaria dos núcleos 1 e 2 da zona norte do concello de Agolada, as medidas que vai adoptar e as previsións do Goberno galego ao respecto, así como as súas intencións en relación co seu inicio no núcleo 3

- 55721 (10/PRE-017688)

Grupo Parlamentario dos Socialistas de Galicia

Rodríguez Dacosta, María del Carmen e 2 máis

Sobre os datos referidos á creación e á cobertura da praza de director técnico do Consorcio Provincial de Bombeiros de Ourense

- 55725 (10/PRE-017689)

Grupo Parlamentario dos Socialistas de Galicia

Rodríguez Dacosta, María del Carmen e 3 máis

Sobre as datas de concesión das licenzas de actividade e de apertura do Museo do Viño de Galicia en Santo André de Camporredondo, no concello de Ribadavia



- 55793 (10/PRE-017690)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre as previsións do Goberno galego respecto da cobertura, no concello de Meis, das baixas e vacacións do persoal facultativo e, en particular, da praza de pediatra vacante por baixa da titular

- 55810 (10/PRE-017691)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre as actuacións levadas a cabo polo Goberno galego e as demandas realizadas ao Goberno central en relación co apresamento polas autoridades irlandesas do arrastreiro *Río Mau*, con base no porto de Vigo

- 55811 (10/PRE-017692)

Grupo Parlamentario Mixto

Vázquez Verao, Paula

Sobre as razóns da Academia Galega de Seguridade Pública para seguir publicando na súa páxina web a oferta do ciclo formativo de grao medio de Técnico de Emerxencias e Protección Civil, cando está xa cancelado, e sobre o prazo previsto para a súa recuperación

- 55818 (10/PRE-017693)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre as razóns do Goberno galego para paralizar a proposta de ampliación da Rede Natura 2000 en Galicia, sometida á información pública no ano 2012, as previsións ao respecto para a X lexislatura, así como a revisión do plan director e a aprobación dos plans de xestión específicos para cada un dos lugares inseridos nela

- 55828 (10/PRE-017694)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre a xestión do Goberno galego en materia ferroviaria

- 55834 (10/PRE-017695)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre as razóns do Goberno galego para avalar os proxectos de creación dos parques eólicos de Campelo, Bustelo e Monte Toural, nos concellos de Carballo, Coristanco, Santa Comba e Tordoia, a valoración que fai do seu impacto, así como a actuación que vai levar a cabo respecto da súa tramitación e do proxecto da liña de alta tensión asociada

- 55845 (10/PRE-017696)

Grupo Parlamentario dos Socialistas de Galicia

Blanco Rodríguez, Noela e 2 máis

Sobre a valoración do Goberno galego respecto da declaración da Festa da Vendima de Leiro como festa de interese turístico de Galicia, así como os datos referidos á tramitación do expediente para ese fin



- 55846 (10/PRE-017697)

Grupo Parlamentario dos Socialistas de Galicia

Torrado Quintela, Julio

Sobre as xestións levadas a cabo polo Goberno galego para a procura dun local social para a asociación de persoas xubiladas de Vilagarcía de Arousa e as previsións ao respecto

- 55851 (10/PRE-017698)

Grupo Parlamentario dos Socialistas de Galicia

Vilán Lorenzo, Patricia e 3 máis

Sobre a opinión e as actuacións previstas polo Goberno galego respecto da situación organizativa advertida polo persoal técnico do equipo número 2 da área de menores do Servizo de Familia, Infancia e Dinamización Demográfica da Consellería de Política Social na provincia de Pontevedra

- 55854 (10/PRE-017699)

Grupo Parlamentario dos Socialistas de Galicia

Vilán Lorenzo, Patricia e 2 máis

Sobre as razóns da demora do Instituto Galego de Vivenda e Solo no inicio da tramitación do borrador de regulamento urbanístico presentado polo Concello de Ponte Caldelas para a ordenación dos terreos comprendidos na Central de Transportes, no polígono industrial da Reigosa

- 55858 (10/PRE-017700)

Grupo Parlamentario dos Socialistas de Galicia

Blanco Rodríguez, Noela e 2 máis

Sobre as medidas adoptadas e previstas pola Xunta de Galicia en relación coas demoras que se veñen producindo no pagamento pola empresa concesionaria dos salarios do persoal de seguridade privada dos hospitais comarcais de Verín e Valdeorras

- 55863 (10/PRE-017701)

Grupo Parlamentario dos Socialistas de Galicia

Torrado Quintela, Julio e Blanco Rodríguez, Noela

Sobre a opinión do Goberno galego respecto da atención sanitaria prestada á veciñanza do concello de Meis durante os meses de verán e as súas previsións referidas á revisión da política de recursos humanos para mellorar a planificación das substitucións de persoal

- 55908 (10/PRE-017702)

Grupo Parlamentario dos Socialistas de Galicia

Rodríguez Rumbo, Matilde Begoña e 2 máis

Sobre o coñecemento do Goberno galego do contido do acordo asinado polo grupo Ferroatlántica SAU coa firma Ithaka Partners, S.L., para a venda das fábricas de Cee e Dumbría, xunto coas centrais hidroeléctricas do río Xallas, así como a súa opinión respecto da necesidade de autorización administrativa previa para o seu asinamento e o cumprimento íntegro das condicións establecidas na concesión

- 55913 (10/PRE-017703)

Grupo Parlamentario do Bloque Nacionalista Galego



Rodil Fernández, Olalla e 5 máis

Sobre o estado das obras de construción do novo centro de saúde do concello do Saviñao, as razóns da súa paralización e as medidas adoptadas ou previstas polo Goberno galego ao respecto

- 55927 (10/PRE-017704)

Grupo Parlamentario do Bloque Nacionalista Galego

Rodil Fernández, Olalla e 5 máis

Sobre os datos referidos á situación na que se atopa a implantación da coeducación nos centros de ensino públicos de Galicia e a valoración do Goberno galego ao respecto

- 55961 (10/PRE-017706)

Grupo Parlamentario dos Socialistas de Galicia

Burgo López, María de la Concepción e 2 máis

Sobre os datos referidos á execución do convenio de colaboración asinado pola Axencia de Turismo de Galicia coa Catedral de Santiago de Compostela para a edición dun libro compilatorio sobre a Domus Iacobi

- 55963 (10/PRE-017707)

Grupo Parlamentario Mixto

Vázquez Verao, Paula

Sobre os datos referidos á dotación de persoal e atención sanitaria que se está a prestar no PAC e Centro de Saúde de Palas de Rei, así como a opinión do Sergas ao respecto

- 55967 (10/PRE-017708)

Grupo Parlamentario dos Socialistas de Galicia

Porritt Lueiro, María Teresa e 3 máis

Sobre o proceso de tramitación do proxecto de construción dunha depuradora de mariscos no porto de Castiñeiras, no concello de Ribeira, e o seu impacto na área afectada

- 55973 (10/PRE-017709)

Grupo Parlamentario Mixto

Rodríguez Estévez, David e 3 máis

Sobre a información da Consellería de Medio Ambiente, Territorio e Vivenda referida ao impacto das obras de acondicionamento dunha pista *bike park* levadas a cabo nas instalacións do Parque da Natureza do Lago Castiñeiras, en Cotorredondo (Pontevedra), e a dispoñibilidade polos seus promotores dos permisos necesarios para a súa execución, así como para a realización das diferentes probas de BTT

- 55993 (10/PRE-017710)

Grupo Parlamentario dos Socialistas de Galicia

Torrado Quintela, Julio e Blanco Rodríguez, Noela

Sobre a valoración do Goberno galego respecto da xestión da atención primaria no verán de 2019 na comarca do Salnés, así como a contratación na actualidade de todo o persoal facultativo de atención primaria e puntos de atención continuada necesario para dar servizo no sistema sanitario público



- 56026 (10/PRE-017711)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre as actuacións previstas polo Goberno galego en relación co futuro da empresa Unitono en Ourense, co mantemento da súa actividade e dos postos de traballo, así como sobre as actuacións levadas a cabo para o cumprimento dos acordos parlamentarios ao respecto e a valoración que fai da operación de compra da empresa por un fondo chinés

- 56035 (10/PRE-017712)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre os datos referidos á elaboración, ao contido e ao desenvolvemento da nova macroenquisa en materia de violencia de xénero, a data prevista polo Goberno galego para a publicación dos seus resultados e os estudos que vai encargar ao respecto

- 56041 (10/PRE-017713)

Grupo Parlamentario dos Socialistas de Galicia

Pérez Seco, José Manuel e 2 máis

Sobre o prazo previsto polo Goberno galego para a mellora das rutas alternativas no Camiño de Santiago e as reclamacións ou denuncias recibidas ao respecto

- 56043 (10/PRE-017714)

Grupo Parlamentario dos Socialistas de Galicia

Pérez Seco, José Manuel e 3 máis

Sobre a dispoñibilidade do Goberno galego dun censo actualizado do número de xabarís que hai en Galicia e, se é o caso, os datos ao respecto

- 56051 (10/PRE-017715)

Grupo Parlamentario dos Socialistas de Galicia

Pierres López, María Luisa e 4 máis

Sobre a opinión do Goberno galego referida ao cumprimento, na cobertura informativa dada pola CRTVG da morte en Valga de tres mulleres vítimas da violencia machista, das recomendacións do seu consello de administración respecto do tratamento destes casos nos medios de comunicación públicos

- 56083 (10/PRE-017716)

Grupo Parlamentario dos Socialistas de Galicia

Burgo López, María de la Concepción e Álvarez Martínez, Luis Manuel

Sobre a resposta remitida pola Consellería de Educación, Universidade e Formación Profesional a unha deputada en relación coa solicitude de información referida ao expediente da solicitude de creación dunha universidade privada impulsada por Afundación, de Abanca

- 56089 - 56144 (10/PRE-017717)

Grupo Parlamentario dos Socialistas de Galicia

Burgo López, María de la Concepción e 2 máis



Sobre as razóns da opacidade e falta de transparencia na tramitación do recoñecemento da Universidade Internacional da Empresa, universidade privada promovida por Abanca
A Mesa admítea coa corrección de erros formulada no doc. núm. 56144.

- 56100 (10/PRE-017718)

Grupo Parlamentario do Bloque Nacionalista Galego

Bará Torres, Xosé Luís e 5 máis

Sobre a valoración do Goberno galego en relación coa situación do sector da construción naval e da industria auxiliar na ría de Vigo, as xestións levadas a cabo para evitar a desaparición do estaleiro Vulcano e a consideración da posibilidade dunha intervención pública para garantir a continuidade do estaleiro e a subrogación do seu persoal

- 56139 (10/PRE-017719)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre os datos referidos ao anunciado acordo do Goberno galego co Goberno arxentino para a construción de case a metade da súa frota nos estaleiros galegos

- 56146 (10/PRE-017720)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre as actuacións previstas polo Goberno galego en relación coa débeda económica do Estado con Galicia

- 56154 (10/PRE-017721)

Grupo Parlamentario Grupo Común da Esquerda

Solla Fernández, Eva

Sobre o prazo previsto polo Goberno galego para a retirada do amianto no CEIP Wenceslao Fernández Flórez, de Cambre, a dispoñibilidade dun protocolo específico para a súa eliminación nos centros escolares e os prazos estimados para o seu remate

- 56166 (10/PRE-017722)

Grupo Parlamentario dos Socialistas de Galicia

Álvarez Martínez, Luis Manuel e 2 máis

Sobre as intencións do Goberno galego respecto do establecemento dunha limitación de velocidade que garanta a seguridade dos peóns entre os puntos quilométricos 22 e 23 da estrada AC-552, no tramo comprendido entre A Telleira e O Cancelo do Medio, así como a execución das actuacións necesarias para o seu efectivo cumprimento

Santiago de Compostela, 26 de setembro de 2019

Diego Calvo Pouso

Vicepresidente 1º



2. Elección e composición do Parlamento, réxime e goberno interior, organización e funcionamento

2.2. Composición do Parlamento e dos seus órganos

2.2.5. Composición das comisións

Resolución da Presidencia, 30 de setembro de 2019, pola que se admite a trámite o escrito do portavoz do G. P. dos Socialistas de Galicia polo que comunica cambios na representación do seu grupo nas comisións parlamentarias (doc. núm. 56516)

No Rexistro Xeral do Parlamento de Galicia tivo entrada, co número 56516, o escrito do portavoz do G. P. dos Socialistas de Galicia, polo que comunica cambios na representación do seu grupo nas comisións parlamentarias.

A Presidencia, en uso da delegación temporal de competencias de xestión ordinaria da Mesa do Parlamento na Presidencia da Cámara (Acordo da Mesa do Parlamento do 31 de outubro de 2016, publicado no *Boletín Oficial do Parlamento de Galicia* núm. 9, do 8 de novembro de 2016), resolve:

1º. Tomar coñecemento dos seguintes cambios na representación do G.P. dos Socialistas de Galicia nas seguintes comisións parlamentarias:

-- Comisión 7ª, Agricultura, Alimentación, Gandaría e Montes

Baixa: Carmen Rodríguez Dacosta
Alta: Óscar Vilar Chento

-- Comisión Permanente non Lexislativa de Control da Corporación da RTVG

Baixa: Julio Torrado Quintela
Alta: Óscar Vilar Chento

-- Comisión non permanente de estudo para a Igualdade e para os Dereitos das Mulleres

Alta: Patricia Otero Rodríguez

2º. Dar conta desta resolución na próxima reunión da Mesa do Parlamento que teña lugar.

3º. Publicar este acordo no *Boletín Oficial do Parlamento de Galicia*.

Santiago de Compostela, 30 de setembro de 2019

Miguel Ángel Santalices Vieira
Presidente



4. Informacións e correccións de erros

4.2. Correccións de erros

Corrección de erros na execución dos acordos da Mesa do Parlamento do día 17 de setembro de 2019

Advertido un erro material na relación das iniciativas admitidas a trámite pola Mesa do Parlamento na reunión do 17 de setembro de 2019, procédese á súa corrección nos seguintes termos.

Onde di:

«- 55359 (10/POC-008734)

Grupo Parlamentario Popular de Galicia

Rodríguez Arias, Marta e 7 máis

Sobre a información do Goberno galego respecto da existencia dalgún avance na aprobación definitiva polo Goberno central da Estratexia nacional fronte ao reto demográfico

Comisión 5ª, Sanidade, Política Social e Emprego»

Debe dicir:

«- 55359 (10/POC-008734)

Grupo Parlamentario Popular de Galicia

Arias Rodríguez, Raquel e 7 máis

Sobre a información do Goberno galego respecto da existencia dalgún avance na aprobación definitiva polo Goberno central da Estratexia nacional fronte ao reto demográfico

Comisión 5ª, Sanidade, Política Social e Emprego»

Santiago de Compostela, 27 de setembro de 2019

Xosé Antón Sarmiento Méndez

Letrado oficial maior



Á Mesa do Parlamento

Patricia Vilán Lorenzo e Teresa Porritt Lueiro, deputadas pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **Pregunta para a súa resposta escrita**.

O artigo 132.1 da lei 39/2015, do 1 de outubro, do Procedemento administrativo común das administracións públicas, dispón que, anualmente, as administracións públicas farán público un plan normativo que conterá as iniciativas legais ou regulamentarias que vaian ser elevadas para a súa aprobación no ano seguinte. Non obstante esta obriga, a Xunta de Galicia nin sequera ten aprobado o calendario normativo para este ano 2019 (polo que non se coñecen as previsións normativas para este ano ao que só lle quedan 3 meses para rematar), ao que hai que engadir o deficiente grao de cumprimento por parte do Goberno galego dos seus propios plans normativos anunciados 2017 e 2018.

A realidade é que, a día de hoxe, o Goberno non ten dispoñible no Portal de Transparencia o necesario informe de seguimento do plan normativo de 2018, comprobando novamente a incapacidade lexislativa do Goberno para presentar diante do Parlamento de Galicia os proxectos de lei que sistematicamente vén anunciando.

E atopamos esa mesma liña de incumprimento dos compromisos lexislativos cando só se teñen aprobado 5 das 20 leis que o presidente da Xunta anunciara no seu programa electoral ás eleccións autonómicas de 2016. Xa que logo, seguimos diante da lexislatura de máis baixa iniciativa lexislativa por parte do Goberno galego.

Polo exposto, as deputadas asinantes formulan as seguintes preguntas:

- 1.ª) Pode afirmar o Goberno da Xunta de Galicia que cumpre as súas promesas?
- 2.ª) Pode afirmar o Goberno da Xunta de Galicia que cumpre o disposto no artigo 132.1 da lei 39/2015, do 1 de outubro, do Procedemento Administrativo Común das Administracións Públicas?
- 3.ª) Cando ten previsto o Goberno dar conta do grao de seguimento do plan normativo do ano 2018?
- 4.ª) Cando ten previsto o Goberno aprobar o plan normativo de 2019?
- 5.ª) Por que o Goberno non é capaz de cumprir os seus plans normativos?





6.ª) Por que o Goberno non é capaz de cumprir as promesas electorais do presidente da Xunta?

Pazo do Parlamento, 13 de setembro de 2019

Asdo.: Patricia Vilán Lorenzo
Teresa Porrirt Lueiro
Deputadas do G.P. dos Socialistas de Galicia

Asinado dixitalmente por:

Patricia Vilán Lorenzo na data 13/09/2019 13:08:49

María Teresa Porrirt Lueiro na data 13/09/2019 13:09:01



Á Mesa do Parlamento

Matilde Begoña Rodríguez Rumbo, María Luisa Pierres López, Teresa Porritt Lueiro e Patricia Vilán Lorenzo, deputadas pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta escrita.

O número de persoas afogadas na nosa comunidade sitúanos como a terceira na que máis persoas faleceron no 2018 con 49 persoas afogadas, segundo o Informe Nacional de Afogamentos da Real Federación Española de Salvamento e Socorrismo.

A Xunta de Galicia aprobou o Decreto 104/2012, do 16 de marzo, polo que se fixa a formación mínima dos socorristas acuáticos e se crea e regula o Rexistro Profesional de Socorristas Acuáticos de Galicia, no que se establece un rexistro provisional e un definitivo (que finalizaba no ano 2017), no que as persoas que queiran traballar como socorristas teñen que estar inscritas na AGASP, que é onde reside o rexistro.

Á vista de que o número de socorristas minguaba, a Xunta aproba o Decreto 35/2017, do 30 de marzo, polo que se modifica o Decreto 104/2012, do 16 de marzo, polo que se fixa a formación mínima dos socorristas acuáticos e se crea e regula o Rexistro Profesional de Socorristas Acuáticos de Galicia, mediante o cal se amplía o rexistro provisional ata 2021 e aos licenciados de INEF e os que tiveran finalizado TAFAD terían que facer un curso de 70 horas, máis 80 h de prácticas para espazos acuáticos e de 65 horas máis 80 h prácticas para instalacións acuáticas, podendo así inscribirse no rexistro definitivo.

Os concellos galegos teñen, ano tras ano, dificultades para a contratación de socorristas para as súas praias e/ou piscinas, aínda que o número de persoas inscritas no Rexistro Profesional de Socorristas Acuáticos de Galicia supera os 5.000. Problema que, ademais da falla de seguridade, impide a moitos destes concellos continuar coa bandeira azul.



A Federación Galega de Salvamento e Socorrismo Acuático alerta de que o número de persoas interesadas en realizar os cursos de capacitación diminúen ano tras ano, argumentando que as razóns son varias, por unha banda o custo do curso de capacitación, que para este ano é de 1.300 €, a duración do dito curso (4 meses durante os venres pola tarde e sábados e domingos mañá e tarde), a estacionalidade, así como a precariedade laboral destes profesionais.

Á vista destes datos as deputadas que asinan solicitan en resposta escrita contestación á seguinte pregunta:

Ten pensado o Goberno galego convocar á Fegamp e a Federación Galega de Salvamento e Socorrismo Acuático para buscar solucións viables a este problema?

Pazo do Parlamento, 12 de setembro de 2019

Asinado dixitalmente por:

Matilde Begoña Rodríguez Rumbo na data 13/09/2019 15:34:29

María Luisa Pierres López na data 13/09/2019 15:34:47

María Teresa Porrirt Lueiro na data 13/09/2019 15:35:03

Patricia Vilán Lorenzo na data 13/09/2019 15:35:15



Á Mesa do Parlamento

Matilde Begoña Rodríguez Rumbo e José Manuel Pérez Seco, deputada e deputado pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta escrita.

O Índice de Producción Industrial (IPI) é un indicador conxuntural que mide a evolución mensual da actividade produtiva das ramas industriais, excluída a construción, contidas na Clasificación Nacional de Actividades Económicas 2009 (CNAE-2009). O IPI mide a evolución conxunta da cantidade e da calidade, eliminando a influencia dos prezos.

O INE acaba de publicar o Informe sobre o Índice de Producción Industrial correspondente a xullo de 2019, que arroxa un retroceso dun 0,1 % respecto do mesmo mes de 2018, mentres que para o conxunto do Estado rexistrouse un crecemento dun 2,9 %.

Neste exercicio os valores do índice de produción industrial foron negativos en todos os meses, por iso a deputada e o deputado que asinan solicitan en resposta escrita contestación á seguinte pregunta:

Que valoración fai o Goberno galego destes datos?

Pazo do Parlamento, 13 de setembro de 2019

Asinado dixitalmente por:

Matilde Begoña Rodríguez Rumbo na data 13/09/2019 16:01:55

Jóse Manuel Pérez Seco na data 13/09/2019 16:02:10



Á Mesa do Parlamento

Matilde Begoña Rodríguez Rumbo e José Manuel Pérez Seco, deputada e deputado pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta escrita.

O IGE vén de publicar a Estatística de Sociedades Mercantís correspondente ao mes de xullo. A dita estatística elaborase a partires da Explotación do Boletín Oficial do Rexistro Mercantil (Borme) con carácter mensual co fin de medir a demografía das sociedades mercantís en Galicia, ofrecendo información sobre as empresas creadas, as que amplían e reducen capital, e as que desembolsan dividendos pasivos.

Os datos achegados indícanos que no mes de xullo en Galicia se crean 281 sociedades mercantís, o que supón unha diminución dun -1,1 % respecto do mesmo mes do ano anterior, mentres que para o conxunto do Estado esta variación é positiva (+1,6 %). No caso das sociedades disolvidas (80) a variación anual tamén é peor para Galicia (+11,1 %) que para o conxunto do Estado (+9,2 %) e temos 102 sociedades que amplían capital e 20 que o reducen.

Facendo unha comparativa mes a mes, tamén temos que para este exercicio os datos para Galicia son negativos respecto aos do exercicio 2018.

Á vista destes datos, a deputada e o deputado que asinan solicitan en resposta escrita contestación á seguinte pregunta:

Cal é a valoración que fai o Goberno galego desta situación?

Pazo do Parlamento, 13 de setembro de 2019





Asinado dixitalmente por:

Matilde Begoña Rodríguez Rumbo na data 13/09/2019 16:00:54

Jóse Manuel Pérez Seco na data 13/09/2019 16:01:22



Á Mesa do Parlamento

José Manuel Pérez Seco, María Carmen Rodríguez Dacosta e María Luisa Pierres López, deputado e deputadas pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta escrita.

As concentracións parcelarias de 8 parroquias da zona norte do concello de Agolada en Pontevedra levan esperando desde o ano 2002, a que se rematen. A realidade é que nesta área territorial xa hai traballos feitos cun investimento de máis de 800.000 euros, como o estudo de impacto medioambiental, medición de fincas, levantamentos topográficos, etc.

Estas concentracións divídense en dous núcleos:

- Núcleo 1: que abrangue as parroquias de Agra, Sexo, Baiña e Val cunha superficie de 1469 hectáreas.
- Núcleo 2: que abrangue as parroquias de Berredo, Eidián, Basadre e Ramil cunha superficie de 2130 hectáreas.

Nestes dous núcleos faltarían as parroquias de Sexto e Brocos (núcleo 3), para as que durante o ano 2018 se recolleron sinaturas que concluíron que o 90 % dos propietarios de terras nestas dúas parroquias demandan tamén o inicio da concentración parcelaria.

Tratase de parroquias cun minifundismo extremo. Hai casos nos que 25 hectáreas chegan a repartirse en máis de 220 parcelas, o que fai moi complicado o aproveitamento de ao redor de 470 hectáreas de terreo agrícola que están inutilizadas. Esta cuestión é especialmente grave dado que estamos a falar da reorganización dunhas terras, situadas a maior parte delas na ribeira do río Ulla, que conforman un espazo moi fértil e válido para a produción de forraxes con cultivos como o millo ou os mirasoles.

Ademais sería un proxecto sinxelo, xa que das máis de 5.000 hectáreas que abarcan, hai xa preto dunhas 1.102 hectáreas localizadas en pequenos núcleos que xa están aparceladas ou pertencen a montes comunais, e de especial interese estratéxico, dado que nestas parcelarias existe unha



destacada actividade gandeira, como a Granxa Sueiro, recoñecida polo seu labor a favor da sustentabilidade.

Por iso o deputado e as deputadas que asinan solicitan en resposta escrita contestación ás seguintes preguntas:

1ª) Cales son as causas da demora no proceso de concentración parcelaria dos núcleos 1 e 2 da zona norte do concello de Agolada?

2ª) Que medidas vai adoptar o Goberno galego en relación coa concentración parcelaria dos núcleos 1 e 2 da zona norte do concello de Agolada?

3ª) Cales e cantos procedementos de concentracións parcelarias están aínda en trámites? Cando prevé a Xunta de Galicia que se van realizar?

4ª) Cando prevé a Xunta de Galicia que se realizará, definitivamente, a concentración parcelaria dos núcleos 1 e 2 da zona norte do concello de Agolada? En caso afirmativo, cal é o cronograma de actuacións?

5ª) É consciente a Xunta de Galicia das perdas económicas, sociais e medioambientais que supón a demora na concentración parcelaria dos núcleos 1 e 2 da zona norte do concello de Agolada?

6ª) Ten previsto a Xunta de Galicia iniciar os tramites de construción da concentración parcelaria no núcleo 3 da zona norte do concello de Agolada? En caso afirmativo, cal é o orzamento e o cronograma de actuacións?

Pazo do Parlamento, 13 de setembro de 2019

Asinado dixitalmente por:

María del Carmen Rodríguez Dacosta na data 13/09/2019 16:31:37





María Luisa Pierres López na data 13/09/2019 16:31:48

Jóse Manuel Pérez Seco na data 13/09/2019 16:32:24



Á Mesa do Parlamento

María del Carmen Rodríguez Dacosta, Patricia Vilán Lorenzo e Teresa Porrill Lueiro, deputadas pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta escrita.

Tense coñecemento de que o que fora alcalde do concello de Laza, D. Jose Ramón Barreal, unha vez que deixou o seu cargo electo, a consecuencia dos resultados electorais de maio de 2019, tomou posesión como director técnico do Consorcio Provincial de Bombeiros de Ourense, o cal xestiona os parques de Valdeorras, Xinzo, Verín e o Carballeiro e no que participa a Xunta de Galicia en virtude da reunión do Consello da Xunta de data 27 de setembro de 2012, segundo o disposto na Lei 5/1997, do 22 de xullo, da Administración local de Galicia.

Entendemos que o dito alcalde non pasou ningún proceso selectivo de acceso á praza indicada e que este foi contratado de forma nominal, a pesares de que baseándose no establecido na lexislación o acceso a esta entidade con condición de entidade pública, local non territorial deberá producirse seguindo os principios de igualdade, mérito e capacidade.

Por todo o exposto as deputadas que asinan solicitan en resposta escrita contestación ás seguintes preguntas:

1ª) Ten o Goberno galego coñecemento de cando foi creada a praza de director técnico do Consorcio Provincial de Bombeiros de Ourense?

2ª) Que funcións competen á categoría de director técnico do Consorcio Provincial de Bombeiros de Ourense, e que titulación se esixe ao respecto?

3ª) Como se procedeu á cobertura desta praza?

4ª) Que tipo de contrato se formalizou entre o consorcio e a persoa que ocupou o dito cargo?



5ª) Que titulación ostenta o actual director técnico do consorcio?

6ª) En virtude de que relación contractual tomou posesión a dita persoa no Consorcio Provincial de Bombeiros de Ourense, e en que data?

Pazo do Parlamento, 11 de setembro de 2019

Asinado dixitalmente por:

María del Carmen Rodríguez Dacosta na data 12/09/2019 17:11:52

Patricia Vilán Lorenzo na data 12/09/2019 17:12:04

María Teresa Porrirt Lueiro na data 12/09/2019 17:12:20



Á Mesa do Parlamento

María Carmen Rodríguez Dacosta, Noela Blanco Rodríguez, Luís Manuel Álvarez Martínez e María Concepción Burgo López, deputadas e deputado pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara presentan ante esa mesa a seguinte pregunta para a súa resposta escrita.

A Reitoral de Santo André de Camporredondo, do século XVIII, sitúase na provincia de Ourense, na parroquia de Santo André de Camporredondo, a 3 quilómetros de Ribadavia. Este conxunto monumental formado pola reitoral de Santo André, a granxa vinícola máis importante que o mosteiro de San Martiño Pinario tivo en Galicia, feita en sillería, forma un conxunto único barroco galego que contén ademais unha adega abovedada singular. Moi preto deste conxunto histórico atópase un dos perfectos exemplos do barroco compostelán no rural galego, a igrexa de Santo André.

A restauración do edificio iniciouse con múltiples colaboracións públicas sendo decisiva a actuación da primeira “Escola-Taller” da provincia xa en 1988, así coma outras actuacións que continuaron a rehabilitación dos edificios.

Esta reitoral cedese ao Concello de Ribadavia a través dun convenio co bispado de Ourense para situar nel o Museo do Viño de Galicia, un espazo que ten como obxectivo a recuperación, conservación, documentación, investigacións, exhibición e difusión, de maneira científica e didáctica do noso patrimonio cultural e de interese vitivinícola, incorporando os fondos históricos e etnográficos, así como a organización de actividades científicas, formativas, divulgativas e de ocio que incrementen e favorezan o coñecemento da cultura da vide e do viño en Galicia.

A Xunta de Galicia responsabilizouse a partir do ano 1995 dos traballos do proxecto museístico e de poñer en marcha todas as actuacións necesarias para a súa apertura e xestión. Resulta preocupante a falla de accións nas pasadas dúas legislaturas por parte da Consellería de Cultura, xa que transcorridos 29 anos desde o inicio deste proxecto, foron moitas as visitas e as promesas dos gobernos do PP para poñer en marcha o Museo do Viño, pero que non teñen concretado en accións para a apertura destas instalacións.

Tralas eleccións municipais celebradas no ano 2015, o inicio do mandato a Deputación Provincial de Ourense ofreceuse a participar colaborando coa Consellería de Cultura nos últimos traballos necesarios para a apertura do museo, pero na actualidade este espazo segue pechado.

Por todo o exposto as deputadas e o deputado que asinan solicitan en resposta escrita contestación á seguinte pregunta:



En que data foi concedida a licencia de actividade e a licencia de apertura do Museo do Viño de Galicia de Santo André de Campo Redondo de Ribadavia?

Pazo do Parlamento, 13 de setembro de 2019

Asinado dixitalmente por:

María del Carmen Rodríguez Dacosta na data 13/09/2019 16:48:28

Noela Blanco Rodríguez na data 13/09/2019 16:48:38

Luis Manuel Álvarez Martínez na data 13/09/2019 16:48:50

Maria de la Concepción Burgo López na data 13/09/2019 16:49:02





BLOQUE NACIONALISTA GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Montserrat Prado Cores, Ana Pontón Mondelo, Olalla Rodil Fernández, Xosé Luis Rivas Cruz, Luis Bará Torres e Noa Presas Bergantiños, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, relativa ás medidas a tomar para solucionar a falta de persoal facultativo no concello de Meis.

O Partido Popular ten un modelo de Atención Primaria fracasado, que está dificultando o acceso @s galeg@s á sanidade pública e dificultando a prestación sanitaria de calidade. Está infradotada de persoal e de orzamento, falta de capacidade resolutiva pola imposibilidade de solicitar probas diagnósticas, sen protocolos claros para a derivación hospitalaria. Non resolve, non pode derivar, non pode dar a asistencia que a poboación demanda.

Esta situación de deterioro da Atención Primaria visibilizouse con toda virulencia ao longo desde verán, onde se produciu un forte rexeitamento á folla de ruta da xunta, a través de mobilizacións, manifestacións, declaracións públicas etc.

O Concello de Meis non e alleo a estes problemas, así vemos como as prazas dos médicos non son cubertas nas vacacións nin nas baixas, situación que se dá ao longo do tempo e que se acentúa nos meses de verán, así concretamente nestes días atopámonos no Concello de Meis que o Centro de Saúde do Mosteiro e no de Paradela non houbo médico durante días, o mesmo acontece en San Martiño que está sen médico debido ás vacacións do mesmo e cuxa praza non é cuberta durante este período.





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

O mesmo acontece coa praza de médico pediatra, a cal non se cubre nos períodos de vacacións, dándose o caso neste momento que por unha baixa da titular segue sen estar cuberta tras ese período de vacacións.

Estamos nun momento crítico, onde a Xunta ten que dar explicacións e asumir as súas responsabilidades, ante uns feitos de máxima gravidade e rectificar.

Polas razóns expostas formúlanse as seguintes preguntas para resposta escrita:

-Coida que @s veciñ@s de Meis están recibindo unha atención sanitaria de calidade cando hai días que non hai ningún médico para atender á poboación?

-Van proceder a cubrir todas as prazas de médicos no Concello durante as vacacións ou baixas laborais dos mesmos para garantir a asistencia sanitaria?

-Van cubrir de forma inmediata a praza de pediatra do Concello de Meis?

Santiago de Compostela, 16 de setembro de 2019

Asdo.: **Montserrat Prado Cores**

Luis Bará Torres

Noa Presas Bergantiños

Olalla Rodil Fernández

Xosé Luis Rivas Cruz

Ana Pontón Mondelo





BLOQUE
NACIONALISTA
GALLEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Deputadas e deputados do G.P. do BNG

Asinado dixitalmente por:

María Montserrat Prado Cores na data 16/09/2019 13:39:55

Xosé Luis Bará Torres na data 16/09/2019 13:40:30

Noa Presas Bergantiños na data 16/09/2019 13:40:42

Olalla Rodil Fernández na data 16/09/2019 13:40:54

Xose Luis Rivas Cruz na data 16/09/2019 13:41:02

Ana Pontón Mondelo na data 16/09/2019 13:41:11





BLOQUE
NACIONALISTA
GALLEGO

OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Montserrat Prado Cores, Ana Pontón Mondelo, Olalla Rodil Fernández, Xosé Luis Rivas Cruz, Luis Bará Torres e Noa Presas Bergantiños, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, relativa a esclarecer as circunstancias do aprexamento dun arrastreiro “Río Mau” por parte de Irlanda.

O pasado luns día 11 de Setembro foi apresado novamente un pesqueiro galego. Nesta ocasión tocoulle ao arrastreiro “Río Mau”, con base no porto de Vigo. Dito apresamento foi realizada polas autoridades irlandesas, permanecendo retido durante 4 días con toda a tripulación a bordo no porto de Casteltownbere (Irlanda).

O apresamento do “Río Mau” semella un proceder moi dubidoso, xa que neste caso as propias autoridades irlandesas admiten que houbo un erro á hora de estimar as capturas de rape e rapante a bordo.

O certo é que Irlanda ven de apresar por terceira vez un barco de capital galego no que vai dun ano para aquí. Son os casos do palangreiro de Burela “Virxen da Blanca”, ou máis recentemente o tamén palangreiro “Mestre Bobicha” con armador de Ribeira e pavillón portugués. Ao igual que no caso do “Río Mau”, as presuntas infraccións entendemos que non poden ser consideradas como algo grave, polo que resulta excesivamente rigoroso desviar a un barco a porto, rételo e impoñer sancións elevadísimas baixo a ameaza de que vai ser resolto a saber cando por un





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

xurado popular, nunha sociedade irlandesa na que aínda perduran prexuízos de antano contra á pesca galega.

Hai que lembrar que estas infraccións son sempre detectadas en “augas xurisdicionais da UE”, polo que Irlanda non ten un dereito exclusivo sobre elas.

Débase tamén sinalar que a flota galega leva realizado un gran esforzo social e económico para adecuarse aos recursos, e se hoxe o Gran Sol ten un bo estado de conservación débese en gran medida a este sacrificio do noso sector. Por iso non é de recibo este acoso ao noso sector pesqueiro.

É preciso que o Goberno español realice de inmediato unha petición de aclaración sobre o acontecido co barco “Río Mau” e tamén que se investigue se estamos ante un feito discriminatorio atendendo a criterios da nacionalidade, ou se pola contra este “modus operandi” das autoridades irlandesas se aplica as outras flotas da UE.

Polas razóns expostas fórmulanse as seguintes preguntas para resposta escrita:

Que actuacións ten realizado a Xunta de Galiza diante do apreixamento por parte de Irlanda do arrastreiro “Río Mau”, con base no porto de Vigo?

Ten realizado algunha petición de aclaración sobre o acontecido co barco “Río Mau” ao Goberno español?





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Ten solicitado que se investigue se estamos ante un feito discriminatorio atendendo a criterios da nacionalidade, ou se pola contra este “modus operandi” das autoridades irlandesas se aplica as outras flotas da UE?

Que accións vai realizar se este “modus operandi” das autoridades irlandesas estase a aplicar especialmente á frota galega?

Santiago de Compostela, 16 de setembro de 2019

Asdo.: **Montserrat Prado Cores**

Luis Bará Torres

Noa Presas Bergantiños

Olalla Rodil Fernández

Xosé Luis Rivas Cruz

Ana Pontón Mondelo

Deputadas e deputados do G.P. do BNG

Asinado dixitalmente por:

María Montserrat Prado Cores na data 16/09/2019 17:28:51

Xosé Luis Bará Torres na data 16/09/2019 17:28:59





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Noa Presas Bergantiños na data 16/09/2019 17:29:05

Olalla Rodil Fernández na data 16/09/2019 17:29:12

Xose Luis Rivas Cruz na data 16/09/2019 17:29:20

Ana Pontón Mondelo na data 16/09/2019 17:29:26



Á MESA DO PARLAMENTO

Paula Vázquez Verao, deputada pertencente ao **Grupo Parlamentario Mixto**, ao abeiro do disposto no artigo 157 do Regulamento da Cámara, presenta a seguinte **Pregunta** para a súa resposta **escrita**.

A páxina web da Academia Galega de Seguridade Pública continúa publicitando a existencia en Galiza do ciclo formativo de grao medio de Técnico de Emerxencias e Protección Civil, indicando que se ofrece na Estrada, sinalando o currículo e mesmo enlazando á listaxe de persoas admitidas do curso 2018/2019.

O 6 de xullo de 2019, logo de rematar o período de inscricións nos ciclos de FP, a Xunta daba a coñecer a eliminación do Ciclo de FP de Emerxencias e Protección Civil na Estrada, que se comezou a impartir en 2015, en conxunto entre o IES Antón Losada Diéguez e a Academia Galega de Seguridade Pública.

As razóns esgrimidas pola Xunta son motivos técnicos e organizativos e alega que é unha situación transitoria. En setembro, vimos de coñecer que a Xunta sabía dende decembro de 2018 a posibilidade de ter que cancelar o ciclo polas maiores necesidades de formación de policía locais e a posible incapacidade para ofertalo, pola imposibilidade de usar as instalacións da AGSP.

Polo exposto, a deputada que subscribe formula a seguinte pregunta á Xunta de Galicia:

- Por que sigue publicitando na web o ciclo formativo de grao medio de Técnico de Emerxencias e Protección Civil, cando está cancelado?
- Cando se vai recuperar este ciclo formativo?



Santiago de Compostela, 16 de setembro de 2019.

Asdo.: Paula Vázquez Verao

Deputada do G.P. Mixto.

Asinado dixitalmente por:

Paula Vázquez Verao na data 16/09/2019 17:41:33





BLOQUE
NACIONALISTA
GALLEGO

OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Luis Bará Torres, Ana Pontón Mondelo, Olalla Rodil Fernández, Xosé Luis Rivas Cruz, Montserrat Prado Cores e Noa Presas Bergantiños, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, relativa á rede natura.

1. O DOG do 2 de xaneiro de 2012 publicou o anuncio da Dirección Xeral de Conservación da Natureza polo que se acorda someter a información pública a proposta de ampliación da Rede Natura 2000 Galicia.

Este documento di literalmente o seguinte:

A rede Natura 2000 en Galicia atópase actualmente composta por 16 zonas de especial protección para as aves (ZEPA) que representan unha superficie de máis de 101.000 ha (medios mariños e terrestres) e 59 lugares de importancia comunitaria (LIC) que abranguen unha superficie de máis de 374.500 ha (medios mariños e terrestres). De acordo coa clasificación en ecorrexións da Comisión Europea, 55 LIC adscribíense á rexión bioxeográfica atlántica e 10 á mediterránea, e seis destes espazos superfícies posúen en ambas as rexións. No seu conxunto, a rede Natura 2000 ocupa unha superficie de 389.737 ha (medios mariños e terrestres).

A actual lista de lugares de importancia comunitaria (LIC) en Galicia foi considerada como insuficiente por parte da Comisión Europea, polo que é preciso completar a aplicación en Galicia da Directiva 92/43/CEE, do 21 de maio de 1992, relativa á conservación dos hábitats naturais e da fauna e flora silvestres, coa





BLOQUE
NACIONALISTA
GALLEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

aprobación dunha nova proposta de LIC. Así, a Comisión Europea, nas súas decisións polas que se aproban as primeiras listas de lugares de importancia comunitaria (rexión bioxeográfica atlántica, Decisión 2004/813/CEE, Diario Oficial de la Unión Europea, 29.12.2004, e rexión bioxeográfica mediterránea, Decisión 2006/613/CE, Diario Oficial de la Unión Europea, 21.9.2006), estableceu para cada unha das rexións bioxeográficas e para cada estado membro as necesidades de mellora na contribución á rede Natura 2000 que se debían considerar nas futuras ampliacións, corrixindo as insuficiencias detectadas ou mellorando a información.

Transcorrido un amplo período desde a publicación pola Comisión das dúas decisións, é urxente iniciar os trámites para completar a rede Natura 2000 galega, e dar así cumprimento ao mandado da Comisión.

Un mes máis tarde publicouse un novo anuncio no DOG, ampliando o prazo de información pública:

Desde a data da publicación do anuncio no DOG recibíronse un importante número de consultas de particulares, concellos e interesados diversos xunto coa solicitude de ampliación do prazo establecido para a participación por consideralo insuficiente para valorar adecuadamente a proposta. Conforme o establecido no artigo 16.1.a) da Lei 27/2006, do 18 de xullo, pola que se regulan os dereitos de acceso á información, de participación pública e de acceso á xustiza en materia de ambiente,

ACORDO:

Ampliar o período de participación do público á proposta de ampliación da rede Natura 2000 de Galicia que se abriu mediante o Anuncio do 2 de xaneiro. O dito período de participación amplíase nun prazo dun mes, contado desde a publicación desta resolución, coa finalidade de que todos aqueles interesados que se consideren





OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

directamente afectados, poidan remitir observacións e opinións mediante escrito, dirixido á Dirección Xeral de Conservación da Natureza da Consellería de Medio Ambiente, Territorio e Infraestruturas, San Lázaro, s/n, 15781 Santiago de Compostela, ou ao enderezo de correo electrónico ampliacionnatura2000.cmr.santiago@xunta.es

Santiago de Compostela, 2 de febreiro de 2012.

Malia a urxencia da que se fala neste trámite de información pública da proposta de ampliación, pasaron máis de sete anos e a Xunta de Galiza aínda non deu cumprimento ao mandato da Comisión Europea.

2. No ano 2014, a Xunta de Galicia aprobou o Plan Director da Rede Natura 2000. Este Plan foi obxecto en 2015 dun informe moi crítico por parte da Comisión Europea, tanto no referente a ZEC da rexión biogeográfica Atlántica como da Mediterránea. O informe sinala, entre outras deficiencias, as seguintes:

As medidas de conservación recollidas no Plan son demasiado vagas e indeterminadas e non ofrecen polo tanto suficiente claridade para a súa aplicación. En consecuencia, non pode considerarse que o Plan Director da rede Natura 2000 en Galicia sexa unha ferramenta suficiente na que se determinen todas as medidas de conservación necesarias para os 55 LIC atlánticos da rede situados na rexión.

3. No mes de xullo de 2017, a daquela conselleira de Medio Ambiente anunciou que a Xunta de Galicia estudiaba ampliar a Rede Natura 2000 por considerar que supón unha oportunidade de desenvolvemento sostíbel para os concellos.

Anteriormente, no mes de xuño, aprobouse na Comisión 2ª unha proposición non de lei do PP na que se instaba ao goberno galego a “iniciar os traballos de estudo e documentación para ampliar a Rede Natura 2000”.





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Semella unha burla que a Xunta fale en 2017 de ampliar a Rede Natura cando este trámite xa foi iniciado e sometido ao trámite de información pública no ano 2012.

A realidade é que pasaron máis de 7 anos desde a tramitación desta ampliación urxida pola CE (e 11 anos desde a proposta de 2008, máis ambiciosa) e Galiza está á cola do Estado en superficie de territorio protexido por Rede Natura.

Por todo isto formúlanse as seguintes preguntas para resposta escrita:

1. Por que razón a Xunta de Galiza incumpre o mandado da Comisión Europea a respecto da ampliación da Rede Natura?
2. Por que a Xunta de Galiza paralizou a ampliación da Rede Natura sometida a información pública no ano 2012?
3. Que previsións ten a Xunta de Galiza a respecto da ampliación da Rede Natura na presente lexislatura?
4. Ten coñecemento o goberno galego do deterioro irreversible que sufriron moitos deses espazos?
5. En cantos dos espazos incluídos na proposta de ampliación se desenvolveron ou están previstos proxectos mineiros, hidroeléctricos, eólicos e de plantacións forestais de piñeiros e eucaliptos?
6. Ten previsto o goberno galego revisar o Plan Director da Rede Natura e aprobar Plans de xestión específicos para cada un dos lugares, tal como reclamou a Comisión Europea?





OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

7. Que previsións ten o goberno galego en canto á ampliación da Rede Natura na presente lexislatura?

8. Como valora o goberno galego o feito de que Galiza ocupe o último lugar do estado en porcentaxe de superficie protexida pola Rede Natura?

Santiago de Compostela, 16 de setembro de 2019

Asdo.: **Montserrat Prado Cores**

Luis Bará Torres

Noa Presas Bergantiños

Olalla Rodil Fernández

Xosé Luis Rivas Cruz

Ana Pontón Mondelo

Deputadas e deputados do G.P. do BNG

Asinado dixitalmente por:

María Montserrat Prado Cores na data 16/09/2019 18:00:28

Xosé Luis Bará Torres na data 16/09/2019 18:00:35

Noa Presas Bergantiños na data 16/09/2019 18:00:44





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Olalla Rodil Fernández na data 16/09/2019 18:00:53

Xose Luis Rivas Cruz na data 16/09/2019 18:01:02

Ana Pontón Mondelo na data 16/09/2019 18:01:10





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Luis Bará Torres, Ana Pontón Mondelo, Olalla Rodil Fernández, Xosé Luis Rivas Cruz, Montserrat Prado Cores e Noa Presas Bergantiños, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, relativa ao ente público ferroviario e o tren de cercanías.

O 20 de abril de 2010, a Xunta de Galiza fixo público o inicio dos trámites para a creación do Ente Público Ferroviario de Galiza. Nesta data publicouse no DOG a licitación do contrato de servizo para elaborar o proxecto de lei deste organismo, por un importe de 180.000 euros.

Pasaron máis de 9 anos desde aquel anuncio sen que se dese un só paso para facer realidade o proxecto, o que demostra o desinterese do PP pola promoción e desenvolvemento da rede ferroviaria interna do país e o tren de cercanías. Polo contrario, o que vimos nos anos seguintes foi o peche de estacións, o desmantelamento de liñas, a redución de frecuencias e o esmorecemento do ferrocarril de cercanías como alternativa fundamental para unha mobilidade máis sostíbel, saudábel e segura. A situación das liñas Ferrol-Ribadeo, Coruña-Ferrol, Ourense-Monforte, Lugo-Sarria ou Vigo-Tui son un bo exemplo do desinterese dos gobernos da Xunta e do Estado a respecto do ferrocarril de proximidade.

Este panorama desolador contrasta co doutras comunidades do Estado que contan con servizo de cercanías, que están xestionados pola administración ferroviaria estatal ou por entes propios.





BLOQUE
NACIONALISTA
GALLEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Desde o BNG consideramos prioritario que Galiza asuma as competencias na súa rede ferroviaria interna, como forma de potenciación do ferrocarril e da intermodalidade con outros modos de transporte.

Por todo isto formúlanse as seguintes preguntas para resposta escrita:

1. Cal foi o resultado da licitación do contrato para elaborar a Lei do Ente Público Ferroviario de Galiza?
2. Por que o goberno galego desbotou esta proposta e apoiou pouco despois o desmantelamento dos servizos ferroviarios en Galiza?
3. Que vai facer a Xunta de Galiza diante do desmantelamento, a falta de investimentos e a obsolescencia de trazados e maquinaria de moitas liñas ferroviarias de Galiza?
4. Considera necesaria a transferencia das competencias en relación coa rede ferroviaria interna?
5. Está dacordo coa creación do servizo ferroviario de cercanías? En caso de resposta afirmativa, en que liñas considera que debería levarse a cabo?
6. Considera a Xunta de Galiza que o transporte de persoas e mercadorías por ferrocarril é fundamental para conseguir un transporte máis sustentábel e combater a crise climática?
7. Que opinión lle merece o estado das infraestruturas e os servizos ferroviarios nas liñas Ferrol-Ribadeo e Coruña-Ferrol?





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

8. Que demandas impulsou a Xunta de Galiza diante do goberno central na presente lexislatura para mellorar as infraestruturas e os servizos ferroviarios de cercanías?

9. Segue defendendo o goberno galego a necesidade de creación do Ente público ferroviario de Galiza?

Santiago de Compostela, 16 de setembro de 2019

Asdo.: **Montserrat Prado Cores**

Luis Bará Torres

Noa Presas Bergantiños

Olalla Rodil Fernández

Xosé Luis Rivas Cruz

Ana Pontón Mondelo

Deputadas e deputados do G.P. do BNG

Asinado dixitalmente por:

María Montserrat Prado Cores na data 16/09/2019 18:55:23

Xosé Luis Bará Torres na data 16/09/2019 18:55:30





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Noa Presas Bergantiños na data 16/09/2019 18:55:35

Olalla Rodil Fernández na data 16/09/2019 18:55:43

Xose Luis Rivas Cruz na data 16/09/2019 18:55:52

Ana Pontón Mondelo na data 16/09/2019 18:56:01





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Luis Bará Torres, Ana Pontón Mondelo, Olalla Rodil Fernández, Xosé Luis Rivas Cruz, Montserrat Prado Cores e Noa Presas Bergantiños, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, relativa aos parques eólicos de Campelo, Bustelo e Monte Toural, nos concellos de Carballo, Coristanco, Santa Comba e Tordoia.

A Xunta de Galiza está a tramitar os proxectos Campelo, Bustelo e Monte Toural, de 42, 46,2 e 21 MW de potencia, promovidos pola empresa Greenalia Power nos concellos de Carballo, Coristanco, Santa Comba e Tordoia. Os citados parques levan asociada unha infraestrutura de Liña de Alta Tensión (LAT 220 Kw) que vai desde Campelo ao Mesón do Vento atravesando os concellos de Carballo, Carral, Cerceda, Coristanco, Ordes e Tordoia.

A tramitación destes parques eólicos e da LAT pon de manifesto o mesmo “modus operandi” para burlar a lei, favorecer descaradamente os intereses das empresas eólicas, desprotexer o territorio e os dereitos das persoas que viven nel, e perpetrar agresións a espazos e ecosistemas de grande valor ambiental:

1º Os tres parques teñen unha mesma empresa promotora, coinciden nunha mesma zona e comparten infraestruturas como a estación transformadora e liñas de evacuación. Son polo tanto un único parque dividido fraudulentamente en tres, todos eles de menos de 50 MW para que a tramitación corresponda á Xunta de Galiza e deste xeito acollerse aos beneficios e trato de favor previsto na Lei de depredación.





BLOQUE NACIONALISTA GALLEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

2º O Consello da Xunta concedeulles no mes de maio de 2018 no mesmo acto administrativo a declaración de “proxecto de interese especial”, o que leva consigo a tramitación prioritaria, a redución á metade dos prazos, a declaración de utilidade pública e en xeral a prevalencia dos intereses da empresa promotora sobre calquera outro.

3º Ademais de dividir o megaparque en tres máis pequenos, os parques resultantes foron “amañados” para ubicalos en máis dun concello e así acollerse aos beneficios da declaración de proxectos sectoriais de incidencia supramunicipal.

4º A división do megaparque en tres ten como finalidade tamén evitar a avaliación ambiental do conxunto e dos efectos sinérxicos que as instalacións teñen sobre os ecosistemas, paisaxe, especies, territorio, actividades económicas tradicionais, núcleos de poboación, etc. Trátase dun burdo fraude de lei que foi evidenciado por diferentes sentenzas xudiciais, entre elas a do Tribunal Supremo do 30 de marzo de 2017, que confirma a fragmentación artificial do que debía ser un único parque eólico. Nesta sentenza rexéitase o recurso de casación presentado pola Junta de Castilla y León e Gamesa contra a sentenza de data 26 de xuño de 2014 ditada pola sección primeira da Sala do Contencioso-Administrativo do Tribunal Superior de Xustiza de Castilla y León. Velaquí a argumentación do Tribunal Supremo:

“Es claro que ha existido en este caso una fragmentación artificial de lo que hubiera debido ser un único parque eólico, y no se ha seguido, pues, la correcta calificación del régimen jurídico de las instalaciones litigiosas en función de la potencia instalada. Los artículos mencionados 27 y 28 de la Ley del Sector Eléctrico no se vulneran por dicha valoración judicial razonada de que se trata de un proyecto único que determina los límites de potencia a los efectos del régimen de producción de energía





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

eléctrica (la producción de energía eléctrica tendrá lugar en régimen especial cuando se realice desde instalaciones con una potencia instalada que no supere los 50 MW)”.

“En fin, la Sala reconoce el carácter unitario del conjunto de elementos que componen un solo parque eólico, tras ponderar de forma razonable las consecuencias que derivarían de una visión dividida o fraccionada de las instalaciones que impediría, entre otros aspectos, realizar una adecuada evaluación del impacto ambiental, valorando así de forma expresa y singular los estudios medioambientales realizados, razón por la que ha de rechazarse el motivo de casación”

5º A construción destes tres parques eólicos, tanto a instalación dos muíños como as pistas, liñas de evacuación eléctrica e estacións de transformación, etc. supoñen unha ameaza para a Centaurea Ulteira, unha planta catalogada como “en perigo crítico de extinción” no Catálogo galego de especies ameazadas (Decreto 88/2007, do 19 de abril). Trátase un endemismo galego con unha poboación mundial composta por pouco máis de 6.800 individuos distribuídos en dúas cuadrículas de 10x10 km arredor do Monte Castelo e da Lagoa de Alcaían.

6º Cómpre tamén ter en conta que a Lagoa de Alcaían foi proposta polo goberno da Xunta para a ampliación da Rede Natura (2012), dentro da ampliación do LIC Río Anllóns, polos seus excepcionais valores ecolóxicos e a presenza de especies raras entre as que se encontran outras especies endémicas en perigo de extinción ou vulnerábeis como a Lycopodiella inundata, a Euphorbia uliginosa ou a Spitanthes aestivalis, que xa foron obxecto de agresións en 2016 como consecuencia das obras de apertura dunha pista por parte da consellaría do Medio Rural.

Ademais, a Lagoa de Alcaían aparece incluída no Catálogo de Humidais de Galicia, coas conseguíntes restricións e limitacións previstas no Decreto 127/2008, do 5





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

de xuño, polo que se desenvolve o réxime xurídico dos humidais protexidos e se crea o Inventario de humidais de Galicia.

Por outra parte, como mostra dos seus extraordinarios valores ambientais e paisaxísticos, a lagoa foi incluída no Catálogo de Paisaxes de Galicia, coa categoría de Área de Especial Protección Paisaxística (decreto 119/2016, do 28 de xullo).

7º Os citados parques e a Liña de Alta Tensión teñen un impacto moi negativo sobre o territorio, sobre o patrimonio cultural, sobre os recursos hídricos, sobre a actividade económica tradicional do territorio e sobre os asentamentos humanos. A realidade é que estes proxectos están pensados para favorecer intereses privados e alleos ao territorio, xerando beneficios millonarios para as empresas promotoras e causando graves prexuízos á poboación local, á paisaxe e aos ecosistemas. A este respecto cómpre ter en conta os datos publicados pola empresa Greenalia Power S.L., os 7 parques que promove en Galiza, entre os que se encontran os tres citados, van supoñer máis de 1.000 millóns de euros de ingresos por venda de enerxía ao longo de 25 anos.

Por todo isto formúlanse as seguintes preguntas para resposta escrita:

1. Por que razón a Xunta de Galiza favorece os intereses dunha empresa privada avalando un proxecto que causa graves prexuízos ambientais e sociais como o dos parques eólicos de Castelo, Bustelo e Monte Toural?
2. Como valora o goberno galego a sentenza do Tribunal Supremo a respecto da fragmentación artificial de parques eólicos para facilitar a súa tramitación?





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

3. Como valora o goberno galego o impacto da construción destes parques eólicos en especies altamente vulnerábeis e en ecosistemas protexidos como a lagoa de Alcaián, incluída no Inventario de Humidais de Galiza?

4. Que efectos ten o parque na Área de Especial Protección Paisaxística Lagoa de Alcaián, incluída no Catálogo de Paisaxes de Galicia (decreto 119/2016, do 28 de xullo)?

5. Como valora a construción de parques eólicos no ámbito dun espazo proposto para a ampliación da Rede Natura?

6. Considera a Xunta de Galiza que neste caso é de aplicación a suspensión de parques eólicos na ampliación da Rede Natura?

7. A luz das irregularidades na tramitación e dos fortes impactos no medio, no territorio, nas actividades económicas tradicionais, na poboación local e en ecosistemas de grande valor, ten previsto o goberno galego deixar sen efecto a tramitación dos proxectos de parques eólicos Campelo, Bustelo e Monte Toural, de 42, 46,2 e 21 MW de potencia, promovidos pola empresa Greenalia Power nos concellos de Carballo, Coristanco, Santa Comba e Tordoia, así como o proxecto de LAT Campelo-Mesón asociada aos citados parques?

Santiago de Compostela, 16 de setembro de 2019

Asdo.: **Luis Bará Torres**
Montserrat Prado Cores





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Noa Presas Bergantiños

Olalla Rodil Fernández

Xosé Luis Rivas Cruz

Ana Pontón Mondelo

Deputadas e deputados do G.P. do BNG

Asinado dixitalmente por:

Xosé Luis Bará Torres na data 16/09/2019 19:11:03

María Montserrat Prado Cores na data 16/09/2019 19:11:08

Noa Presas Bergantiños na data 16/09/2019 19:11:15

Olalla Rodil Fernández na data 16/09/2019 19:11:22

Xose Luis Rivas Cruz na data 16/09/2019 19:11:31

Ana Pontón Mondelo na data 16/09/2019 19:11:39



Á Mesa do Parlamento

Noela Blanco Rodríguez, José Manuel Pérez Seco e Matilde Begoña Rodríguez Rumbo, deputadas e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

A Festa da Vendima de Leiro celébrase cada ano dende hai tres décadas para lembrar o carácter festivo da recollida da uva e enxalzar o que é un dos motores económicos do Ribeiro, cunha profunda tradición vitivinícola. Entre as súas actividades máis importantes atópase o desfile de carrozas relacionadas coa vendima.

No ano 2014 o Concello de Leiro anunciou a tramitación do expediente para declarar a Festa de Interese Turístico por acordo no pleno deste Concello. En outubro do ano 2018 o Alcalde deste concello anunciaba que debido a problemas técnicos no cumprimento dos requisitos necesarios para a concesión desta distinción, debía iniciarse de novo a tramitación deste expediente.

Segundo se recolle na *Lei 7/2011, do 27 de outubro, do turismo de Galicia*, no título VII, referente á promoción e fomento do turismo, no capítulo específico sobre as medidas de promoción e fomento no que se inclúe o artigo 93, que prevé a declaración de festas de interese turístico de Galicia se sinala que “*a declaración se fará segundo se determine regulamentariamente en función, entre outros, da antigüidade, da singularidade e do arraigamento, así como das actividades promocionais que desenvolvan. Donde se valorará positivamente as manifestacións de exaltación de tradicións, cultura, gastronomía, etnografía e calquera elemento que contribúa a mellorar a oferta lúdico-promocional de turismo de Galicia*”.

O *Decreto 4/2015, do 8 de xaneiro, polo que se regula a declaración das festas de interese turístico de Galicia*, desenvolve a previsión legal, concretando os requisitos que deben cumprirse para optar á declaración de festa de interese turístico de Galicia, os seus efectos, así como o procedemento para a declaración, a súa vixencia e a perda da condición de festa de interese turístico de Galicia. Corresponde ao Consello de la Xunta de Galicia, previa instrución do expediente pola Axencia de Turismo de Galicia, a competencia para a declaración de festas de interese turístico de Galicia de acordo os artigos 4 e 93 da *Lei 7/2011, do 27 de outubro*. Tal e como se indica no propio regulamento, o procedemento para a



declaración de festa de interese turístico de Galicia iniciárase por solicitude de entidades interesadas, sexan de carácter públicos ou privados, previa consulta ao concello onde se celebre, salvo no caso de que sexa o propio concello o que formule a solicitude de iniciación.

Por todo o exposto, as deputadas e o deputado que asinan formulan as seguintes preguntas para a súa resposta escrita:

1. Como valora a Xunta de Galicia a declaración da Festa da Vendima de Leiro como de “Interese Turístico”?
2. Iniciou o Concello de Leiro o procedemento para acadar esta declaración?
3. En caso afirmativo, en que data se realizou dita tramitación?
4. Comezou a Axencia de Turismo de Galicia a instrución do expediente para a declaración da Festa da Vendima de Leiro como de “Interese Turístico”?
5. Detectou a Axencia de Turismo de Galicia dificultades no cumprimento dos requisitos contidos na normativa vixente para acadar a declaración da Festa da Vendima de Leiro como de Interese turístico?

Pazo do Parlamento, 16 de setembro de 2019

Asdo.: Noela Blanco Rodríguez
José Manuel Pérez Seco
Matilde Begoña Rodríguez Rumbo
Deputadas e deputado do G.P. dos Socialistas de Galicia

Asinado dixitalmente por:

Noela Blanco Rodríguez na data 17/09/2019 11:48:45

Jóse Manuel Pérez Seco na data 17/09/2019 11:48:55

Matilde Begoña Rodríguez Rumbo na data 17/09/2019 11:49:06



Á Mesa do Parlamento

Julio Torrado Quintela, deputado pertencente ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presenta ante esa Mesa a seguinte **pregunta** para a súa resposta por escrito.

A asociación de xubilados e xubiladas de Vilagarcía vén de aproveitar, durante varias décadas, un local cedido polo ISM na Casa do Mar da localidade. As obras de reforma e posteriores usos deste inmovible impiden o seu uso actual e limitan as posibilidades futuras para retomar esa cesión.

Durante todo este tempo a Xunta de Galicia, responsable en termos competencias do relativo a terceira idade, vén de aproveitarse das facilidades que outras administracións veñen ofertando a este colectivo, non asumindo ningún custo, esforzo ou xestión no tema.

Dada a circunstancia actual, e as actividades e vida social desenvolvida por este colectivo consolidado, un acordo unánime do Pleno do Concello de Vilagarcía insta á busca dunha solución, na que a Xunta de Galicia deba asumir unha responsabilidade principal na procura de local para este colectivo.

Por todo o exposto, o deputado que asinan formula as seguintes preguntas para a súa resposta escrita:

1. Que xestións ten avanzado a Xunta de Galicia no procura dunha solución para a asociación de xubilados e xubiladas de Vilagarcía respecto da súa necesidade dun local social?
2. Que previsións ten de resolución da situación a Xunta de Galicia?
3. Cando cre a Xunta de Galicia que poderá ofrecer unha proposta de solución ao colectivo?

Pazo do Parlamento, 17 de setembro de 2019

Asdo.: Julio Torrado Quintela
Deputado do G.P. dos Socialistas de Galicia





PARLAMENTO DE GALICIA
REGISTRO XERAL ENTRADA
Data asento: 17/09/2019 12:13:07
Nº Registro: 55846
Data envío: 17/09/2019 12:13:07.594

Asinado dixitalmente por:

Julio Torrado Quintela na data 17/09/2019 12:12:37

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es

CSV: BOPGDSPQPQM2EXJHM5
Verificación:
<https://sede.parlamentodegalicia.gal/tramites/csv/>



Á Mesa do Parlamento

Patricia Vilán Lorenzo, María Luisa Pierres López, Noela Blanco Rodríguez e Julio Torrado Quintela, deputadas e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

O persoal técnico da equipa número 2 da área de Menores do Servizo da provincia de Pontevedra de Familia, Infancia e Dinamización Demográfica da Consellería de Política Social, con sede en Vigo, rexistraban no mes de xullo un escrito de solicitude de reparto equitativo e aleatorio (non discrecional) dos novos expedientes que vaian entrando nese servizo. No mesmo escrito advertían que a actual distribución pode supoñer a falla da atención precisa aos expedientes e os retrasos na súa tramitación. As causas desa solicitude non son outras que a sobrecarga no traballo desa equipa, como consecuencia do cambio na organización do servizo que se fixera no mes de febreiro deste mesmo ano.

No Servizo provincial hai actualmente seis equipas, formadas por 6 persoas cada unha, e salvo a equipa número 2, que ten só 5. A maiores, a media do número de expedientes de cada equipa ronda os 65, mais a realidade do traballo non é a mesma. Como exemplo, esta equipa asumiu, cando menos, un 40 % máis de expedientes novos que o resto do servizo, segundo denunciaban en xullo o persoal técnico.

O anterior amosa unha pésima organización do traballo por parte das persoas responsables do Servizo e, en último termo, polos responsables políticos do Goberno galego, afectando directamente ás persoas usuarias, é dicir, menores es as súas familias.

Por todo o exposto, as deputadas e o deputado que asinan formulan as seguintes preguntas para a súa resposta escrita:

1. Que ten que dicir o Goberno galego sobre a situación advertida polo persoal técnico da equipa número 2 da área de Menores do Servizo da provincia de Pontevedra de Familia, Infancia e Dinamización Demográfica da Consellería de Política Social?
2. Que vai facer o Goberno para mudar esta situación?



3. Ten intención o Goberno de acordar unha distribución equitativa e un reparto aleatorio dos novos expedientes entre as distintas equipas existentes?
4. Ten intención o Goberno de mudar o sistema organizativo para evitar a sobrecarga no traballo dalgunha das equipas?

Pazo do Parlamento, 16 de setembro de 2019

Asdo.: Patricia Vilán Lorenzo
María Luisa Pierres López
Noela Blanco Rodríguez
Julio Torrado Quintela
Deputadas e deputado do G.P. dos Socialistas de Galicia

Asinado dixitalmente por:

Patricia Vilán Lorenzo na data 17/09/2019 12:26:41

María Luisa Pierres López na data 17/09/2019 12:26:56

Noela Blanco Rodríguez na data 17/09/2019 12:27:07

Julio Torrado Quintela na data 17/09/2019 12:28:11



Á Mesa do Parlamento

Patricia Vilán Lorenzo, Luís Manuel Álvarez Martínez e María Luisa Pierres López, deputadas e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

En xullo de 2016, o Concello de Ponte Caldelas presentaba por rexistro un borrador de regulamento urbanístico para a ordenación dos terreos comprendidos na Central de Transportes, no polígono industrial da Reigosa e sen ese regulamento o Concello está imposibilitado para conceder licenzas de construción. O borrador foi froito do traballo conxunto dos técnicos do Instituto Galego da Vivenda e Solo (IGVS) e do propio Concello. Resulta que o polígono da Reigosa conta cun plan sectorial de incidencia supramunicipal en vigor, polo que a súa ordenación é competencia exclusiva da Xunta de Galicia.

O 12 de setembro pasado, o IGVS emitía nota de prensa na que informaba do desbloqueo da situación mediante a tramitación do procedemento para a aprobar o regulamento e para a modificación do proxecto sectorial. Así, a modificación incidirá na parcelación e usos das parcelas ou en cuestións como a alineación das naves a construír ou a mellora dos servizos e dotacións.

Tiveron que pasar tres anos e dous meses para o comezo da tramitación sinxela dun regulamento xa acordado e pactado polos técnicos e, nese tempo, “Xestur Pontevedra” só foi quen de vender unha das parcelas; o resto, ao ser subparceladas por falta de demanda, quedaron sen vender. E media ducia de empresarios desistiron de instalarse na Reigosa a causa da inseguridade xurídica derivada da inexistencia dunha ordenación urbanística acaída.

Por todo o exposto, as deputadas e o deputado que asinan formulan as seguintes preguntas para a súa resposta escrita:

1. Cales foron as causas que explican que o IGVS teña tardado 3 anos e 2 meses en iniciar a aprobación o regulamento urbanístico para a ordenación dos terreos comprendidos na Central de Transportes, en Ponte Caldelas, que xa fora pactado entre os técnicos?



2. Quen vai van asumir as responsabilidades de que varias empresas non puidesen desenvolver os seus proxectos no polígono industrial da Reigosa?

Pazo do Parlamento, 16 de setembro de 2019

Asdo.: Patricia Vilán Lorenzo
Luís Manuel Álvarez Martínez
María Luisa Pierres López
Deputadas e deputado do G.P. dos Socialistas de Galicia

Asinado dixitalmente por:

Patricia Vilán Lorenzo na data 17/09/2019 12:18:57

Luis Manuel Álvarez Martínez na data 17/09/2019 12:19:10

María Luisa Pierres López na data 17/09/2019 12:19:20



Á Mesa do Parlamento

Noela Blanco Rodríguez, María del Carmen Rodríguez Dacosta e Julio Torrado Quintela, deputadas e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

O persoal de seguridade dos hospitais comarcais de Verín e Valdeorras convocou mobilizacións durante os meses de agosto e setembro, co fin de poñer en coñecemento da opinión pública os constantes problemas de atrasos nos pagos por parte da empresa concesionaria do Sergas, “Servizos de Seguridade Integral e Mantementos A1 S.L”. Segundo tivo coñecemento o grupo socialista, dende setembro do 2018 a empresa incumpre reiteradamente con atrasos sistemáticos o abono das nóminas. De feito tivo demora de varios meses para abonar os salarios do último trimestre de 2018, e tamén dos primeiros do 2019, e na actualidade a empresa aínda lles adebeda aos traballadores a nómina correspondente ao mes de xullo, cando o convenio en vigor da seguridade privada contempla que esta debería facerse efectiva a día 3 do mes vencido. Neste caso concreto, a falla de pagamento afecta a dez traballadores, repartidos nos dous hospitais comarcais.

Por todo o exposto, as deputadas e o deputado que asinan formulan as seguintes preguntas para a súa resposta escrita:

1. Ten constancia a Xunta de Galicia dos atrasos nos pagamentos dos salarios do persoal de seguridade privada dos hospitais de Verín e de Valdeorras?
2. Cumpre o Sergas, en tempo e forma, cos seus compromisos de pago coa concesionaria deste servizo?
3. Tomou algunha medida para garantir o pagamento destes salarios?
4. Reuniuse o Sergas cos traballadores da seguridade privada dos hospitais de Verín e de Valdeorras?
5. Que medidas ten previsto tomar para que se cumpran os dereitos laborais dos traballadores que prestan este servizo?
6. Considera a Xunta de Galicia que eta situación contribúe a que se preste un servizo de calidade na seguridade nestes hospitais?

Pazo do Parlamento, 17 de setembro de 2019





Asinado dixitalmente por:

Noela Blanco Rodríguez na data 17/09/2019 12:50:31

María del Carmen Rodríguez Dacosta na data 17/09/2019 12:50:42

Julio Torrado Quintela na data 17/09/2019 12:50:52



Á Mesa do Parlamento

Julio Torrado Quintela e Noela Blanco Rodríguez, deputado e deputada pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

A atención sanitaria en O Salnés vén sendo especialmente abandonada pola actual Consellería de Sanidade, que ven prexudicando especialmente a esta comarca, sen coberturas de profesionais e con parálise na necesidade de construción de novos centros de saúde necesarios. Estes erros repercuten de maneira global en todos os concellos, pois a atención abandonada nun deles repercute na saturación dos centros de saúde máis próximos, e especialmente nos PAC.

Esta política de desatención nótase de feito especial no concello de Meis. A atención sanitaria de Meis ofrécese en puntos dispersos no territorio do concello, que distribúen o servizo e a asistencia de maneira repartida. Durante este verán os veciños e veciñas veñen sufrindo a política de recortes aplicada polo Goberno de Núñez Feijoo, pola que non se substituíron os e as profesionais de vacacións e perdeuse o servizo de pediatría.

O Concello de Meis, comprobando a ineficiencia da Consellería de Sanidade, vén de iniciar unha recollida de sinaturas contra o abandono e desleixo que se notou este verán, e demandando a cobertura axeitada á maior brevidade. Esta acción vén acompañada dunha convocatoria de mobilización cidadá, como xa ten ocorrido noutros puntos da comarca en recentes datas como O Grove, Ribadumia ou A Illa, por motivos semellantes.

A pesares das queixas, o Goberno de Núñez Feijoo continúa coa súa política de recortes e de non explicacións aos concellos e persoas afectadas, polo que a situación parece enquistarse complicando a situación.

Por todo o exposto, o deputado e a deputada que asinan formulan as seguintes preguntas para a súa resposta escrita:

1. Considera a Xunta de Galicia que a atención sanitaria aos veciños e veciñas de Meis foi satisfactoria durante os meses de verán?
2. Ten previsto a Xunta de Galicia revisar a súa política de recursos humanos para tratar de mellorar a planificación de substitucións de persoal?



3. Pode garantir a Xunta de Galicia que non volverá a ocorrer unha situación semellante en Meis que impide ofrecer unha atención sanitaria en condicións e sen saturar aos profesionais en exercicio?

Pazo do Parlamento, 17 de setembro de 2019

Asdo.: Julio Torrado Quintela
Noela Blanco Rodríguez
Deputado e deputada do G.P. dos Socialistas de Galicia

Asinado dixitalmente por:

Julio Torrado Quintela na data 17/09/2019 13:08:20

Noela Blanco Rodríguez na data 17/09/2019 13:08:31



Á Mesa do Parlamento

Matilde Begoña Rodríguez Rumbo, Xoaquín Fernández Leiceaga e José Manuel Pérez Seco, deputadas e deputados pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta escrita.

O Grupo Ferroatlántica SAU, filial ao 100 % de Ferroglobe plc acordou a venda do 100 % da sociedade Ferroatlántica SAU (FAT-Xallas) que contén as fábricas de Cee e de Dumbría xunto coas centrais hidroeléctricas dos ríos Xallas e Grande.

Polo que FAT-Xallas pasa a ser unha empresa independente do grupo Ferroatlántica, sendo a responsable das operacións das fábricas de Cee e Dumbría e das centrais hidroeléctricas, non supoñendo, polo tanto, ningún cambio en canto a dereitos e obrigas e, en particular, sobre o centro de traballo formado polas ditas fábricas e as centrais hidroeléctricas. A titularidade dos dereitos concesionarios levan aparelados unha serie de condicións incluídas nas correspondentes resolucións administrativas:

O réxime de cotitularidade non poderá ser alterado sen previa e expresa autorización administrativa.

Non se poderán segregas de Ferroatlántica S.L, as actividades de produción de enerxía eléctrica e ferroalixas polas centrais ás que se refire a autorización.

Como causa de extinción recóllese a perda por parte de Ferroatlántica S.L, da súa condición de cotitular dos aproveitamentos.

Por iso a deputada e os deputados que asinan solicitan en resposta escrita contestación ás seguintes preguntas:

1ª) Coñece o Goberno galego o contido do acordo entre o grupo Ferroatlántica e Ithaka Partners, S.L?

2ª) Considera o Goberno galego que ese acordo debe ser obxecto de autorización administrativa previa?

3ª) Considera o Goberno galego que se cumpren na súa integridade condicións establecidas nas condicións de concesión?

Pazo do Parlamento, 16 de setembro de 2019





Asinado dixitalmente por:

Matilde Begoña Rodríguez Rumbo na data 17/09/2019 16:56:24

Xoaquín María Fernández Leiceaga na data 17/09/2019 16:56:43

Jóse Manuel Pérez Seco na data 17/09/2019 16:57:05





BLOQUE
NACIONALISTA
GALLEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Olalla Rodil Fernández, Luis Bará Torres, Ana Pontón Mondelo, Xosé Luis Rivas Cruz, Montserrat Prado Cores e Noa Presas Bergantiños, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, sobre o estado das obras de construción do novo centro de saúde no concello do Saviñao.

A veciñanza do concello do Saviñao leva anos agardando pola construción dun novo centro de saúde. Un proxecto comprometido pola Xunta de Galiza mais que acumula unha década de retrasos.

En febreiro de 2018 o Grupo parlamentario do BNG impulsou un acordo unánime no Parlamento para instar o Goberno galego a cumprir os seus compromisos e que a construción do centro de saúde se levase a cabo antes de finalizar a X Lexislatura. Meses máis tarde e en resposta a unha pregunta escrita formulada polo grupo nacionalista, a Xunta de Galiza sinalou que a obra foi licitada en decembro de 2018 fixando un prazo de execución da mesma de 12 meses por un importe de 1.138.455,05 euros con IVE.

En marzo de 2019, a través da Axencia Galega de Infraestruturas, a Xunta adxudica a obra á empresa COPCISA S.A. que iniciou as obras en xuño deste





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

ano. Porén, aos poucos días estas foron paralizadas por un embolsamento de auga.

Por todo o exposto con anterioridade formulamos as seguintes preguntas para resposta escrita:

- En que estado se atopan actualmente as obras de construción do novo centro de saúde do concello do Saviñao?
- A que se debeu a súa paralización ao pouco de iniciar a cimentación?
- Que medidas ten adoptado ou pensa adoptar a Xunta de Galiza ao respecto?
- Cre o Goberno galego que o centro de saúde estará rematado no prazo previsto e con todas as garantías?

Santiago de Compostela, 17 de setembro de 2019

Asdo.: **Olalla Rodil Fernández**

Luis Bará Torres

Noa Presas Bergantiños

Montserrat Prado Cores





BLOQUE
NACIONALISTA
GALLEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Xosé Luis Rivas Cruz

Ana Pontón Mondelo

Deputadas e deputados do G.P. do BNG

Asinado dixitalmente por:

Olalla Rodil Fernández na data 17/09/2019 17:55:24

Xosé Luis Bará Torres na data 17/09/2019 17:55:32

María Montserrat Prado Cores na data 17/09/2019 17:55:37

Noa Presas Bergantiños na data 17/09/2019 17:55:46

Xose Luis Rivas Cruz na data 17/09/2019 17:55:54

Ana Pontón Mondelo na data 17/09/2019 17:56:02





BLOQUE
NACIONALISTA
GALLEGO

OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Olalla Rodil Fernández, Luis Bará Torres, Ana Pontón Mondelo, Xosé Luis Rivas Cruz, Montserrat Prado Cores e Noa Presas Bergantiños, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, sobre a implantación da coeducación nos centros de ensino público de Galiza e as medidas que debe adoptar a Xunta de Galiza ao respecto.

“A coeducación é un estilo educativo, un proceso de transformación social que apunta a unha convivencia entre os sexos afastada da opresión mutua e tendente a unha relación de xustiza e respecto e en interese dunha formación integral e unha efectiva igualdade de oportunidades entre homes e mulleres”.

Así define a coeducación o I Plan de actuacións para a Igualdade nos centros educativos de Galiza 2016-2020 que sitúa como primeiro dos seus eixos “afondar no modelo de coeducación e introducir a perspectiva de xénero nas dinámicas educativas”.

Porén, malia que a Lei 11/2007 galega de prevención e tratamento integral da violencia machista exige a elaboración por parte do Consello escolar de Galiza, en colaboración co departamento da Xunta competente en materia de igualdade, dun informe anual sobre a situación da coeducación e a prevención da violencia de xénero nos centros educativos de Galiza (artigo 22.3), este non se ten feito.

Neste senso, descoñécese cal é a realidade concreta da implantación dun ensino realmente coeducativo no noso país, cantos centros contan con Plans de igualdade e





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

cantos con persoas e/ou equipas que traballen de maneira integral neste ámbito coordinando as actividades en igualdade e coeducación.

Para o Bloque Nacionalista Galego o sistema educativo é un espazo chave na loita contra a violencia machista e a prol dunha sociedade xusta e democrática na que ningunha persoa sexa discriminada por razón de sexo, identidade de xénero ou orientación sexual.

Por todo o exposto anteriormente formulamos as seguintes preguntas para resposta escrita:

- Cantos centros de ensino galego contan con plans de igualdade?
- Cantos centros de ensino contan cunha persoa responsábel e/ou unha equipa que coordine as actividades en materia de igualdade e coeducación?
- Con que orzamento e recursos (materiais e humanos) contan os centros para desenvolver accións nesta materia?
- Que valoración fai a Xunta de Galiza do grao de implantación da coeducación no noso país?
- Coida o Goberno galego compatíbel financiar centros que segregan o alumnado por sexo nas aulas coa promoción da coeducación?

Santiago de Compostela, 17 de setembro de 2019





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Asdo.: **Olalla Rodil Fernández**

Luis Bará Torres

Noa Presas Bergantiños

Xosé Luis Rivas Cruz

Montserrat Prado Cores

Ana Pontón Mondelo

Deputadas e deputados do G.P. do BNG

Asinado dixitalmente por:

Olalla Rodil Fernández na data 17/09/2019 18:35:04

Xosé Luis Bará Torres na data 17/09/2019 18:35:13

María Montserrat Prado Cores na data 17/09/2019 18:35:18

Noa Presas Bergantiños na data 17/09/2019 18:35:25

Xose Luis Rivas Cruz na data 17/09/2019 18:35:34

Ana Pontón Mondelo na data 17/09/2019 18:35:41



Á Mesa do Parlamento

Concepción Burgo López, José Manuel Pérez Seco e Luis Manuel Álvarez Martínez, deputada e deputados pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **Pregunta para a súa resposta escrita**.

En xuño de 2018 foi firmado un convenio de colaboración entre a Axencia de Turismo de Galicia e a catedral de Santiago polo que a dita Axencia, dependente da Consellería de Cultura e Turismo, sufragaba con 210.000 euro un libro compilatorio sobre a *Domus Iacobi* que quere realizar a propia catedral.

Segundo as cláusulas do convenio todo o desenvolvemento desta obra, que contará con dou tomos queda totalmente en mans da catedral de Santiago, sen especificar que persoa a dirixe. Tampouco sabemos quen é a equipa de oito historiadores e historiadoras da arte, un teólogo e un investigador museolóxico que participan.

Nestas datas deberían estar finalizados as dúas primeiras fases da elaboración do primeiro tomo, os estudos dos participantes e varios seminarios que se prevían para xaneiro-abril de 2019, e a primeira fase do segundo.

O orzamento total, como dicíamos, é de 210.000 euros que aportará a Axencia de Turismo en tres anualidades, 2018, 2019 e 2020.

Chama a atención que este elevadísimo orzamento non estea desglosado. Non sabemos quen vai a confeccionar a obra nin canto van cobrar os autores, como será a edición, o número de exemplares que se imprimirán nin canto custarán, entre outros moitos elementos, e chama a atención tamén que aportando 210.000 euros, que equivalen aproximadamente a dez anos de axudas da Xunta de Galicia a un grupo de investigación de excelencia en humanidades, a Consellería de Cultura non teña un responsable propio que supervise a calidade científica dunha obra deste prezo.

Polo exposto, a deputada e deputados asinantes formulan as seguintes preguntas:

- 1.ª) Cal é a situación actual desta edición sobre a catedral de Santiago?
- 2.ª) Que expertos participan nesta obra?



- 3.^a) Participou a Xunta de Galicia na decisión de que expertos deben participar na redacción desta obra?
- 4.^a) Hai algún responsable da Consellería de Cultura e Turismo supervisando a realización desta obra dende os puntos de vista científicos e económicos?
- 5.^a) Cal é o desglose do gasto en partidas do orzamento final?
- 6.^a) Cantos exemplares serán editados?
- 7.^a) Cal será o prezo final de cada un?
- 8.^a) Quen é o director ou directora desta edición?
- 9.^a) Baixo que criterios aceptou a Consellería de Cultura e Turismo sufragar esta obra con unha cantidade de diñeiro tan elevada?

Pazo do Parlamento, 18 de setembro de 2019

Asdo.: Concepción Burgo López
José Manuel Pérez Seco

Luis Manuel Álvarez Martínez

Deputada e deputados do G.P. dos Socialistas de Galicia

Asinado dixitalmente por:

Maria de la Concepción Burgo López na data 18/09/2019 12:51:48

Jóse Manuel Pérez Seco na data 18/09/2019 12:52:34

Luis Manuel Álvarez Martínez na data 18/09/2019 12:52:55



Á MESA DO PARLAMENTO

Paula Vázquez Verao, deputada pertencente ao **Grupo Parlamentario Mixto**, ao abeiro do disposto no artigo 157 do Regulamento da Cámara, presenta a seguinte **Pregunta** para a súa resposta **escrita**.

Unha cidadá denunciou que o domingo 15 de setembro de 2019 no PAC de Palas de Rei só había unha equipa médica completa, co cal, ao ter que atender a única profesional médica domicilios, houbo agardas de horas.

O PAC de Palas de Rei presta servizo aos Concellos da Comarca da Ulloa (Antas de Ulla, Monterroso e Palas de Rei), funcionando as 24 h en atención continuada, atendendo tamén a atención sanitaria que precisen as e os peregrinos das rutas francesa e primitiva que pasan pola zona.

O centro de saúde de Palas de Rei conta con 4 especialistas de Medicina Xeral.

A comarca da Ulloa ten unha poboación de 9.089 habitantes (2018), da cal máis do 36% ten máis de 65 anos.

Polo exposto, a deputada que subscribe formula a seguinte pregunta á Xunta de Galicia, para a súa resposta escrita:

- Cal é a dotación de persoal do PAC de Palas de Rei?
- Cal é o cupo de poboación que atenden os e as profesionais de medicina do CS de Palas de Rei?
- Considera o Sergas axeitada a dotación do PAC e do Centro de Saúde de Palas de Rei?
- Ten o Sergas contabilizado o volume de consultas de peregrinos/as por parte do PAC de Palas de Rei?



Santiago de Compostela, 18 de setembro de 2019.

Asdo.: Paula Vázquez Verao

Deputada do G.P. Mixto

Asinado dixitalmente por:

Paula Vázquez Verao na data 18/09/2019 13:02:33



Á Mesa do Parlamento

María Teresa Porritt Lueiro, Patricia Vilán Lorenzo, Luis Manuel Álvarez Martínez e María Luisa Pierres López, deputadas e deputado pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta escrita.

O concello de Ribeira conseguiu a distinción de municipio de interese turístico no ano 2001.

Segundo declaracións do seu alcalde o proxecto Ribeira Atlántica 2020, prolongación do Ribeira Atlántica 2015, modernizaría a cidade. Este proxecto estaba, baseado en catro alicerces, sendo os seus eixos básicos a accesibilidade, o turismo e o desenvolvemento de zonas atrasadas.

Os alicerces, segundo e terceiro, referíanse a unha *Ribeira Eficiente* cuxo obxectivo era abrir a cidade ao mar para mellorar a calidade de vida e a mobilidade, cun investimento de 1,5 millóns (25 %), e a unha Ribeira turística enfocada a poñer en valor o seu patrimonio cultural e natural e a humanización da contorna urbana e industrial con 1,6 millóns de euros de orzamento (27 %).

Na presentación do dito proxecto o propio alcalde manifestou que o turismo é unha prioridade no seo do equipo de goberno. «para que Ribeira despegue definitivamente no eido turístico baseándose nos seus recursos diferenciais relacionados coa natureza (flora e fauna protexida), ou mar (océano Atlántico e ría de Arousa) e a gastronomía (conserveiras, pesca de baixura, festas e xornadas culinarias)».

Este proxecto foi financiado pola Unión Europea, mediante os Fondos Europeos de Desenvolvemento Rexional (Feder) con algo máis de cinco millóns de euros para a súa posta en marcha (algo máis do 70 %). Entre as súas actuacións atopábase a construción dun paseo marítimo-terrestre polo bordo do litoral de Ribeira.

Na actualidade o espazo natural e cultural recuperado na praia do Castro en Punta Castiñeiras está a verse ameazado pola construción dunha depuradora de mariscos no seu porto. Esta actuación provocou e provoca o malestar da veciñanza de Castiñeiras, xa que se atopa no enclave do parque e das praias de Castiñeiras.



Cómpre salientar que a área de afección do proxecto é considerada de Fraxilidade paisaxística pola súa localización e debido tamén á proximidade de espazos de interese natural protexidos, como o Parque Nacional das Illas Atlánticas de Galicia e o parque natural do complexo dunar de Corrubedo e lagoas de Carregal e Vixán.

O día 20 de maio de 2014 a empresa, Triñanes e Pego, presenta solicitude de concesión e desde Portos comunícanlle que a documentación que presentou está incompleta e solicítanlle a que debe achegar.

Desde o primeiro momento comezan a darse unha serie de presuntas irregularidades que se prolongan no tempo e que ao noso entender non teñen un encadre legal.

Ante esta situación as deputadas e o deputado que asinan solicitan en resposta escrita contestación ás seguintes preguntas:

- 1ª) Valorou a Xunta de Galicia, ante o malestar xerado na veciñanza, a posibilidade de instalar a depuradora noutro enclave?
- 2ª) Conta este proxecto cos informes favorables e licencias esixidos pola normativa vixente?
- 3ª) Ten a área afectada a consideración de fraxilidade paisaxística? Se for o caso, Cre a Xunta de Galicia que a instalación respecta esa cualificación?
- 4ª) Debería ter o proxecto unha Avaliación de Impacto Ambiental, se for o caso, conta con ela?
- 5ª) Cales son as razóns que xustificaron as continuas prorrogas por parte de Portos de Galicia aos prazos legalmente establecidos?
- 6ª) Considera a Xunta de Galicia que a actuación administrativa respecta o procedemento legalmente establecido?

Pazo do Parlamento, 17 de setembro de 2019

Asinado dixitalmente por:





María Teresa Porrirt Lueiro na data 17/09/2019 16:36:23

Patricia Vilán Lorenzo na data 17/09/2019 16:36:32

Luis Manuel Álvarez Martínez na data 17/09/2019 16:36:47

María Luisa Pierres López na data 17/09/2019 16:37:02



Á MESA DO PARLAMENTO

Davide Rodríguez Estévez, Luís Villares Naveira, Francisco Casal Vidal e Paula Vázquez Verao, deputados e deputada pertencentes ao **Grupo Parlamentario Mixto**, ao abeiro do disposto no artigo 157 do Regulamento da Cámara, presentan a seguinte **Pregunta** para a súa resposta **escrita**.

O Parque da Natureza do Lago Castiñeiras está situado no outeiro do monte San Xulián, en Cotorredondo (Pontevedra).

Emprazado na zona central da Península do Morrazo, pertence a dous termos municipais: Concello de Marín (na parte Norte) e Concello de Vilaboa (cara ó Sur). Ocupa na actualidade unha superficie de 70 Ha, e se atopa a unha altitude media de 400 m. sobre o nivel do mar.

No parque existen interesantes xacementos arqueolóxicos do período Megalítico e da Idade do Bronce, como mámoas e petróglifos, que conforman o chamado “Chan de Castiñeiras”, presidido pola “Mámoa do Rei”, unha das máis grandes de Galicia, recentemente restaurada.

O Parque constitúe unha importante zona de refuxio e cría para centos de especies de animais silvestres. No lago crían de xeito estable parrulos, e os regatos que o alimentan e a xunqueira acollen zonas preservadas para a cría de numerosos anfibios.

Os réptiles están representados en gran variedade de especies de lagartos, lagartixas cobras e luciós.

Un contorno forestal diverso atrae a dúcias de especies de aves en todas as épocas do ano, e son cada vez máis frecuentes as visitas de mamíferos que nos deixan o sinal do seu paso nas pegadas e rastros que podemos atopar.

No interior do parque pódense atopar máis de 40 especies diferentes de árbores e arbustos, así como plantas, feitos, musgos, liques, fungos e algúns cogomelos.



Destacan exemplares de grande interese botánico que forman unha complexa e harmonica rede de microsistemas forestais.

No Parque da Natureza de Cotorredondo e a Lagoa Castiñeiras, desenvólvese dende fai trinta anos un Proxecto de Educación Ambiental e Interpretación do Patrimonio, aberto durante todo o ano.

Dirixido a grupos organizados, pertencentes tanto ó sistema educativo como a calquera outro colectivo que o demande, facendo actividades que van dende encontros coa natureza ou a humanidade e natureza a través do tempo, ata itinerarios ambientais estacionais ou rastros do bosque (pegadas, rastros e sinais).

O longo deste ano, ocorreron unha serie de desfeitas medioambientais que nos preocupan e moito, non só polo estrago medio ambiental que alá se consentiu, senón tamén polo cambio das actividades respectuosas co medio que alá se estaban a desenrolar.

Ducias de pistas feitas “*ad hoc*” para a práctica de descenso de mountain bike, están a estragar este fermoso paraxe, non só medio ambientalmente, senón que incluso imposibilitan a práctica con normalidade de actividades que alá se fan como pode ser o sendeirismo.

O propio Concello de Marín foi o promotor dun roteiro que a día de hoxe está atravesado polo circuito de BTT, algo altamente perigoso para os/as practicantes que van a pe.

Na propia execución das pistas houbo movementos de terra moi grandes (posiblemente coa chegada das choivas se produzan escorrentías), cortáronse árbores, craváronse sinais en patrimonio natural, así como o abandono de múltiple material como poden ser palots de obra ou bidóns baleiros.

Estando a favor da práctica do deporte, esta nunca ten que ir en contra do noso medio natural, senón que ten que ser todo o contrario. Deporte...por suposto, pero co máximo respecto o medio.

Calquera celebración dun acto neste entorno, debe de desenrolarse mediante orde, estando suxeito ao correspondente instrumento de planificación, ordenación ou xestión do mesmo.

A propia Lei 7/2012, do 28 de xuño, de montes de Galicia, no seu artigo 88 di:



1. A Administración forestal e os propietarios poderán fomentar a creación e a mellora de montes periurbanos para fins sociais e educativos, e regularán o seu gozo baixo o principio do respecto ao medio natural.

2. A realización de actos, incluíndo os deportivos de motor, que leven consigo unha afluencia de público indeterminada ou extraordinaria, ou de actividades relacionadas co tránsito motorizado, desenvolverase mediante orde e estarán suxeitos ao disposto no correspondente instrumento de planificación, ordenación ou xestión. Na ausencia do dito instrumento, será solicitada a autorización da Administración forestal polo promotor do acto ou da actividade, que deberá acreditar a autorización expresa do titular. O promotor será o responsable de toda incidencia, dano ou prexuízo que poida producirse.

A solicitude de autorización farase cun prazo mínimo de tres meses antes do desenvolvemento do acto ou da actividade. O prazo para outorgar esta autorización administrativa será de dous meses, transcorridos os cales sen que se dite resolución expresa entenderase estimada a solicitude.

Nos montes incluídos na Rede de Espazos Naturais Protexidos de Galicia, así como, en todo caso, na realización de actos relacionados coa caza ou coa pesca fluvial, as autorizacións serán competencia, nos mesmos termos, do órgano competente en materia de conservación da natureza.

3. Deberanse manter os montes limpos de residuos, quedando prohibidos a vertedura ou o abandono de residuos, materiais ou produtos de calquera natureza en montes ou terreos forestais. As persoas responsables das verteduras e do abandono de residuos veranse obrigadas á súa recolla e retirada e á restauración dos terreos afectados, sen prexuízo da indemnización que se poida reclamar polos danos causados. Non terán consideración de residuo os restos forestais producidos como consecuencia das actividades silvícolas. As administracións competentes poderán executar a súa recolla e repercutirán os custos que esta poida ter nas persoas responsables.

4. Para a sinalización, prohíbese cravar ou esgazar con calquera elemento, manual ou mecánico, as árbores de forma tal que se lles produzan dano ou feridas, agás aquelas que se produzan como consecuencia dos labores de sinalamento para o seu posterior aproveitamento.



Visto que a día de hoxe se seguen a realizar estas prácticas deportivas non respectuosas co medio natural no Parque da Natureza de Cotorredondo, dende o Grupo Parlamentario Mixto realizamos as seguintes preguntas para a súa resposta escrita:

1. É coñecedora a Consellería de Medio Ambiente das obras de acondicionamento dunha pista de Bike Park nas instalacións do citado parque da natureza?
2. É coñecedora a Consellería de Medio Ambiente do resto de materiais que quedaron tirados pola contorna o remate da creación da pista?
3. É coñecedora a Consellería de Medio Ambiente dos danos que sufriron árbores ou outros elementos naturais o ser utilizados para cravar carteis ou outros elementos?
4. Posúen os promotores destas obras dos pertinentes permisos para a execución das obras do circuito?
5. Posúen os promotores das diferentes probas de BTT que alá se realizan dos pertinentes permisos para a realización das mesmas?

Santiago de Compostela, 18 de setembro de 2019.

Asdo.: Davide Rodríguez Estévez
Luís Villares Naveira
Francisco Casal Vidal
Paula Vázquez Verao
Deputados e deputada do G.P. Mixto

Asinado dixitalmente por:

David Rodríguez Estévez na data 18/09/2019 13:58:18





Luis Villares Naveira na data 18/09/2019 13:58:36

Francisco Casal Vidal na data 18/09/2019 13:58:46

Paula Vázquez Verao na data 18/09/2019 13:59:02



Á Mesa do Parlamento

Julio Torrado Quintela e Noela Blanco Rodríguez, deputado e deputada pertencentes ao **Grupo Parlamentario dos Socialistas de Galicia**, presentan ante esa Mesa a seguinte **pregunta** para a súa resposta **por escrito**.

Os meses de verán tenden a xerar certas dificultades de xestión no sistema sanitario pola necesidade de conxugar as vacacións do persoal que traballa regularmente no sistema coa calidade asistencial que se precisa para dar servizo á cidadanía. En todo caso, a previsibilidade dos cadros horarios e de quendas dos/as profesionais manéxase con tempo de antelación para que os responsables de xestión poidan desenvolver as previsións axeitadas.

No caso específico da atención primaria en centros de saúde e de atención urxente nos PAC, a situación debe regularse por normativas estandarizadas preexistentes, que delimitan o volume de profesionais necesario para cada centro sanitario, así como as dotacións de equipos e materiais no caso da atención urxente.

De maneira específica, semella natural ter en conta os fluxos poboacionais existentes no verán, que tenden a desprazarse cara poboacións de costa, nomeadamente as máis destacadas en termos turísticos. A isto súmanse as celebracións específicas de cada localidade/zona e os eventos culturais ou deportivos, tamén moi presentes nestas épocas e, especialmente, nos lugares xa sinalados de maneira turística. A comarca de O Salnés conta con varios puntos de acumulación de poboación de maneira notoria durante o verán, é un entorno que precisa especial atención durante estas situacións, para que o sistema de saúde poida dar as respostas necesarias no caso de necesitalas.

Non en tanto, este verán de 2019 resultou ser o máis caótico e desorganizado que se lembra na xestión do sistema público de saúde. Existen numerosos exemplos que sinalan unha falta de previsión e un resultado nefasto da política de recortes do Goberno de Núñez Feijoo á fronte da Xunta de Galicia. O centro de saúde de O Grove sufriu a ausencia nalgunha ocasión de ata 5 dos 6 médicos/médicas que



teñen praza, o que imposibilita que 1 soa persoa poida afrontar o traballo de 6. Existiron ocasións diversas no verán onde o PAC de Vilagarcía contou con soamente 1 facultativo/a cando debera ter 3 debido ao volume de poboación que atende. Isto provocou que o PAC quedara varias veces sen facultativo/a presente ante a chegada de cidadáns, por ter que ter saído a unha urxencia. Notorio é o caso do PAC de Baltar (Portonovo), que convértese no PAC de referencia para un volume de poboación dos maiores de Galicia no verán, e que veu como incluso a falta de previsión levou a que algún profesional de PAC próximos tivera que deixar a súa praza nalgún día para trasladarse durante a quenda a Baltar.

A estas deficiencias súmanse as necesidades nunca resoltas en termos de infraestruturas, coas reivindicacións dos necesarios centros de saúde de O Grove, Vilagarcía (e o moi próximo de Caldas, que repercute tamén na atención dalgúns veciños da comarca). Tamén as demandas sobre unha correcta dotación de recursos materiais no servizo de urxencias, como é a dotación dunha ambulancia medicalizada completa e totalmente dotada de material e recursos humanos, son un debate eterno no que a Consellería de Sanidade da Xunta de Galicia segue a dar as costas aos veciños e veciñas de O Salnés.

A tremendamente deficiente cobertura das baixas e vacacións (practicamente nula) deixa en problemas a calidade asistencial, así como os recortes de persoal nos centros de saúde, xa que os pacientes que non son atendidos a tempo no horario estandarizado (por estar os/as profesionais saturados ao ter que asumir os cupos dos ausentes) acoden ao PAC recargando o volume asistencial.

Durante os últimos 10 anos, o goberno de Núñez Feijoo á fronte da Xunta de Galicia deixou de solicitar ata 150 prazas de formación MIR para especialistas en medicina de familia e comunitaria, o que sumado á deficiente política de Recursos Humanos que paralizou os acordos de progresiva mellora das condicións laborais contribuíu, indubidablemente, a que Galicia se converta nunha das comunidades autónomas de España que peores condicións ofrece aos



profesionais sanitarios. Esta situación provocou a conseguinte perda de capacidade para reter facultativos, profesionais de enfermería, auxiliares, etc.

Por todo o exposto, o deputado e a deputada que asinan formulan as seguintes preguntas para a súa resposta escrita:

1. Como valora a Xunta de Galicia a atención primaria para o verán 2019 na comarca de O Salnés?
2. Considera a Xunta de Galicia que as saturacións de pacientes por profesional son aceptables?
3. Como valoraría a Xunta de Galicia a existencia agora de 150 profesionais de medicina de familia e comunitaria se os tivera formados agora para reforzar o sistema sanitario público?
4. Ten a Xunta de Galicia contratados de maneira estable a todos/as facultativos/as de atención primaria e PAC posibles para dar servizo no sistema sanitario público?

Pazo do Parlamento, 18 de setembro de 2019

Asdo.: Julio Torrado Quintela
Noela Blanco Rodríguez
Deputado e deputada do G.P. dos Socialistas de Galicia

Asinado dixitalmente por:

Julio Torrado Quintela na data 18/09/2019 17:45:48

Noela Blanco Rodríguez na data 18/09/2019 17:45:58





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Noa Presas Bergantiños, Ana Pontón Mondelo, Olalla Rodil Fernández, Xosé Luis Rivas Cruz, Montserrat Prado Cores e Luis Bará Torres, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, relativa ao cumprimento dos acordos parlamentarios relativos ás ameazas de deslocalización da empresa Unitono en Ourense que fornece servizos para Naturgy e ás actuacións que debe impulsar a Xunta de Galiza así como á valoración da compra por parte dun fondo chinés de investimento.

No mes de abril de 2019 o Grupo Parlamentar do Bloque Nacionalista Galego rexistrou unha batería de iniciativas ao ter coñecemento das ameazas de deslocalización da empresa Unitono de Ourense por derivarse carga de traballo a Reus e Colombia.

Unitono Contact Center é unha empresa situada no Parque Tecnolóxico de Ourense, no Polígono de San Cibrao, que opera en Ourense desde hai unha década, inicialmente nas proximidades do encoro de Velle para despois desprazarse á área industrial. É unha plataforma monocliente que traballa en exclusiva para Naturgy, antiga Gas Natural Fenosa. Neste momento hai 130 persoas traballando na plataforma, malia que noutros anos o cadro de persoal chegou a elevarse até 250 noutros momentos.

Desde hai algúns meses a perda de funcións así como a baixada de chamadas foron levantando as alertas por parte dos e das traballadoras, que reiteradamente demandaron explicacións á empresa. Porén, esta negou a situación e o máximo que



comprometeu no momento de asinar esta iniciativa foi poder asegurar dous meses sen tomar medidas contra as e os traballadores, cuestión de todo punto de vista inaceptábel.

Cómpre recordar que xa no ano 2013 esta plataforma de Unitono atravesou por unha situación complicada que culminou un ERTE despois do que, grazas ao sobre esforzo do cadro de persoal, a empresa continuou a súa actividade. No mes de abril o Comité coñeceu como viña de abrir unha nova Plataforma en Reus e estaban a desviar carga de traballo para alí e para Colombia, e mesmo atoparon ofertas de emprego en portais de internet onde incluso valoraban positivamente o coñecemento de galego. Esta situación confirmou as sospeitas do Comité de empresa, que iniciou mobilizacións e contactos con todo tipo de colectivos, partidos políticos e institucións.

O BNG impulsou iniciativas de diversa índole, tamén no Parlamento Galego, impulsando no Pleno deste un acordo unánime froito da xenerosidade de todos os grupos o pasado 30 de abril de 2019 co seguinte texto:

“O Parlamento de Galiza insta ao Goberno galego as seguintes actuacións:

1.- Realizar as xestións oportunas co fin de determinar as razóns das intencións de deslocalización e a situación da empresa en Ourense e poñer a disposición a colaboración da Xunta de Galicia coa finalidade de manter a actividade da empresa Unitono na súa plataforma situada no Parque Tecnolóxico de Ourense.

2.- Realizar as xestións con Gas Natural Fenosa-Naturgy a fin de exixir que garanta a carga de traballo necesaria para o mantemento da empresa e dos postos de traballo actualmente existentes.

3.- Constituír unha mesa de traballo plural na que se garanta a representación do Comité de Empresa, coa finalidade de desenvolver a colaboración para as actuacións





BLOQUE
NACIONALISTA
GALLEGO

OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

necesarias para asegurar carga de traballo para manter a actividade e os postos de traballo, evitando deste xeito a súa deslocalización.

4.- Presentar no actual período de sesións un estudo onde se analice a situación do sector dos centros de chamadas así como as necesidades para garantir a súa viabilidade, o seu futuro e o emprego en Galiza.”

Ademais de incumprir estes acordos, a Xunta de Galiza continúa coa súa estratexia de ouvidos xordos e de practicar a desregulación. Neste contexto, no mes de setembro coñeceuse a compra de Unitono por parte dun fondo chinés, o que engade nova preocupación.

Por todos estes motivos, o Grupo Parlamentar do Bloque Nacionalista Galego considera necesario o compromiso da Xunta de Galiza a prol do mantemento dos postos de traballo e considera que unha eventual deslocalización desta empresa sería especialmente grave, e por iso fórmulanse as seguintes preguntas para resposta escrita:

Vai facer a Xunta de Galiza algo distinto a ignorar a situación respecto do futuro de Unitono en Ourense?

Vaise dirixir o goberno galego a Naturgy para negocie con Unitono o mantemento da actividade e postos de traballo da empresa en Ourense?

Que actuacións levou a cabo o goberno galego para cumprir os acordos citados?

Como valora a operación de compra?

E a baixada de chamadas do sector enerxético?





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Cando constituíu a mesa de traballo? Con que resultado? Como valora o seu funcionamento?

Que actuacións vai levar a cabo o goberno galego para garantir o mantemento da actividade e postos de traballo da empresa Unitono en Ourense?

Ten contactado o goberno galego con Naturgy? Con que resultados?

Considera o goberno galego que hai risco de deslocalización? E dun ERE?

Parécelle racional á Xunta de Galiza que a compañía eléctrica explote os recursos naturais galegos e ourensáns e que despois deslocalice todo o emprego auxiliar posíbel? Que ten feito para evitalo?

Considera o goberno que a inexistencia dun marco galego de relacións laborais no que inserir as negociacións dos centros de chamadas galegos é un problema? Demandará que isto mude?

Pensa desenvolver o goberno galego algún Plan concreto no sector dos centros de chamadas para garantir o mantemento en Galiza dos postos de traballo? Con que directrices?

Como valora a situación dos dereitos lingüísticos das e dos usuarios do noso país? Considera que están garantidos? Porque o goberno galego non fomenta que esta sexa unha vía de creación de emprego? Que vai facer para que a proximidade coa lusofonía sexa tamén unha vantaxe competitiva?

Alén de en Unitono recentemente temos visto problemas e crises en Extel, Bosch, Vodafone... ten previsto realizar algún estudo para analizar a situación do sector así como as necesidades para garantir a súa viabilidade e o seu futuro?





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

E unha mesa de negociación galega a prol do sector do telemarketing? Cales son as razóns?

Santiago de Compostela, 19 de setembro de 2019

Asdo.: **Noa Presas Bergantiños**

Luis Bará Torres

Olalla Rodil Fernández

Xosé Luis Rivas Cruz

Montserrat Prado Cores

Ana Pontón Mondelo

Deputadas e deputados do G.P. do BNG

Asinado dixitalmente por:

Noa Presas Bergantiños na data 19/09/2019 12:35:08

Xosé Luis Bará Torres na data 19/09/2019 12:35:17

María Montserrat Prado Cores na data 19/09/2019 12:35:24

Olalla Rodil Fernández na data 19/09/2019 12:35:32





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Xose Luis Rivas Cruz na data 19/09/2019 12:35:41

Ana Pontón Mondelo na data 19/09/2019 12:35:48





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Noa Presas Bergantiños, Ana Pontón Mondelo, Olalla Rodil Fernández, Xosé Luis Rivas Cruz, Montserrat Prado Cores e Luis Bará Torres, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**.

Un dos elementos fundamentais para a loita contra a violencia machista é o coñecemento e a investigación deste fenómeno consecuencia da desigualdade da muller na sociedade e da vixencia do sistema patriarcal. Así o contempla a lexislación galega na materia, recollendo na Lei 11/2007, do 27 de xullo, galega para a prevención e o tratamento integral da violencia de xénero en varios dos seus apartados.

De forma concreta no Capítulo II recóllense as Medidas de investigación e de formación en materia de violencia de xénero a través dos puntos do Artigo 12.- Potenciación da investigación sobre a violencia de xénero:

1. A Xunta de Galicia, a través do departamento competente en materia de igualdade, en colaboración cos restantes departamentos da Administración autonómica, potenciará nas universidades galegas e noutros entes, espazos ou organismos, a investigación sobre as causas e consecuencias da violencia de xénero, así como sobre os medios necesarios para evitala, o grao de sensibilización da sociedade ante ela e os medios necesarios para o seu tratamento. Neste sentido articularanse medidas de apoio á elaboración de teses de doutoramento e cátedras específicas que versen sobre o estudo da violencia contra as mulleres e os principios que inspiran esta lei.





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

2. Igualmente, a Xunta de Galicia difundirá o resultado dos estudos e das investigacións que se consideren de interese. A difusión realizarase de xeito universal e gratuíto, e terá en conta a utilización das tecnoloxías da información e da comunicación.

Nesta lexislatura, membros do goberno galego manifestaron a intención de desenvolver unha macroenquisa sobre esta cuestión. Isto tamén se recolleu en varios acordos parlamentares impulsados por diferentes grupos. Por exemplo, a Comisión 5ª, Sanidade, Política Social e Emprego, na súa sesión do 12 de abril de 2018, adoptou un acordo favorable respecto da iniciativa 28312 (10/PNC-002223) do Grupo Parlamentario Popular de Galicia que contemplaba “Elaborar una macroenquisa galega sobre a incidencia da violencia de xénero ao longo do ciclo da vida das persoas”. Así mesmo, esta cuestión revalidouse nunha moción do Grupo dos Socialistas de Galicia 45124 (10/MOC-000123) na que se prevía o seu inicio para o primeiro semestre de 2019. Tamén foi unha cuestión que os grupos incorporaron mediante emendas a iniciativas deste Grupo. Pódese afirmar, polo tanto, que malia as diferenzas políticas que poidan existir hai un consenso sobre que ese estudo é unha necesidade e é positivo.

Nestes momentos nada coñecemos a este respecto, por estes motivos fórmulanse as seguintes preguntas para resposta escrita:

Cal é a previsión do goberno galego respecto de que a nova macroenquisa de violencia sexa unha realidade?

Comezou a elaborarse? Con que estrutura e con que mostraxe?

Contempla as especificidades da violencia sexual? De que maneira?





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Cal é o instituto que a desenvolve? Contou con asesoramento da propia Xunta de Galiza en materia de xénero?

Como vai dar a coñecer os seus resultados? Encargará estudos de tipo cualitativo ao respecto? Á universidade ou a outro foro?

Considera o goberno galego unha necesidade estabilizala no tempo?

Santiago de Compostela, 19 de setembro de 2019

Asdo.: **Noa Presas Bergantiños**

Luis Bará Torres

Olalla Rodil Fernández

Xosé Luis Rivas Cruz

Montserrat Prado Cores

Ana Pontón Mondelo

Deputadas e deputados do G.P. do BNG

Asinado dixitalmente por:

Noa Presas Bergantiños na data 19/09/2019 12:52:43

Xosé Luis Bará Torres na data 19/09/2019 12:52:50





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

María Montserrat Prado Cores na data 19/09/2019 12:52:55

Olalla Rodil Fernández na data 19/09/2019 12:53:01

Xose Luis Rivas Cruz na data 19/09/2019 12:53:08

Ana Pontón Mondelo na data 19/09/2019 12:53:15



Á Mesa do Parlamento

José Manuel Pérez Seco, Matilde Begoña Rodríguez Rumbo e María Concepción Burgo López, deputado e deputadas pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta escrita.

Como é coñecido a Xunta de Galicia elaborou o Plan director do Camiño de Santiago 2015-2021, que segundo expón suporá unha ferramenta de xestión para a Xunta de Galicia e unha folla de ruta que marcará as directrices para favorecer a conservación e a protección do Camiño na nosa comunidade.

No seu apartado 7. *Plans de actuación e accións prioritarias*. Contémplase a liña estratéxica 3 -*Conservación e mantemento do Camiño de Santiago*- que recolle no punto 3.1 *mantemento viario, sinalización e seguridade viaria no Camiño de Santiago co obxectivo de planificar e consolidar un servizo de mantemento continuado do Camiño que axude á súa conservación e protección, así como establecer un plan de sinalización homoxéneo e garantir a seguridade viaria do peregrino no Camiño de Santiago*.

Calquera peregrino que veña a Galicia facendo o Camiño a Santiago atoparase cunha dobre frecha amarela, e moi poucos elementos de xuízo para decidir por que ruta seguir, os peregrinos deben poder elixir entre o camiño orixinal e o alternativo. Aínda que todas as alternativas son válidas; todas levan a Compostela. Unhas son máis longas e outras máis curtas; unhas bonitas e outras aínda máis.

A deficiente sinalización destas rutas alternativas fai que, nalgún caso os peregrinos se perdan sendo isto unha mala publicidade para o Camiño.

Por iso o deputado e as deputadas que asinan solicitan en resposta escrita contestación ás seguintes preguntas:

1ª) É coñecedora a Xunta de Galicia da mala sinalización das rutas alternativas no Camiño de Santiago?

2ª) En caso afirmativo, en que prazo vai mellorar a sinalización das rutas alternativas no Camiño de Santiago?

3ª) Ten a Xunta de Galicia algunha reclamación ou denuncia pola mala sinalización das rutas alternativas no Camiño de Santiago? Se for o caso, especificadas por concello e data.





Pazo do Parlamento, 18 de setembro de 2019

Asinado dixitalmente por:

Jóse Manuel Pérez Seco na data 19/09/2019 13:10:05

Matilde Begoña Rodríguez Rumbo na data 19/09/2019 13:10:21

Maria de la Concepción Burgo López na data 19/09/2019 13:10:39



Á Mesa do Parlamento

José Manuel Pérez Seco, Patricia Vilán Lorenzo, Luís Manuel Álvarez Martínez e María Luisa Pierres López, deputados e deputadas pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta escrita.

Os continuos estragos producidos polo xabaryl teñen como consecuencia un enorme incremento dos custes nas explotacións agrícolas e gandeiras profesionais que quedan, tanto no referido aos de alimentación como ás necesidades de cercas, tanto convencionais como eléctricas, provocando o abandono dos cultivos tradicionais, profesionais e a tempo parcial por falta de rendemento e desesperación das persoas titulares das explotacións.

Ante estes acontecementos, as persoas damnificadas estanse a dirixir aos concellos, como administracións máis próximas, expresando as súas inquedanzas por mor destes ataques que poñen en perigo a súa sustentabilidade económica.

Certamente a situación, de hoxe en día, ten como antecedentes o excesivo incremento da poboación dos xabarís, un mamífero con gran capacidade de desprazamento e adaptación a todo tipo de hábitats, todo iso facilitado polo abandono das terras e do medio rural, así como pola escasa incidencia do único depredador natural que ten, que é o lobo.

Esta realidade, non foi acompañada de medidas proporcionais e eficaces de control que permitan unha convivencia equilibrada e sostible desta especie animal con outras especies e coas actividades económicas, sociais e medioambientais do noso contorno.

Na Comisión 7ª do pasado 3 de setembro, este Grupo Parlamentario preguntaba se o Goberno galego tiña un censo actualizado do número de xabarís que hai en Galicia. E a resposta do director xeral de Gandería, Agricultura e Industrias Agroalimentarias, foi que os censos e as dinámicas poboacionais dos xabarís son competencia do Ministerio de Transición Ecolóxica e en todo caso das consellerías competentes na materia, no caso de Galicia da Consellería de Medio Ambiente Territorio e Vivenda.



Por iso os deputados e as deputadas que asinan solicitan en resposta escrita contestación á seguinte pregunta:

Ten o Goberno galego un censo actualizado do número de xabarís que hai en Galicia? De ser o caso, cantos e por provincia?

Pazo do Parlamento, 18 de setembro de 2019

Asinado dixitalmente por:

Jóse Manuel Pérez Seco na data 19/09/2019 13:17:53

Patricia Vilán Lorenzo na data 19/09/2019 13:18:08

Luis Manuel Álvarez Martínez na data 19/09/2019 13:18:36

María Luisa Pierres López na data 19/09/2019 13:18:49



Á Mesa do Parlamento

María Luisa Pierres López, Noela Blanco Rodríguez, Julio Torrado Quintela, Patricia Vilán Lorenzo e María Teresa Porritt Lueiro, deputadas e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa Mesa a seguinte **pregunta** para a súa resposta **por escrito**.

O Consello de Administración da Compañía de Radio-Televisión de Galicia aprobou por unanimidade, no Pleno ordinario celebrado o 2 de decembro de 2015, unhas recomendacións do Consello de Administración da CRTVG sobre o tratamento dos casos de violencia machista nos medios de comunicación públicos galegos. Estas recomendacións amplían e actualizan as que se aprobaran no mesmo órgano o 26 de outubro de 2010.

O documento sinala que os malos tratos e a violencia contra as mulleres constitúen un atentado contra o dereito á vida, a dignidade e a integridade física, psíquica e moral das vítimas. Trátase de delitos que non se poden presentar como un crime pasional.

No punto IV das recomendacións se sinala a importancia de non confundir o morbo co interese social. Así mesmo no punto VI apúntase o deber de vixiar o uso de testemuñas próximas ao agresor e/ou á vítima. Non todas as testemuñas son igualmente fiables, como tampouco se igualan en interese informativo. Se ben é certo que algúns achegan, outros confunden información con opinión e dilúen o foco do problema con valoracións subxectivas. Cómpre seleccionar testemuñas e testemuños con criterio.

Todo asasinato machista, como o triplo asasinato machista que aconteceu en Valga recentemente, conleva unha cobertura e interese mediático importante. E é necesario que esas informacións cumpran estritamente con esas recomendacións. Non é posible avanzar en igualdade se os propios medios públicos de comunicación dependentes da CRTVG transgreden as súas propias recomendacións.

Caer neste desleixo do cumprimento das recomendacións pode levar a unha revitimización da vítima que debe ser en todo momento evitado. É necesario esixir un tratamento serio, delicado e rigoroso que prime, ante todo, o respecto extremo perante as vítimas.



Como xa ten denunciado o propio colectivo Defende A Galega, as opinións dos veciños non achegan información; entrevistar a familiares do asasino para saber como se senten tampouco achega información, ambas circunstancias que se teñen repetido nestes días de cobertura mediática no entorno das vítimas de Valga.

O propio Colexio Oficial de Psicoloxía de Galicia a través dun comunicado lembra o propio día 17, un día despois do crime de Valga, a responsabilidade dos medios de comunicación á hora do tratamento informativo da violencia machista. Fanse eco da cobertura que se está a dar destes caso e do importante que é non superar os principios da deontoloxía profesional do periodismo. Lembran a conveniencia de non recoller imaxes nin declaracións que atenten contra a intimidade ou a dignidade das vítimas nin das persoas afectadas, xa que engaden dor a unha situación que xa de por si é extremadamente dolorosa.

Por todo o exposto, as deputadas e o deputado que asinan formulan as seguintes preguntas para a súa resposta por escrito:

1. Cre o Goberno galego que a cobertura realizada pola CRTVG do triplo asasinato machista de Valga cumpriu con todas as recomendacións do propio Consello de Administración da CRTVG sobre o tratamento dos casos de violencia machista nos medios de comunicación públicos galegos?
2. Entende o importante labor pedagóxica social e informativa que teñen os medios de información na loita contra a violencia de xénero?
3. Por que cre a CRTVG na cobertura dos asasinatos machistas de Valga, incumpriu as recomendacións IV e VI, facendo uso de opinións de familiares e veciños que nada tiñan de informativas?

Pazo do Parlamento, 19 de setembro de 2019

Asdo.: María Luisa Pierres López
Noela Blanco Rodríguez
Julio Torrado Quintela
Patricia Vilán Lorenzo
María Teresa Porritt Lueiro
Deputadas e deputado do G.P. dos Socialistas de Galicia





Asinado dixitalmente por:

María Luisa Pierres López na data 19/09/2019 13:38:21

Noela Blanco Rodríguez na data 19/09/2019 13:38:34

Julio Torrado Quintela na data 19/09/2019 13:38:43

Patricia Vilán Lorenzo na data 19/09/2019 13:38:56

María Teresa Porritt Lueiro na data 19/09/2019 13:39:08



Á Mesa do Parlamento

Concepción Burgo López e Luís Manuel Álvarez Martínez deputada e deputado pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa mesa a seguinte **pregunta para a súa resposta escrita**.

O artigo 9 do Regulamento do Parlamento de Galicia afirma que:

“1. Para o mellor cumprimento das súas funcións parlamentarias, os deputados, logo de coñecemento do respectivo grupo parlamentario, terán a facultade de solicitar das administracións públicas os datos, informes ou documentos que consten en poder destas.

2. A solicitude dirixirase, en todo caso, por conduto da Presidencia do Parlamento, e a Administración autonómica deberá facilitar a documentación solicitada ou manifestar á Presidencia do Parlamento, en prazo non superior a trinta días e para o seu máis conveniente traslado á persoa solicitante, as razóns fundadas en dereito que o impidan, ou comunicar a súa disposición para lle permitir o acceso directo á documentación solicitada.”

Facendo uso dos dereitos que este artigo outorga aos deputados, a deputada que asigna solicitou o 31 de xaneiro de 2019, con escrito número de rexistro 44997 “Copia do expediente de solicitude por parte de Abanca a través da “Fundación Universidad Internacional de la Empresa” de recoñecemento dunha universidade privada”.

En relación a esta petición feita con amparo no artigo 9 do regulamento da Cámara, a deputada que asina recibiu un escrito de tres follas da directora Xeral de Relacións Institucionais e Parlamentarias, fechado el 18 de xullo de 2019 con numero de rexistro 52751, e remitido a esta deputada polo sr. presidente do Parlamento de Galicia en data 19 de xullo de 2019 con número de rexistro 16197.

Neste escrito remitido como presunta contestación a unha solicitude de copia dun expediente, faise relación a varios preceptos da lei 39/2015 de procedemento administrativo; da lei orgánica 6/2001 de universidades; da lei 6/2013 do Sistema universitario de Galicia; do Real Decreto 420/2015 de 29 de maio, e incluso remite a unha contestación oral en pleno a unha pregunta feita



pola deputada que asina a conselleira sobre un tema similar, pero nin unha soa páxina do expediente solicitado e nin unha soa razón fundada en dereito que impida facilitar a documentación solicitada. Soamente dúas páxinas que non teñen relación co solicitado.

Independentemente de que a Consellería de Educación, Universidade e Formación Profesional saiba realmente o que é un expediente administrativo, a súa contestación supón unha vulneración dos dereitos que asisten a deputada asinante na realización do seu traballo, e mais, diría que tamén contén unha clara vontade de faltarlle ao respecto e indica unha total falta de transparencia e de respecto da Consellería de Educación, Universidades e Formación Universitaria.

Polo exposto, a deputada e deputado asinantes formulan as seguintes preguntas:

1.ª) Por que a Consellería de Educación, Universidade e Formación Profesional negase a entregar a copia do expediente de solicitude de creación dunha universidade privada impulsada por Afundación de Abanca?

2.ª) Pensa a Consellería de Educación, Universidade e Formación Profesional cumprir o Regulamento desta Cámara e entregar a documentación solicitada a deputada asinante?

Pazo do Parlamento, 19 de setembro de 2019

Asdo.: Concepción Burgo López e
Luís Manuel Álvarez Martínez
Deputada e deputado do G.P. dos Socialistas de Galicia

Asinado dixitalmente por:

Maria de la Concepción Burgo López na data 19/09/2019 14:12:44

Luis Manuel Álvarez Martínez na data 19/09/2019 14:12:58



Á Mesa do Parlamento

Concepción Burgo López, Xoaquín Fernández Leiceaga e Luís Manuel Álvarez Martínez deputada e deputados pertencentes ao **Grupo Parlamentario dos Socialistas de Galicia**, ao abeiro do disposto no artigo 152 do Regulamento da Cámara, presentan ante esa mesa a seguinte **pregunta para a súa resposta escrita**.

A Xunta de Galicia acaba de iniciar os trámites para autorizar a primeira universidade privada de Galicia abrindo a exposición pública o anteproxecto de creación da Universidade Intercontinental de Empresa, impulsada por a Fundación Galicia Obra Social-Afundación.

Chama a atención a atención a presentación deste anteproxecto sen que, nin as equipas das universidades públicas galegas, nin os grupos parlamentario desta Cámara coñezan ningún dos documentos preceptivos para poder autorizar este proxecto.

En efecto, ninguén ten coñecemento nin da memoria presentada polos promotores desta universidade privada, nin dos informes citados na exposición de motivos do anteproxecto, nin de ningún outro documento do expediente administrativo. Desta forma é imposible saber si este proxecto cumpre os requisitos marcados pola Lei orgánica 6/2001 de universidades, pola Lei 6/2013 do Sistema universitario de Galicia e restante lexislación aplicable.

Non coñecemos cales van ser as titulacións que quere impartir esta universidade privada cando o artigo 13.g da Lei do Sistema universitario de Galicia marca que o catálogo de titulacións ofertados por unha universidade privada deberá ser complementario e non reiterativo respecto as titulacións preexistentes e consolidas no SUG, nin tampouco se a composición da equipa de profesorado cumpre os requisitos marcados pola Lei orgánica de universidades, por citar os requisitos mais evidentes.

Todo isto semella unha total falta de transparencia por parte da Xunta de Galicia ao tratar este tema tan sensible para o Sistema universitario de Galicia e é imposible que nin as universidades, nin os grupos políticos, nin a cidadanía interesada valoren este proxecto así coo a actuación da Xunta de Galicia.

Esta opacidade da Xunta de Galicia na súa actuación para recoñecer unha universidade privada está a crear unha lóxica preocupación en todo sector educativo polos efectos que poda ter, sobre todo cando non hai ningún documento nin análise nin estudo que demostre que a creación desta universidade mellora o Sistema universitario de Galicia.



Polo exposto, a deputada e deputados asinantes formulan as seguintes preguntas:

- 1.^a) Por que a Xunta de Galicia está tratando con opacidade e falta de transparencia toda a tramitación do recoñecemento da universidade privada (Universidad Internacional de Empresa) promovida por Abanca
- 2.^a) Por que a Xunta de Galicia non da a coñecer nin a memoria, nin os informes nin ningún documento relacionado co proxecto de creación da Universidade Internacional de Empresa que permitan comprobar o cumprimento dos requisitos que marca a lexislación vixente?
- 3.^a) Por que non se entrega a este grupo parlamentario a copia do expediente de creación da Universidade Internacional de Empresa que foi solicitado polo artigo 9 do Regulamento da Cámara?
- 4.^a) Cales son as titulacións que pretende implantar a Universidade Internacional de Empresa?

Pazo do Parlamento, 19 de setembro de 2019

Asdo.: Concepción Burgo López e
Xoaquín Fernández Leiceaga
Luís Manuel Álvarez Martínez
Deputada e deputados do G.P. dos Socialistas de Galicia

Asinado dixitalmente por:

Maria de la Concepción Burgo López na data 19/09/2019 14:22:03

Xoaquín María Fernández Leiceaga na data 19/09/2019 14:22:18

Luis Manuel Álvarez Martínez na data 19/09/2019 14:22:31



Á Mesa do Parlamento

Concepción Burgo López, Xoaquín Fernández Leiceaga e Luís Manuel Álvarez Martínez, deputada e deputados pertencentes ao Grupo Parlamentario dos Socialistas de Galicia, solicitan a esa Mesa a seguinte corrección de erros nos documentos con número de rexistro **56086, 56087, 56088 e 56089**.

Corrección de erros:

Débese facer a seguinte corrección de erros:

Onde di: “...Universidad Internacional de Empresa...” debe dicir: “...Universidad Intercontinental da Empresa...”.

Pazo do Parlamento, 20 de setembro de 2019

Asdo.: Concepción Burgo López
Xoaquín Fernández Leiceaga
Luís Manuel Álvarez Martínez
Deputada e deputados do G.P. dos Socialistas de Galicia

Asinado dixitalmente por:

Maria de la Concepción Burgo López na data 20/09/2019 13:36:56

Xoaquín María Fernández Leiceaga na data 20/09/2019 13:37:05

Luis Manuel Álvarez Martínez na data 20/09/2019 13:37:14





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Luis Bará Torres, Ana Pontón Mondelo, Olalla Rodil Fernández, Xosé Luis Rivas Cruz, Montserrat Prado Cores e Noa Presas Bergantiños, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, relativa a Vulcano.

No ano do seu centenario, o estaleiro Vulcano está sufrindo unha situación crítica que o pon ao borde da desaparición. Logo da entrega do ferri, reactivouse o concurso de acredores, que entrou en fase de liquidación debido á elevada débeda e a que non parecer viábel o cumprimento dos compromisos cos acredores.

A nivel laboral estase tramitando un ERE extintivo que prevé unha indemnización de 20 días por ano traballado con máximo de 12 mensualidades. A decisión ao respecto prevese para a semana do 23 de setembro.

A Xunta desentendeuse deste proceso e dá por feito a liquidación da empresa. Aínda que os representantes do goberno galego dixeron que fixeron todo o posíbel por salvar a empresa, a realidade é que incumpriron os compromisos cos traballadores.

No seu día, o director do IGAPE pediulle ao persoal da empresa que colaborase para rematar e entregar o ferri, e que a partir de aí a Xunta implicaríase na busca dun investidor. Os traballadores cumpriron a súa parte traballando seis meses sen cobrar e cando se rematou o barco o director do IGAPE informoulles que





BLOQUE
NACIONALISTA
GALLEGU

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

non había ningún investidor xa que a opción de Barreras non era viable polos problemas que atravesaba a empresa. Polo tanto, o IGAPE cumpriu os compromisos coa empresa mais non cumpriu cos traballadores.

Diante desta situación crítica, o BNG considera que o goberno galego debe exercer as súas competencias en materia de política industrial para desenvolver un sector estratéxico para o desenvolvemento de Vigo e a súa comarca, tanto no que ten que ver en si coa construción naval como coa industria auxiliar.

Por todo isto fórmulanse as seguintes preguntas para resposta escrita:

1. Que valoración fai a Xunta de Galiza da situación do sector da construción naval e da industria auxiliar na ría de Vigo?
2. Ten previsto o goberno galego convocar a mesa de contratación do naval?
3. Que xestións fixo a Xunta de Galiza para salvar o estaleiro Vulcano e impedir a súa desaparición?
4. Por que a Xunta de Galiza incumpriu os compromisos cos traballadores de Vulcano?
5. Considera o goberno galego a posibilidade dunha intervención pública, da Xunta ou da SEPI, para garantir a continuidade do estaleiro e subrogar o persoal?





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

6. Fixo a Xunta de Galiza algún estudo sobre a posibilidade de desenvolver na actual Vulcano ou noutro emprazamento o Centro de Reparación Naval da Ría de Vigo?

Santiago de Compostela, 19 de setembro de 2019

Asdo.: **Luis Bará Torres**

Noa Presas Bergantiños

Olalla Rodil Fernández

Xosé Luis Rivas Cruz

Montserrat Prado Cores

Ana Pontón Mondelo

Deputadas e deputados do G.P. do BNG

Asinado dixitalmente por:

Xosé Luis Bará Torres na data 19/09/2019 17:38:20

María Montserrat Prado Cores na data 19/09/2019 17:38:25

Noa Presas Bergantiños na data 19/09/2019 17:38:32





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Olalla Rodil Fernández na data 19/09/2019 17:38:40

Xose Luis Rivas Cruz na data 19/09/2019 17:38:47

Ana Pontón Mondelo na data 19/09/2019 17:38:55





BLOQUE
NACIONALISTA
GALLEGO

OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Noa Presas Bergantiños, Ana Pontón Mondelo, Olalla Rodil Fernández, Xosé Luis Rivas Cruz, Montserrat Prado Cores e Luis Bará Torres, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**, relativa á consistencia ou non dos novos anuncios publicitarios respecto da construción naval na excursión do Presidente Feijóo a Arxentina.

O pasado 19 de setembro de 2019 asistimos a un novo anuncio por parte do Presidente da Xunta de Galiza relacionado coa construción naval nunha excursión. Desta volta durante a expedición a Arxentina coincidindo no tempo, casualmente, coa preocupación no sector pesqueiro pola posíbel afectación das prospeccións petrolleiras arxentinas aos caladoiros que emprega o noso sector, coa preocupación pola situación do sector naval ao producírense despedimentos no sector auxiliar e coa inminente convocatoria de eleccións.

Segundo informa literalmente a nota de prensa da Xunta de Galiza o Presidente <<abordou hoxe co ministro de Agricultura, Ganadería y Pesca do Goberno arxentino, Luis Miguel Etchevehere, numerosos asuntos de interese para a viabilidade das empresas galegas e para a pesca de Galicia, entre os que destacou o acordo para que case a metade dos barcos que operan en augas arxentinas poidan construírse en estaleiros galegos.





BLOQUE
NACIONALISTA
GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

“No eido da renovación da frota, o ministro destacou que a previsión que teñen é a de construír barcos por un importe de 2.500 millóns de dólares, entendendo que a metade, aproximadamente, desa carteira de pedidos se poderán construír en estaleiros galegos”, dixo, confirmando ademais o acordo de rebaixa do 14% ao 7% dos aranceis para a construción de barcos de máis de 30 metros que se fagan fóra de Arxentina.>>

Vistos os precedentes das promesas de Pemex que resultaron xa non só incumpridas senón nunha operación que está sendo investigada por indicios de corrupción, desde o Grupo Parlamentar do Bloque Nacionalista Galego entendemos que é necesario ter máis información ao respecto e que sexa esclarecido.

Por todo isto fórmulanse as seguintes preguntas para resposta escrita:

Cando prevé o goberno galego que cristalizarán as súas promesas respecto da construción da metade da frota arxentina?

En que consiste o acordo co goberno? En que data se asinou?

Ten memoria económica? Que aspectos recolle?

En que asteleiro ou asteleiros se construírá esa frota?

Que volume de traballadores precisará?

Cal é o horizonte que se manexa?

Cales son os tipos de barco e número destes que se desenvolverán?





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Que significa “case a metade”?

Con “barcos que operan en augas arxentinas” refírese só aos barcos de propiedade arxentina? Considera a Xunta de Galiza que esa descrición é rigorosa?

Santiago de Compostela, 20 de setembro de 2019

Asdo.: Noa Presas Bergantiños

Luis Bará Torres

Olalla Rodil Fernández

Xosé Luis Rivas Cruz

Montserrat Prado Cores

Ana Pontón Mondelo

Deputadas e deputados do G.P. do BNG

Asinado dixitalmente por:

Noa Presas Bergantiños na data 20/09/2019 13:26:59

Xosé Luis Bará Torres na data 20/09/2019 13:27:08

María Montserrat Prado Cores na data 20/09/2019 13:27:14





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Olalla Rodil Fernández na data 20/09/2019 13:27:21

Xose Luis Rivas Cruz na data 20/09/2019 13:27:34

Ana Pontón Mondelo na data 20/09/2019 13:27:42





OFICINA PARLAMENTAR
Parlamento de Galiza

Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Á Mesa do Parlamento

Noa Presas Bergantiños, Ana Pontón Mondelo, Olalla Rodil Fernández, Xosé Luis Rivas Cruz, Montserrat Prado Cores e Luis Bará Torres, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta escrita**.

Durante os últimos meses puidemos constatar como a inestabilidade política no Estado e a incapacidade das forzas políticas de dar saída a un novo goberno ten diversas consecuencias negativas para Galiza. Entre elas, o adebedamento de importantes contías por mor da demora no pagamento da mensualidade de IVE de 2017 e da actualización das entregas a conta do sistema de financiamento no marco dun espectáculo alongado no tempo no que se evidenciou asemade a insuficiencia da nosa relación económica co Estado e a falta de seriedade e de unidade de criterios deste.

Máis aínda, puidemos constatar o fracaso da estratexia da Xunta de Galiza, pois non só non arrancou o compromiso necesario por parte do goberno central senón que desbotou, presuntamente, recorrer á vía xudicial malia ter encargado un informe xurídico. Neste contexto resultan difíciles de crer as súas afirmacións respecto da posibilidade de que no caso de incorrer en déficit se lle reclame a asunción ao goberno central.





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Por todo isto formúlense as seguintes preguntas para resposta escrita:

Como vai evitar a Xunta de Galiza as consecuencias negativas da inxusta relación económica de Galiza co Estado español?

Vai rectificar e pasar a Xunta de Galiza das palabras aos feitos e impulsar a reclamación legal da débeda económica que ten o Estado co noso país?

Ten pensado a Xunta de Galiza incorrer en déficit?

E aumentar a débeda?

Vai reclamar que o goberno central asuma os custos de incorrer en déficit ou de aumentar a débeda? De que forma?

Considera a Xunta de Galiza que o único problema da relación económica de Galiza co Estado son a demora no pagamento do IVE de 2017 e das actualizacións das entregas a conta?

Considera a Xunta de Galiza que podería evitarse esta situación de contarmos con outro sistema de financiamento?

Santiago de Compostela, 20 de setembro de 2019

Asdo.: **Noa Presas Bergantiños**

Luis Bará Torres

Olalla Rodil Fernández





OFICINA PARLAMENTAR
Parlamento de Galiza
Rúa do Hórreo, s/n. Tel. 0034 981 551 545
Fax. 0034 981 551 420. Fax prensa: 0034 981 551 421
gp-bng@parlamentodegalicia.gal
15702 Santiago de Compostela
Galiza

Xosé Luis Rivas Cruz
Montserrat Prado Cores
Ana Pontón Mondelo
Deputadas e deputados do G.P. do BNG

Asinado dixitalmente por:

Noa Presas Bergantiños na data 20/09/2019 13:40:33

Xosé Luis Bará Torres na data 20/09/2019 13:40:41

María Montserrat Prado Cores na data 20/09/2019 13:40:47

Olalla Rodil Fernández na data 20/09/2019 13:40:54

Xose Luis Rivas Cruz na data 20/09/2019 13:41:03

Ana Pontón Mondelo na data 20/09/2019 13:41:10



Á MESA DO PARLAMENTO

Eva Solla Fernández, deputada do Grupo Parlamentario Grupo Común da Esquerda, ao abeiro do disposto no artigo 157 do Regulamento da Cámara, presenta a seguinte **Pregunta para a súa resposta escrita**.

A OMS, ten cualificado o amianto como un canceríxeno de tipo I, do que xa son de sobra coñecidas as súas consecuencias completamente prexudiciais para a saúde e producidas pola inhalación do mesmo.

Este material, foi empregado de xeito abundante no ámbito da construción en tubarias, tellados, paredes, depósitos de auga..., formando parte de moitos edificios, entre eles os propios centros educativos.

Dende que son coñecidos os seus compoñentes e efectos para a saúde, comezaron a aprobarse normas nas diferentes institucións prohibindo o seu uso, tales como o Real Decreto 396/2006 do 31 de marzo ou a Resolución do Parlamento Europeo do 14 de marzo de 2013, que insta aos Estados membros á retirada do amianto.

Con todo, a Xunta non está a ter unha resposta contundente sobre a eliminación do amianto nos centros escolares, tal e como está a acontecer no CEIP Wenceslao Fernández Flórez no municipio de Cambre, onde xa levan anos solicitando a retirada do mesmo.

Por todo o anterior, o Grupo Parlamentario Común da Esquerda presenta a seguinte PREGUNTA:

- Cando ten pensado a Xunta de Galicia levar a cabo a retirada do amianto no CEIP Wenceslao Fernández Flórez en Cambre?



- Conta a Xunta de Galicia cun protocolo específico para a retirada do amianto nos centros escolares?
- Cales son os prazos que manexa o Goberno para ter rematada a retirada de amianto dos centros escolares?

Santiago de Compostela, 20 de setembro de 2019.

Asdo.: Eva Solla Fernández

Deputada do G.P. Grupo Común da Esquerda.

Asinado dixitalmente por:

Eva Solla Fernández na data 20/09/2019 14:08:55



Á Mesa do Parlamento

Luís Manuel Álvarez Martínez, María Luisa Pierres López e Patricia Vilán Lorenzo, deputado e deputadas pertencentes ao **Grupo Parlamentario dos Socialistas de Galicia**, presentan ante esa Mesa a seguinte **pregunta** para a súa resposta **por escrito**.

A seguridade viaria, e nomeadamente a dos peóns, é un dos obxectivos estratéxicos do Plan de Seguridade Viaria de Galicia 2016-2020, que considera este colectivo dentro do que denomina usuarios vulnerables.

En concreto, formúlase como obxectivo reducir a siniestralidade viaria das persoas usuarias vulnerables, sendo responsable das medidas precisas para acadar este obxectivo a Axencia Galega de Infraestruturas.

Veciños e veciñas da Laracha quéixanse do exceso da velocidade nalgúns tramos do termo municipal, que afectan a distintas estradas. Pero un dos máis sinalados é o que se sitúa na estrada de titularidade autonómica AC-552, entre A Telleira – Cancelo do Medio (San Román-Cabo-Vilaño, concello da Laracha), entre o punto quilométrico 22 e 23 da AC-552.

Hai unha sinal (ao final da Avenida de Finisterre) que indica o fin de prohibición de ir a unha velocidade superior a 70 km/h e, rematada esta limitación, existe un tramo de máis dun quilómetro de lonxitude desta estrada sen ningún tipo de restrición, tramo densamente poboado a ambos lados da estrada cunha configuración cuasi-urbana.

Ata chegar ao lugar onde se atopa o Lar de Pacheco e ao cruce coa urbanización existente, non hai outra limitación; hai unha sinal que limita a velocidade a 70 km/h e que a día de hoxe non é respectada por ninguén, incluso se duplica a velocidade nos fines de semana.

Non debemos esquecer que o feito de cruzar a estrada é algo habitual e mesmo necesario para a veciñanza destes lugares e que hai persoas que presentan problemas de mobilidade o que incrementa o tempo necesario para realizar ese cruzamento.



Por outro lado, o Real decreto 1428/2003, do 21 de novembro, polo que se aproba o Regulamento Xeral de Circulación para a aplicación e desenvolvemento do texto articulado da Lei sobre tráfico, circulación de vehículos de motor e seguridade viario, aprobado polo Real decreto legislativo 339/1990, do 2 de marzo establece no seu artigo 139 que corresponde ao titular da vía a responsabilidade do seu mantemento nas mellores condicións posibles de seguridade para a circulación e a instalación e conservación nela dos adecuados sinais e marcas viarias.

Por todo o exposto, o deputado e as deputadas que asinan formulan as seguintes preguntas para a súa resposta escrita:

1. Coñece a Xunta de Galicia a situación existente entre os puntos quilométricos 22 e 23 da estrada autonómica AC-552 no concello da Laracha?
2. Considera que a falla de limitación de velocidade neste tramo por debaixo da xenérica supón un perigo para a veciñanza?
3. Ten intención de establecer unha limitación de velocidade no tramo sinalado que garanta a seguridade dos peóns, así como acometer as actuacións necesarias sobre a estrada de xeito que as limitacións se cumpran de xeito efectivo?

Pazo do Parlamento, 20 de setembro de 2019

Asdo.: Luís Manuel Álvarez Martínez
María Luisa Pierres López
Patricia Vilán Lorenzo

Deputado e deputadas do G.P. dos Socialistas de Galicia

Asinado dixitalmente por:

Luis Manuel Álvarez Martínez na data 20/09/2019 17:20:47





PARLAMENTO DE GALICIA
REXISTRO XERAL ENTRADA
Data asento: 20/09/2019 18:16:26
Nº Rexistro: 56166
Data envío: 20/09/2019 18:16:26.373

María Luisa Pierres López na data 20/09/2019 17:20:56

Patricia Vilán Lorenzo na data 20/09/2019 17:21:07

Rúa do Hórreo, s/n, Parlamento de Galicia. 15702 SANTIAGO DE COMPOSTELA
Tlf: 981 551 530 · gp-socialista@parlamentodegalicia.es

CSV: BOPGDSPQPQM2EXJHM5
Verificación:
<https://sede.parlamentodegalicia.gal/tramites/csv/>



ESTRUTURA DO BOLETÍN OFICIAL DO PARLAMENTO DE GALICIA

1. PROCEDEMENTOS PARLAMENTARIOS

1.1. PROCEDEMENTOS DE NATUREZA NORMATIVA

- 1.1.1. NORMAS APROBADAS
- 1.1.2. PROPOSTAS DE NORMAS

1.2. PROCEDEMENTOS ESPECIAIS DE CARÁCTER INSTITUCIONAL

- 1.2.1. INVESTIDURA
- 1.2.2. MOCIÓN DE CENSURA
- 1.2.3. CUESTIÓN DE CONFIANZA

1.3. PROCEDEMENTOS DE CONTROL E IMPULSO

- 1.3.1. CONTROL SOBRE AS DISPOSICIÓNS DA XUNTA CON FORZA DE LEI
- 1.3.2. COMUNICACIÓNS DA XUNTA DE GALICIA
- 1.3.3. EXAME DE PROGRAMAS E PLANS
- 1.3.4. ACORDOS, RESOLUCIÓNS OU PROPOSTAS DE COMISIÓNS ESPECIAIS OU DE INVESTIGACIÓN
- 1.3.5. MOCIÓNS
- 1.3.6. PROPOSICIÓNS NON DE LEI
- 1.3.7. OUTRAS PROPOSTAS DE RESOLUCIÓN E ACORDOS
- 1.3.8. PROCEDEMENTOS DE CONTROL ECONÓMICO E ORZAMENTARIO

1.4. PROCEDEMENTOS DE INFORMACIÓN

- 1.4.1. INFORMACIÓNS REMITIDAS POLA XUNTA DE GALICIA
- 1.4.2. SOLICITUDES DE COMPARECENCIA
- 1.4.3. INTERPELACIÓNS
- 1.4.4. PREGUNTAS
- 1.4.5. RESPOSTAS A PREGUNTAS
- 1.4.6. SOLICITUDES DE DATOS, INFORMES E DOCUMENTOS DE DEPUTADOS E DE COMISIÓNS
- 1.4.7. RECONVERSIÓNS POR FINALIZACIÓN DO PERÍODO DE SESIÓNS

1.5. PROCEDEMENTOS RELATIVOS A OUTRAS INSTITUCIÓNS E ÓRGANOS

1.6. PROCEDEMENTOS DE ELECCIÓN, DESIGNACIÓN E PROPOSTA DE NOMEAMENTO

1.7. PROCEDEMENTOS RELATIVOS AO DEREITO DE PETICIÓN

2. ELECCIÓN E COMPOSICIÓN DO PARLAMENTO, RÉXIME E GOBERNO INTERIOR, ORGANIZACIÓN E FUNCIONAMENTO

- 2.1. ELECCIÓN DO PARLAMENTO
- 2.2. COMPOSICIÓN DO PARLAMENTO E DOS SEUS ÓRGANOS
- 2.3. RÉXIME E GOBERNO INTERIOR
- 2.4. ORGANIZACIÓN E FUNCIONAMENTO DO PARLAMENTO


3. ADMINISTRACIÓN DO PARLAMENTO DE GALICIA

4. INFORMACIÓNS E CORRECCIÓNS DE ERROS

4.1. INFORMACIÓNS

4.2. CORRECCIÓNS DE ERROS





PARLAMENTO
DE GALICIA

BOLETÍN OFICIAL DO
PARLAMENTO DE GALICIA

Edición e subscricións:

Servizo de Publicacións do Parlamento de Galicia. Hórreo, 63. 15702. Santiago de Compostela.

Telf. 981 55 13 00. Fax. 981 55 14 25

Dep. Leg. C-155-1982. ISSN 1133-2727

CSV: BOPGDSPQM2EXJHM5
Verificación:
<https://sede.parlamentodegalicia.gal/tramites/csv/>

